



ЎЗБЕКИСТОН РЕСПУБЛИКАСИ ФАНЛАР
АКАДЕМИЯСИ
АБУ РАЙХОН БЕРУНИЙ НОМИДАГИ
ШАРҚШУНОСЛИК ИНСТИТУТИ

АБЛАТ ХОДЖАЕВ
ДИЛРАБО ТУРДИЕВА



ҚОРАХОНИЙЛАР ХОҚОНЛИГИ
ТАРИХИ ХИТОЙ ХАЛҚ РЕСПУБЛИКАСИ
ОЛИМЛАРИ ТАДҚИҚОТЛАРИДА



Тошкент – 2021
«Fan ziyozi» нашриёти

**KBK: 84. 5(ъзб)2
UO'K: 152(28+51)20**

Аблат Ходжаев, Дилрабо Турдиева. **Қорахонийлар хоқонлиги тарихи Хитой Халқ Республикаси олимлари тадқиқотларида.** –Тошкент, « Fan ziyozi » нашриёти, 2021. – 148 б.

1980 йилда Қорахонийлар давлати тарихини шакллантириш Хитой Халқ Республикаси (ХХР) Шинжяң-Үйғур автоном үлкәсидаги энг йирик ўқув юрти ҳисобланган «Шинъжяң университети» қошидаги Тарих факультетининг илмий тадқиқот режасига киритилган эди. Шу вазифани амалга ошириш доирасида хитой тилида ва араб алифбосига асосланган үйғур тилида қатор асарлар нашр этилди.

Ўзбекистон ёш олимлари томонидан ушбу 372 йилга яқин вақт давомида минтақамизда мавжуд бўлган ҳамда дунё цивилизациясига катта ҳисса қўшган йирик давлат тарихига бўлган қизиқишининг ортиб бораётганлиги ва шу сабабли унга оид тадқиқотлар – илмий мақолалар ва диссертацияларнинг сони кўпаётганлигини инобатга олиб, мазкур асар оркали қорахонийлар суоласи тарихига оид ХХР олимлари асарларининг мазмун-моҳияти, бу қадимий давлатга бўлган қарашлар ҳамда уларда келтирилган қизиқарли маълумотлар билан тарихчи олимларимиз, ёш тадқиқотчиларимиз ва ватанимиз тарихига қизикқан китобхонларимизни таништиришни мақсад қилиб олдик.

Асар илмий ходимлар, тадқиқотчилар, ўқитувчи ва талабалар ҳамда кенг доирадаги китобхонлар учун фойдалидир.

Масъул мұхаррир: Д.Ю. Юсупова – академик.

Тахрирчилар: Г. С. Джумаева – педагогика фанлари номзоди.
Х.Абдурасулов – илмий ходим.

Такризчилар: Ш. Құлдашев – тарих фанлари номзоди.
Р. Худойберганов – тарих фанлари
бүйича фальсафа доктори (PhD).

КИРИШ СҮЗИ

Мустақиллик шарофати билан юзага келган имканиятлар халқимизнинг ўзини ўзи англашни, миллий гоя ва тафаккурини шакллантиришни, бунинг учун зарур бўлган барча омилларни, жумладан ўз тарихимизни, халқаро муносабатлар ўтмушида тутган ўрнимизни чуқур ва атрофли ўрганишни тақозо этмоқда.

Атрофдаги қўшни мамлакатларда, хусусан жадал суръатлар билан ривожланаётган Хитой Халқ Республикаси¹ (ХХР)да амалга оширилаётган ватанимиз тарихига алоқадор тадқиқотларни ва уларнинг натижаларини ўрганиш Ўзбекистон тарихчилари олдида турган долзарб масалалардан биридир. Зоро ХХРда 1978 йилда бошланган иқтисодий ислоҳотлар бошланган даврида Марказий Осиё тарихини ўрганишга катта эътбор берилди. Давлат томонидан грантлар ажратилди. Буларни бажариш натижасида юзага келган ХХР олимларининг тадқиқотлари хитой ва уйғур тилларида² нашр этилди.

Маълумки, Ўзбекистон тарихининг салмоқли бир қисмини, яъни 372 йилга яқин даврини Қорахонийлар хоқонлиги (840-1212) тарихи ташкил этади. Бинобарин, ушбу давлат даврида Марказий Осиё, жумладан Ўзбекистоннинг иқтисодий, ижтимоий ва маданий ҳаётида катта ижобий ўзгаришлар юз берган. Минтақанинг яхлит бир сиёсий, иқтисодий ва маданий ҳудудга айланиши, ички

¹ Хитой Халқ Республикаси (ХХР) атамаси 1949 йил 1 октябрдан жорий этилган. Уни ўзбек ва рус тилларига ўрнашиб қолган норасмий топоним ҳисобланадиган «Хитой» билан тенглаштирган холда ишлатиб бўлмайди.

² Уйғур тили ўзбек тилига энг яқин тил ҳисобланади. Уни ўзбек тилининг бир шеваси деб ҳисоблаш ҳам хато бўлмайди. Бироқ уйғур тили ёзуви бироз ислоҳ қилинган араб алифбоси асосида сақланиб қолган. Бу ёзувни билган ўзбеклар bemalol ўқиши ва тушуниши мумкин.

ва халқаро савдо йўлларининг хавфсизланиши ҳамда ривожланиши бу юксалишнинг асосий омиллариdir. Айнан шу хоқонлик даврида Абу Наср Фаробий (870-950), Абу Райхон Беруний (973-1048), Абу Али ибн Сино (980-1037), Маҳмуд Кошғарий (1008-1105), Юсуф Хос Ҳожиб (1018-1085) каби жаҳон илму-фани ва маданиятига катта ҳисса кўшган буюк олимлар яшаб, ижод қилганлар.

Қораҳонийлар хоқонлиги кучайган даврида унинг ҳудуди Шарқий Туркистондаги Торим воҳасининг ўрта ва ғарбий қисми, Или водийси, Балхаш кўлининг жануби, Чу дарёси ва Иссиққўл атрофи, Мовароуннаҳрнинг шарқий қисми, жумладан Фарғона водийси каби жойлардан ташкил топди. Давлатнинг пойтахти аввалига Боласағун, кейинчалик Кошғар (ҳозирги замон уйғур тилида Қашқар)³ бўлди. Шу даврда Марказий Осиё минтақасининг яхлитликка келиши, унда умумий иқтисодий муҳитнинг шаклланиши, ички ва халқаро савдо йўллари хавфсизлигининг таъминланиши ва савдо алоқаларнинг ривожланишига катта ҳисса кўшган.

Аммо Қораҳонийлар давлатининг 11-чи хоқони Сулаймон Арслонхон (Сулаймон бинни Юсуф – 1032-1040) даврида ҳукмдор сулоласи, шарқий ва ғарбий қораҳонийлар сулолалари каби икки қисмга бўлиниб кетган. Бу ҳолат халқаро савдо алоқаларнинг ривожланишига маълум даражада таъсир кўрсатган.

Шарқий қораҳонийлар давлатининг ҳудудига Еттисув, Или водийси, Қашқар ва Хўтан вилоятлари, Фарғона водийсининг шарқий қисми кирган. Ғарбий қораҳонийлар

³ Кошғар топоними VIII асрда пайдо бўлган. Ундан олдин ушбу шаҳар Ўрдукент деб ҳам номлаган. Қадимги хитой манбаларида у Сули, Сулэ, Шулэ шаклида учрайди. Этимологик жиҳатдан ушбу хитойча атамалар *серсув*, *сувлик* сўзининг транскрицияси ҳисобланади [Хўжаев А. Буюк ипак йўли: муносабатлар ва тақдирлар. Тошкент, 2007. 107-б.].

давлатининг ҳудудига эса Мовароуннахр ва Фарғона водийсининг ғарбий қисми кирган. Булар орасидаги чегара одатда Хўжанд дарёси ҳисобланган. Лекин уларнинг кучайиши ва заифлашиши туфайли ушбу чегара ўзгариб турган. Ғарбий Қорахонийлар хонлигининг пойтахти Самарқанд бўлган.

Шарқий Қорахонийлар сулоласининг сўнгги ҳукмдори Муҳаммадхон - III (Муҳаммад бинни Юсуф – 1205-1212) бўлиб, у 1212 йилда беклар томонидан ўлдирилган. Ғарбий Қорахонийлар сулоласининг сўнгги ҳукмдори Усмон Буғрохон (Усмон бинни Иброҳим – 1204-1212) бўлиб, у қайнотаси Хоразмшоҳ Муҳаммад томонидан ўлдирилган. Шунинг билан Ғарбий қорахонийлар хонлигига якун ясалган.

Қорахонийлар сулоласи тарихини ўрганиш Ўзбекистон тарихнавислигига ҳамон долзарб масала бўлиб келмоқда. Зеро, мазкур ҳоқонлик тарихининг ватанимиз адабиётида ёритилиши даражасидан келиб чиқиб айтиш мумкинки, унинг мунозарали, ечимга муҳтож саволлари кўп. Хонликни ташкил қилган қабилалар, унинг шаклланиш ва ривожланиш жараёнлари, сулоланинг насабномаси, ҳоқонликнинг ҳудудий доираси, унинг Хитой билан бўлган алоқалари, хитой манбаларидаги унга оид маълумотларнинг таҳлили каби масалалар шулар жумласидандир.

Ўтган асрнинг сўнгги чорагида XXРда Қорахонийлар сулоласи тарихини ўрганиш кучайган. Айрим университетларнинг, жумладан Урумчи шаҳрида жойлашган «Шинжянг⁴ университети»нинг тарих факультети қошида

⁴ Шинжянг (русча транскрипцияда Синьцзян) сўзи 1760 йилда пайдо бўлган бўлиб, у янги чегара ёки янги ҳудуд маъносини англатади. Қадимги хитой манбаларида Шиту (рус тилида Ситу 西土 – Ғарбий замин) ва Шиюй (Сиюй 西域 – Ғарбий ҳудуд, Ғарбий замин, Ғарбий юртлар, Ғарбий мамлакатлар) деб номланган. XVI-

Қорахонийлар сулоласи ва давлати тарихини ўрганиш гурухлари ташкил қилинган. Бу гурухлар амалга оширган изланишларнинг натижаларини ўрганиш, уларни Ўзбекистон илм аҳлига танишириш ва илмий муомалага киритиш муҳим аҳамият касб этади. Шу сабабли бизнинг имкониятларимиз доирасидаги мавжуд хитой ва араб алифбосига асосланган уйғур тилларида нашр этилган бир қатор асарларни таҳлил қилишни ва уларнинг натижаларини тарихчиларимиз ва кенг китобхонлар оммасига тақдим этишни лозим топдик.

Хитой тилида нашр этилган Қорахонийлар давлати тарихига оид яхлит асар Нанкин университети профессори Вэй Лянгтао (魏良弢)⁵ қаламига мансуб, у 1986 йилда Урумчи шаҳрида нашр этилган «Калахан вангчао шигао» (喀喇汗王朝史稿 – «Қорахонийлар сулоласининг қисқача тарихи») номли монография (249 бет) ҳисобланади. Бундан кейин чоп этилган Марказий Осиёning умумий тарихига оид қатор асарларда ушбу давлат ҳақида қисқача тўхтаб утилган.

Иzlанишларимизга асос қилиб олинган замонавий уйғур тилида (араб алифбосида) нашир этилган асарлар қуидагилардан иборат.

1) 1987 йилда Пекинда нашр этилган хитой олими Лю Чжишяо (Liu Zhixiao)нинг икки жилдли «Уйғур тарихи» (умумий ҳажми 1208 бет),

XVII асрларда битилган форсийзабон қўлёзмаларда Уйғурия, Уйғуристон, рус ва ғарб адабиётида Восточный Туркестан (Шарқий Туркистон), Туркия адабиётида Дўғи Туркистон деб аталган.

⁵ Вэй Лянгтао Тошкентга икки марта келиб кетган, туркий тиллардаги манба ва адабиётлар билан ишлаш имкониятига эга. Ҳозир Нанкин (Nanjing 南京 – жанубий пойтах) университетининг профессори. Илгари Урумчи шаҳридаги «Шинжянг университети» тарих факультетида ишлаган.

2) 1989 йилда Урумчи шаҳрида чоп этилган уйғур тарихчиси Турағун Олмаснинг «Уйғурлар» (841 бет) асари,

3) 1991 йилда Пекинда нашр этилган Анвар Байтур ва Хайринисо Сидиқларнинг «Шинжянгдаги миллатларнинг тарихи», (уйғурча тарафғузда: «Шинжянгдикى миллатларнинг тарихи», 1317 бет),

4) Ухан университети профессори Ванг Чжилай (Wang Zhilai – илгари Урумчи шаҳрида жойлашган «Шинжянг университети»да ишлаган) томонидан ёзилган ва хитойчадан уйғур тилига таржима қилиниб, 2000 йилда Урумчида чоп этилган икки жилдли «Ўрта Осиё тарихи» (уйғурча тарафғузда: «Ўттура Асия тарихи»)нинг биринчи жилди (471 бет),

5) Вэй Лянгтаонинг юқорида кўрсатилган хитой тилида чоп этилган «Калаҳан вангчао шигао» асарининг уйғурча таржимаси ҳисобланмиш 2000 йилда Қашқарда нашр этилган «Қорахонийлар тарихидан баён» (уйғурча тарафғузда: «Қорохонийлар тарихидин боён», 358 бет),

6) 2000 йилда Урумчи шаҳрида чоп этилган Лин Ган ва Гао Зиху (Lin Gan, Gao Zihou)лар қаламига мансуб «Қадимги уйғурлар тарихи» (уйғурча тарафғузда: «Қадимқи уйғурлар тарихи», хитойчадан таржима, 660 бет),

7) 2001 йилда Урумчида Ҳожи Нурхожи томонидан нашр этилган «Қадимги уйғурлар ва Қорахонийлар» (494 бет),

8) 2006 йилда шу шаҳарда чоп этилган «Уйғуларнинг қисқача тарихи» (712 бет).

Китобимиз мавзусининг асосий мазмунига ўтишдан аввал таъкидлаш жоизки, жаҳон адабиётидаги анъанага кўра, Марказий Осиё тушунчаси анча кенг бўлиб, унга Туркистон (Ўзбекистон, Козоғистон, Кирғизистон, Тожикистон, Туркманистон), Шарқий Туркистон (ҳозирги Шинжянг-Уйғур автоном райони), Тибет, Монголия, шимолий Афғонистон ва Эроннинг шарқий қисми кирган. Собиқ Совет иттифоқи тугатилганидан кейин Тожикистон,

Туркманистон, Ўзбекистон, Қозоғистон, Қирғизистон раҳбарлари келишиб, илгари ишлатилган «Ўрта Осиё ва Қозоғистон» атамаси ўрнига ушбу республикалар ҳудудини яхлит бир ном билан аташ мақсадида уни Марказий Осиё республикалари, деб муомалага киритиш ҳакида қарор қабул қилинганд⁶. Чунки собиқ Иттифок даврида жорий этилган «Ўрта Осиё ва Қозоғистон» атамаси бундай яхлитликни мазмунан таъминлай олмас эди. Шундан кейин илмий адабиётларда мазкур республикалар ҳудуди «Марказий Осиё» дейиладиган бўлди. Шунинг учун биз Марказий Осиё атамасини Туркистоннинг синоними сифатида ишлатишни ва уни кенг маънода қўллаш зарур бўлганда, унинг олдига буюк ёки катта сўзини қўшиб ишлатишни лозим топдик. Сўнги 30 йил давоми XXРда нашр этилган тарихий ва сиёсий адабиётларида янги мазмундаги Марказий Осиёга нисбатан «Чжунъя» (Zhongya 中亚), Марказий Осиё республикалри сўзига нисбатан эса «Чжунъя угур» (Zhongya wuguo 中亚五国) атамалари ишлатилмоқда.

Яна бир таъкидлаб ўтишга молик масала шуки, илгари хитойча иероглифларни транскрипция қилишда асосан рус тилли адабиётда қабул қилинган шакллардан фойдаланиш одатга кириб қолган. Ушбу китобимиизда бу услубдан фойдаланмасдан кириллга асосланган ўзбек ёзувида транскрипция қилишни лозим топдик. Масалан «шя» (夏, 下, лотин алифбосига асосланган хитойча транскрипцияда «хіа») ўқиладиган ва ҳар хил шаклда ёзиладиган 80 тага яқин иероглиф русча-хитойча луғатларда «ся» деб транскрипция қилинган. Хитой адабий тили нуқтаи назаридан олиб қараганда, бу бироз бузилган талаффуз ҳисобланади. Хитойча луғатларда мазкур иероглифлар лотин ёзувида асосланган транскрипцияда «хіа» шаклида ифодаланган. Бундаги «х» ҳарфи ўзбекча «ш»га тўғри

⁶ Бу ҳақда қаранг: *Ходжаев А.* Китайский фактор в Центральной Азии. Тошкент, 2020. 11-12-б.

келади. Шуни ҳисобга олиб, биз «хia»ни «шя» шаклида ишлатишни лозим топдик. Чунки бу хитойча талаффузга аниқ мос келади.

Аммо келтирилган мисоллар билан биз хитой тилидаги барча иероглифларнинг ўқилишини амалдаги кирилл алифбосига асосланган ўзбек ёзувида тўла ва аниқ ифода қилиш мумкин, демоқчи эмасмиз. Чунончи, ўзбек ёзувида «ы» товуши бўлмаганлиги туфайли «зы», «сы», «цы» «шы» ўқиладиган иероглифларни «зи», «си», «ци» «ши» шаклида ёзишга тўғри келади. Кирилл ёзувида асосланган ўзбекчада «ў» ҳарфи бўлмаганлиги туфайли «shü», «үү», «յў» каби иероглифлар «шюй», «юй», «жюй» шаклида охирига «й» ҳарфини қўшиб транскрипция қилинди. Хитой тилидаги «zhi» 智, «zhang» 长, «zhong» 种, «zhan» 展, «guo» 国 ўқиладиган иероглифлари ҳам ўзбекча кирил ёзувида аниқ транскирипция қилиш қийин бўлган сўзлар ҳисобланади. Булар китобимизда «чжи», «чжанг», «чжуонг», «чжан» «гуо» шаклида ёзилди.

Яна бир таъкидлаб ўтишга молик масалаки, ер майдони (1646,9 минг км га teng) Ўзбекистон худудидан 4 баробарга яқин катта бўлган Шарқий Туркистон 1955 йил биринчи октябрдан бошлаб хитойча «Шинжянг вэйуэр зичжичой» (新疆维吾尔自治区) деб номланган бўлиб, уни уйғур тилига «Шинжянг-Уйғур автоном райони» деб таржима қилган. Хитой тилидаги чюй (区) иероглифи туман, минтақа маъноларида ишлатилади. Рус тилидан ўзбекчага ўтган район сўзи эса туман маъносига эга. Шунинг учун ушбу асарларимизда район ўрнига ўлка сўзи ишлатилди. Мазкур минтақанинг хитойча янги номидаги «Шинжянг» (Янги худуд, Янги замин, Янги чегера) сўзини русчада «Синьцзян» деб талаффуз қилинган бўлиб, бу одат ўзбек тилига ҳам кириб келган. Ушбу китобимизда мазкур топонимнинг русча шакли ишлатилмади.

1-БОБ. ХХР ТАРИХШУНОСЛИГИДАГИ ҚОРАХОНИЙЛАР ХОҚОНЛИГИ ТАРИХИГА ОИД ТАДҚИҚОТЛАРНИНГ УМУМИЙ ТАҲЛИЛИ

1.1. Қорахонийлар хоқонлиги тарихига оид хитой ва үйғур тилларида нашр этилган асосий асарлар

Мазкур китобимиз устида иш олиб бориш жараёнида ўрганилган адабиётларнинг мазмунига кўра, 1980 йилга қадар XXРда Қорахонийлар хоқонлиги тарихи маҳсус тадқиқот мавзуси бўлмаган. Унга оид маълумотлар фрагментар характерга эга бўлиб, баъзи асарларда айrim боб ёки параграф сифатида баён этилган. Уйғур тилида ҳам ушбу тарихга бағищланган асар нашр этилмаган.

1978 йилда XXРда бошланган иқтисодий ислоҳотларнинг дастлабки даврида XXР ҳукуматининг тарихни, айниқса Марказий Осиё тарихини ўрганиш ҳақида қабул қилган қарори Қорахонийлар давлати тарихини ўрганишга катта йўл очиб берди. Ушбу қарорга биноан 1980 йилда мазкур минтақа тарихни ўрганиш масаласи «Шинжянг университети» доирасида олиб бориладиган илмий тадқиқотлар режасига киритилган ва бу вазифани амалга ошириш университетнинг тарих кафедрасига юкландган. Лойиҳага илмий раҳбарлик қилиш вазифаси профессор Вэй Лянгтаога топширилган ва унга бир қатор тадқиқотчилар ҳам жалб қилинган.

Хитой олими Вэй Лянгтаонинг ёзишича, 1983 йилда у Қорахонийлар хоқонлигига оид хитой тилида ёзган тадқиқотини тугатган ва уни 1986 йилда Урумчи шаҳрида «Калахан вангчао шигао» («Қорахонийлар сулоласининг

қисқача тарихи»)⁷ номи билан нашр этган. Ундан олдин олим шу мавзу доирасида бир қатор мақолалар ҳам эълон қилган.

Уйғур тилида Қорахонийлар хоқонлигига оид нашр этилган тадқиқотларни хронологик тартибда таҳлил қиласынан бўлсан, биринчи навбатда 1987 йилда Пекинда чоп этилган хитой олими Лю Чжишяонинг икки жилдли «Уйғурлар тарихи» номли асарини тилга олишимиз керак. Ушбу тарихнинг 6-боби (285-376 бетлар) мазкур хоқонлик тарихига бағишлиланган. Унда муаллиф хоқонликнинг ташкил топиши, ривожланиши, ҳудудий кенгайиши, шарқий ва ғарбий каби икки қисмга бўлиниб кетиши, улар орасидаги муносабатлар, хоқонликнинг маъмурий тузуми, иқтисодий ва маданий ривожланиши, ислом динининг Қорахонийлар томонидан қабул қилиниши каби масалалар устида фикр юритган.

XXР Шинжянг-Уйғур муҳтор ўлкасининг биринчи раиси бўлган Сайфиддин Азизийнинг «Уйғурлар тарихи»га ёзган кириш сўзида айтилишича, Лю Чжишяо уйғур тилини яхши билган ва туркий тиллардаги адабиётлардан мукаммал фойдаланган. Шунинг билан бирга у хитой манбаларидаги мазкур хонликка оид маълумотларнинг бир қисмини илмий муомалага кири-тишга муюссар бўлган. Асар дастлаб хитой тилида битилган, сўнгра уйғур тилига таржима қилинган.

Хронологик жиҳатдан олганда, Қорахонийлар хоқонлигига оид учинчи тадқиқот уйғур тарихчиси Турағун Олмас томонидан амалга оширилган. Мазкур тадқиқот натижаси 1989 йилда Урумчи шаҳрида чоп этилган «Уйғурлар» номли йирик асарнинг (840 бет) 10-16 бобларида (416-680-б.) жойлаштирилган. Муаллиф ўз тадқиқотида хитой ва туркий тиллардаги манба ва

⁷ Вэй Лянгтао. Калахан вангчо шигао (Қорахонийлар сулоласининг қисқача тарихи). Урумчи, 1986. 249 бет.

адабиётлардан кенг фойдаланган ва Лю Чжишяо тадқиқотларида зикр этилган масалалар устида тўхталиб, уларни янада кенг ва чуқурроқ ўрганган, янги маълумотлар билан тўлдирган ва кўп масалалар юзасидан ўзининг мустақил фикрларини баён этган.

1991 йилда Пекинда уйғур олимлари Анвар Байтур ва Хайринисо Сидикнинг «Шинжяндаги миллатларнинг тарихи»⁸ номли катта асари (1317 бет) нашр этилди. Унинг 13-боби (643-720-б.) Корахонийлар хонлиги тарихига бағишиланган. Унда муаллифлар ушбу давлатнинг ташкил топиши, унинг сиёсий, иқтисодий ва ижтимоий ҳаёти, маданияти каби масалаларда тўхталиб, юқорида тилга олинган икки олимнинг ва хитой тилида нашр қилинган асарларни умумлаштиришга ҳаракат қилганлар.

Ухан⁹ университетининг профессори Ванг Чжилайнинг хитойчадан уйғур тилига таржима қилган ва 2000 йилда Урумчида чоп этилган икки жилдли «Ўрта Осиё тарихи» номли йирик асарнинг 12-боби (69-119-б.) Корахонийлар тарихига бағишиланган¹⁰. Асарнинг 1-жилдни хитойчадан Аблат Нуриддин, Гайрат Абдурахмон, Абдушукур Маҳсүт, Жумахун, 2-жилдни Аблат Нуриддин ва Азиз Юсуфлар таржима қилишган.

Корахонийлар хоқонлигига оид маҳсус тадқиқотлар Нанкин¹¹ университетининг профессори Вэй Лянгтао ва Шинжянг-Уйғур муҳтор ўлкаси Ижтимоий фанлар академиясининг фан-тадқиқот бошқармаси бошлигининг

⁸ Анвар Байтур, Хайриниса Сидик. Шинжянгдики миллатларнинг тарихи. Пекин, 1991. 1317-б.

⁹ Хитойнинг Хубэй провинцияси маркази.

¹⁰ Ванг Чжилай. Ўрта Осиё тарихи. 2 жилдан иборат. 1-жилд Урумчи 1999, 2-жилд, Урумчи, 2000.

¹¹ Нанкин (Нанжин – Жанубий пойтахт) XXРдаги энг катта дарёлардан бири бўлмиш Чангжянг (Янзи – Узун дарё)нинг жанубий қирғозида Шанхайга яқин ерда жойлашган шаҳар.

муовини профессор Ҳожи Нурҳожи томонидан амалга оширилган.

Вэй Лянгтаонинг тадқиқоти 2000 йилда Қашқарда уйғур тилига таржима қилинган ва «Қорахонийлар тарихидан баён» номи билан нашр этилган¹². Асарнинг ҳажми 378 бет. У XXРда хитой тилида амалга оширилган барча илмий тадқиқотлар ва чоп этилган илмий мақолаларни умумлаштирилган ҳолда ёзилган. Шунинг билан бирга муаллиф хитой манбаларидан топилган янги маълумотларни илмий муомалага киритган. Айниқса Қорахонийлар давлати билан ўша даврдаги Хитой ўртасидаги муносабатларга оид маълумотлар эътиборга сазовордир. Асар 13 боб ва муҳим тарихий воқеалар йилномасидан, тахтда ўтирган қорахонийлар хоқонлари рўйхати ҳамда саналаридан иборат бўлган иловадан ташкил топган.

Ҳожи Нурҳожининг илмий тадқиқоти «Қадимги уйғурлар ва Қорахонийлар» номи билан 2001 йилда Урумчи шаҳрида нашр этилган. Асар 6 боб, воқеалар йилномаси, фойданилган адабиётлар каби қисмлардан иборат. Мазкур асар муаллифнинг Қорахонийлар хоқонлиги мавзусига бағишлиланган биринчи иши эмас. 1984 йилда унинг «Қорахонийларнинг қисқача тарихи» сарлавҳали китоби чиққан эди. Лекин у бизнинг қўлимизда йўқ. «Қадимги уйғурлар ва Қорахонийлар»нинг муаллифи ҳақидаги маълумотларга кўра, ушбу қисқача тарих 1986 йилда Шинжянг-Уйғур муҳтор ўлкаси доирасида ўтказилган кўрикда З-даражали мукофотга сазовор бўлган. Бошқа тадқиқотчилардан фарқли ўлароқ, Ҳожи Нурҳожи Қорахонийлар давлатининг стратегик ҳолатига, ҳарбий

¹² Вэй Лянгтао. Қорахонийлар тарихидан баён. Қашқар, 2000. 4-5-б. Ушбу асар хитойчадан уйғурчага Абдулаҳад Нуриддин, Муҳаммаджон Ўшур, Қутлуқ Имин, Аблимит Муҳаммадлар томонидан тарижима қилинган.

қўшинлари ва уларнинг қуролланиш аҳволи, жанговорлик ҳолати, тартиб-интизоми, ҳарбий унвонлар масалаларига алоҳида эътибор берган.

Ҳожи Нурхожи тадқиқотининг алоҳида таъкидлашга лойик жиҳати шундаки, унда муаллиф маҳаллий манбалардаги маълумотлардан, яъни Юсуф Ҳос Ҳожибининг «Қутадғу билиг», Маҳмуд Кашғарининг «Девону луготит турк», Рашид ад-Диннинг «Жоми ат-таворих», Жамол Қаршининг «Суроҳ», Муҳаммад Мирзо Ҳайдарнинг «Тарихи Рашидий», Ибн Ал Отхирининг «Тарихи умумия», «Худудул олам» каби асарлардан кўпроқ фойдаланган ва уларни хитой манбаларининг кўрсатмалари билан таққослаб, қиёсий таҳлил қилган.

1.2. Хоқонлик тарихининг Европа ва Россияда ўрганилишига оид мулоҳазалар

XXР олимлари Қораҳонийлар давлати тарихининг Европа ва Россия олимлари томонидан ўрганилишини ҳам чуқур таҳлил қилишган. Бу борада Нанкин Университети профессори туркшунос олим Вэй Лянгтаонинг асари алоҳида эътиборга сазовордир¹³. Унинг фикрича, ўтган давр давомида Қораҳонийлар сулоласи тарихини ўрганиш уч босқичга бўлинади. Бу ҳақда олим ўзининг «Калаҳан вангчао шигао» номли асарининг биринчи бобида тўхтаб ўтган¹⁴.

Биринчи босқич ушбу тарих илмий тадқиқотлар доирасига киритилганлиги билан характерланади. Уларнинг фикрича, қораҳонийлар сулоласи тарихини ilk бор XVIII-асрнинг ўртасида франциялик олим Жозеф де

¹³ Вэй Лянгтао. Қораҳонийлар тарихидан баён. 35-б.

¹⁴ Вэй Лянгтао. Калаҳан вангчао шигао. 6-19-б.

Гуинес (Joseph Deguines) ўрганган¹⁵. Шундан кейин Қорахонийлар сулоласи кўп олимларнинг эътиборини жалб этган. Франциялик Дж.П.А. Римусат (J.P.A. Remusat), Дж.Х. Клапрот (J. H. Klaproth), Дж.В. Химмер-Пургсталл (J.V. Hemmer-Purgstall), германиялик Фритсак, россиялик В. Григорьев ана шулар жумласидан.

XXР тарихчиларининг фикрича, Қорахонийлар хоқонлиги тарихини ўрганишга салмоқли ҳисса қўшган олимлардан бири рус олими В.В.Бартольд ҳисобланади. XXР олимларининг фикрича, В.В.Бартольдинг энг муҳим асари унинг докторлик диссертациясига мавзу бўлган «Туркестан в эпоху монгольского нашествия» номли илмий тадқиқотидир. У икки қисмдан иборат бўлиб, унинг биринчи қисми 1898 йилда, иккинчи қисми эса 1900 йилда Санк-Петербургда нашр қилинган. Асарнинг тадқиқот қисми 1928 йилда инглизчага таржима қилинган ва «Turkestan down to the Mongol» («Монголлар истилосигача бўлган бўлган Туркистон тарихи») номи билан Лондонда нашр қилинган. 1958 йилда унинг инглизча иккинчи нашри, 1968 йилда Г.Е. Бушуин муҳаррирлигидаги инглизча учинчи нашри чоп этилди. Жонг Шитунг, Жонг Куангда каби хитой олимларининг фикрича, В.В.Бартольд асарининг 1963 йилда чоп этилган русча иккинчи нашри ҳаммасидан яхши ҳисобланади. Унинг «Очерк истории Семиречья», «Киргизы. Исторический очерк», «Двенадцать лекций по истории тюркских народов» каби бошқа муҳим асарларида ҳам Қорахонийлар давлати тарихига оид маълумотлар мавжуд.

В.В.Бартольд асарларида Қорахонийлар хоқонлиги тарихига доир мусулмон манбаларидаги ёзма маълумотлар таҳлил этилган ҳолда тўпланган, муҳим бўлган айrim

¹⁵ Joseph Deguines. Histoire Generale des Huns, des Turcs, des Mongols et futres Tartares jccidentaux, ouvrage tire des livres chinois (Paris, 1756-1758).

фикр-мулоҳазалар ўртага қўйилган. Шундан кейин қорахонийлар сулоласи тарихини тадқиқ этувчи олимлар сони кўпайиб, унга оид бир қатор мақолалар эълон қилинган. Айниқса Европа мамлакатларида бу тарихга қизиқишининг ортганлиги сезиларли бўлди. Уларнинг асарларида биринчи марта расмий қўлланилган «Қорахонийлар сулоласи» атамаси муқимлаштирилди.

Иккинчи босқичда қорахонийлар сулоласи тарихининг умумий кўриниши шакллантирилди. Хусусан, 1936 йилдан бошлаб, В.В.Бартольд асарлари собиқ Совет иттифоқи Фанлар академиясининг қарорига асосан 9 жилдли тўплам (унинг 2-жилди 2 китобдан иборат) сифатида нашр қилинди. Унинг қорахонийларга оид тадқиқоти «Туркистан в эпоху монгольского нашествия» («Мўғуллар истилоси давридаги Туркистон») номли докторлик диссертациясида ўз аксини топди. Ушбу йирик асар икки қисмга бўлинган бўлиб, унинг биринчи қисми асл матндан иборат. Унда Қорахонийлар даврида Туркистонда жорий этилган ер эгадорчилиги, солиқ тизими, аҳолининг этник ўзгаришлари тадқиқ этилган. Вэй Лянгтаонинг фикрича, В.В. Бартольднинг тил жиҳатидан имкониятлари чекланганлиги туфайли, у хитой манбалари ва нумизматик материалларидан тўла фойдалана олмаган. Натижада унинг баъзи хulosалари нотўғри бўлиб қолган¹⁶.

1930 йилда Германиялик олим Р.Васмернинг (R. Wasmer) Қорахонийлар сулоласининг дастлабки номи ва аҳолиси-нинг табақаларга ажратилиши масалалари устида олиб борган изланишлари маҳсули сифатида чоп этилган мақоласи кўп олимларнинг эътиборини жалб этди деб таъкидлайди Вэй Лянгтао¹⁷.

¹⁶ Вэй Лянгтао. Калаҳан вангчо шигао. 24-б.; Шу муаллиф. Қорахонийлар тарихидан баён. 35-б.

¹⁷ Вэй Лянгтао. Калаҳан вангчо шигао. 24-б.

Учинчи босқич Қорахонийлар сулоласи тарихига оид умумлаштирилган тадқиқотларнинг янада фаоллашуви билан характерланади. Иккинчи жаҳон урушидан кейин археологик материалларнинг ва қадимги тангаларнинг кўп топилиши ҳамда тарих фанининг ривожланиши натижасида Қорахонийлар сулоласи тарихини тадқиқ қилиш янги босқичга кўтарилиди. Бу соҳадаги ривожланишга салмоқли ҳисса қўшган олимлардан бири Германиялик олим О. Фритсакдир (O. Pritsak). Вэй Лянгтаонинг фикрича, у шу мавзуда ўзидан олдин ўтказилган тадқиқотлар натижаларини умумлаштириш билан бирга мусулмон манбаларидағи тарихий ва кейин эълон қилинган нумизматик маълумотлардан тўла фойдаланган ва 1950 йилдан бошлаб, кетма-кет «Қорахонийлар сулоласига доир бир қанча масала», «Қарлуклардан Қорахонийлар сулоласигача» ва «Қорахонийлар сулоласи» каби учта муҳим илмий тадқиқотларини эълон қилган. Улар турк тилида ҳам чоп этилган¹⁸. Бирок олимнинг асарларида ҳам хитой манбаларидан фойдаланиш масаласи эътибордан четда қолган. Бундан ташқари собиқ СССР даврида олим тадқиқотларига кирмай қолган¹⁹.

Гарчи О. Фритсакнинг мақолаларида қорахонийлар сулоласининг тарихи маълум даражада тизимлаштирилган. Аммо у хитой манбаларидан ва собиқ Совет иттифоқи даврида Россия ва Марказий Осиё республикалари олимлари топган қорахонийлар сулоласига оид янги археологик ва нумизматик маълумотлардан бевосита фойдаланиш имкониятига эга бўлмаган. Шу боис ушбу сулоланинг ташкил топиши ва унинг Шарқий қорахонийлар ва Ғарбий қорахонийлар каби икки қисмга бўлинниб

¹⁸ Ислом энциклопедияси. 6-жилд, 58-китоб. Истамбул, 1953.

¹⁹ Вэй Лянгтао. Калаҳан вангчоа. 24-б.

кетгандан кейинги шажара йилномаси масалаларида хатоликларга йўл қўйган²⁰.

Вэй Лянгтао Россия олимларининг қорахонийлар тарихига оид асосий тадқиқотлари ҳақида тўхтаб ўтар экан, у қўйидаги фикрларни баён этган.

Совет олими Е.А.Давидович «Марказий Осиё Қорахонийлар сулоласи йилномаси ва шажарасига доир қадимги пул материаллари» («Нумизматические материалы для хронологии и генеологии Среднеазиатских караханидов»), ва «Икки қорахонийлар давлати тўғрисида» («О двух караханидских каганатах») каби бир қатор илмий мақолалар эълон қилиб, унинг шу хатоларини кўрсатди, нуқсонларини маълум даражада тузатди ва баъзи маълумотлар билан тўлдирди. Е.А.Давидовичнинг қорахонийлар сулоласи тўғрисидаги тадқиқотлари муҳим аҳамиятга эга.

Яна бир совет шарқшуноси А.Ю. Якубовский қорахонийлар сулоласининг ижтимоий ва иқтисодий тузуми ва унинг тарихини даврлар бўйича тизимлаштириш масаласи устида изланишлар олиб борган. Унинг асосий илмий қарашлари ва хуносалари «Ўрта Осиёning ўрта асрлар (6-15-асрлар) тарихини даврларга бўлиш масаласи» («Вопросы периодизации истории Средней Азии в середине века - VI-XV вв.») номли тадқиқотида ўз аксини топган. Ушбу тадқиқот мазмуни 1950 йилда нашр этилган «Ўзбекистондаги халқлар тарихи» («История народов Узбекистана») номли китобида ўз аксини топган.

Вэй Лянгтао А.А. Валитованинг «Қорахонийлар сулоласи давлатининг синфий характери тўғрисида» («К вопросу о классовой природе Караканидского государства») ва «Совет иттифоқи фанлар академияси шарқшунослик институти жавоҳирлари» номли асарларни тилга олиб ўтган. Унинг фикрича, бу асарларда кўпроқ

²⁰ Ўша асар. 24-25-б.

Шарқий қорахонийлар сулоласининг ижтимоий-иктисодий ҳамда сулоланинг ўтроқ ва чорвадор аҳолиси билан бўлган муносабати баён этилган²¹.

XXР олимларнинг тадқиқотларида кўрсатилишича, Қорахонийлар тарихи Япония ва Тайвань олимлари эътиборидан ҳам четда қолмаган. Бу борада биринчи навбатда Япониялик Анбужянфунинг (хитойча талаффузда 安部健夫) 1955 йилда Киото шаҳрида чоп этилган «Ғарбий уйғур давлати тарихига оид тадқиқот» («Ши вэйвуэр-гуо янжю» 西维吾尔国史研究) ва 1975 йилда Тайбэйда нашр этилган тайванлик Лю Йитанг (刘义棠) қаламига мансуб «Уйғурлар ҳақида тадқиқот» («Вэйвуэр янжю» 维吾尔研究) номли асарларни тилга олиш мумкин.

Вэй Лянгтао қорахонийлар сулоласи тарихи ҳақида «История Узбекской ССР», «История Казахской ССР» ва «История таджикского народа» номли асарларда сўз юритилганлигини айтиб, уларда асосан сулоланинг сиёсати, иктисодий маданияти, ижтимоий ҳаёти каби масалалар тизимлаштирилган ҳолда баён этилганлигини айтган²². Шу билан бирга олим юқорида тилга олинган илмий тадқиқотлар ва чоп этилган асарлар қорахонийлар сулоласи тарихига оид барча манбалар тўла ўрганилди ва ечимга муҳтоҷ масалаларнинг ҳаммаси ечилди деб айтишга асос бермайди деб тўғри таъкидлаб ўтган.

Қорахонийлар тарихи бўйича Қирғизистон олими Оманкул Караев Тошкентда докторлик диссертацияни ҳимоя қилган эди. Унинг тадқиқот натижалари «История караханидского каганата»²³ номли китобда тўла акс эттирилган. Олимнинг шарқшуносликка қўшган салмоқли хиссаси қорахонийларга оид рус тилида ёзилган асарлардаги маълумотларни умумлаштириш ва таҳлил

²¹ Вэй Лянгтао. Калаҳан вангчао шигао. 25-б.

²² Ўша асар. 26-б.

²³ Караев О. История караханидского каганата. Фрунзе, 1983.

этишдан иборат бўлган. Аммо ушбу тадқиқот XXР олимларининг асарларида тилга олинмайди. Шунга қараганда, асар уларга ҳозиргача маълум эмас.

Ўзбекистон олими Ирпан Тухтиевнинг «Ўзбекистон тарих музейи»даги Қорахонийлар хоқонлигига тегишли кумуш тангаларини ўрганиш ва тадқиқ этиш асосида ёзган асари кечикиб нашр этилганлиги²⁴ сабабли XXР олимлари этиборидан четда қолган.

Юқорида тилга олинган хитой ва уйғур олимларининг асарларида Ўзбекистон фанлар академияси қошидаги Абу Райхон Беруний номидаги Шарқшунослик институти кўлёзмалар фондидағи қорахонийлар тарихига оид асарлардан фойдаланганлиги кўзга ташланмайди. Ваҳоланки, ушбу бебаҳо хазинада мазкур тарихга алоқадор манбалар йўқ эмас. Бунга қозоғистонлик ёш оима Э.М. Молотованиянг 2016 йилда Алматы шаҳрида нашр этилган «Тазкира-йи Буғро-хон: история и культура караханидского государства» номли асарини мисол қилиш мумкин.

1.3. Қорахонийлар сулоласининг номи масаласига оид қарашлар

XXР олимлари томонидан амалга оширилган тадқиқотлардан маълумки, Уйғур хоқонлиги даврида 3 қабиладан ташкил топган қарлуқлар (сан гэлуюлу 三葛祿)²⁵ унинг фуқаролари таркибида бўлган. 756-757 йилларда булар кучайиб мазкур хоқонлик таҳтига интила бошлади. Лекин 789 йилда бошланган кураш натижа бермаганидан кейин

²⁴ Ирпан Тўхтиев. Қорахонийлар сулоласининг XI асрнинг биринчи чорагида забт қилинган кумуш тангалари. Тошкент, 2015.

²⁵ Хитой манбаларида қарлуқлар номи гэлуюлу (geliolu 葛逻祿), халалу / (halalu 哈喇魯), уларнинг таркибидаги 3 қабила эса булоқ (моло / moluo 謾落), сабак (чжиси / zhisi 燥俟), ташли (ташили / tashili 踏實力) шаклларида учрайди.

үйғурлар таркибидан ажралиб чиқиб Еттисув томонга чекинган ва ҳозирги Токмак (Суйе / Suiye 碎叶)²⁶, Талас (Данлоси / Danluosi 恒逻斯) – каби шаҳарларни эгаллаган. Шундан кейин қарлуқлар янги жойда хонлик ташкил этиб, унинг марказини Қораўрда (Kalawoerduo 喀喇斡耳朵) деб аташган²⁷. Уйғур хоқонлиги емирилгандан сўнг, 15та уйғур қабилалари²⁸ Туркистон ҳудудига кўчиб борган. Бу ҳолат минтақада яшаган бир қатор туркий қабилаларнинг қайтадан бирлашишига ва янги давлат ташкил топишига олиб келган. 840 йилда катта бир гурӯҳ уйғур қабилалари шарқ томондан келиб қарлуқларга қўшилиб Болосоғунни пойтахт қилиб янги хонлик ташкил этган²⁹.

Вэй Лянгтаонинг фикрича, ташкил этилган янги давлатнинг номи Қораханийлар хоқонлиги деб аталишнинг сабаби ўтмишда қора сўзи буюк, олий, умумий каби маъноларда ишлатилганлиги билан боғлик. Бу одатнинг келиб чиқиши эса қадимги туркларда шарқ томон қўқ, ғарб томон оқ, жануб томон қизил, шимол томон қора деб айтилганлиги ва шимол томони хурмат қилиниб бунга ибодат қилинганлиги билан боғлик. Шунинг учун ушбу қарлуқлар билан уларга кейин келиб қўшилган уйғур қабилалари ташкил этган давлатнинг бош ҳукмдори “қорахон”, яъни буюк хон, буюк хоқон деб номланган³⁰. Мазкур давлатнинг маъмурий тузимига кўра, бош ҳукмдорлик лавозими авлоддан авлодга қолдирилган.

²⁶ Шинжяңг лиши цидян (Шинжяңг тарихи луғати). Урумчи, 1996). 663-б.

²⁷ Вэй Лянгтао. Калахан вангчao шигао. 34-35-б.

²⁸ Хитой манбаларида ушбу 15 қабилаларнинг номлари келтирилмаган.

²⁹ Ўша асар. 51-б.; Вэй Лянгтао. Қорахонийлар тарихидан баён. 111-113-б.

³⁰ Вэй Лянгтао. Калахан вангчao шигао. 52-б.

Бунинг натижасида хукмдор сулолосининг номи ҳам қорахонийлар деб атала бошлаган³¹.

Ғарб мамлакатларида нашр этилган тарихий асарларда мазкур давлат турли номлар билан аталган. Масалан, «қорахонийлар сулоласи», «Хоқония сулоласи» «Афросиёб сулоласи», «Табғочхон сулоласи» каби номлар шулар жумласидандир.

Немис олими О.Прицак (Omeljiam Pritsak)нинг айтишича, Қорахонийлар сулоласининг «Иликхон сулоласи» деб номланиши Утбининг асарларидан олинган. Утби эса Мовароуннахр хукмдорини Арслон илек Носир бинни Али билан унинг катта укаси Арслон қорахон Абу Носир Аҳмад бинни Алини бир одам, деб хатога йўл қўйган ҳамда уларнинг илек ва хон деган увон даражаларини қўшиб, илекхон деб билган³². «Хоқония сулоласи» ва «Хоқония» деган номлар Маҳмуд Кошғарийнинг «Девону луғатит турк» ва Ибн Атхирнинг «Тарихи умумия» номли асарларидан олинган. «Афросиёб сулоласи» деган ном форсча «Шохнома»даги Турон турклари қаҳрамони Афросиёбнинг номидан келиб чиққан.

XXР олимларининг асарларида Қорахонийлар сулоласининг номи «Калахан вангчао» (喀喇汗王朝), «Хэй хан вангчао» (黑汗王朝) деб ёзилган. Калахан «қорахон» сўзининг транскрипцияси, вангчао эса сулола сўзининг таржимасидир. Сулоланинг иккинчи номи «Ляо сулоласи тарихи» («Ляошу»)нинг «Удун тазкираси» («Хўтан тазкираси») бобидан олинган бўлиб, у «Қорахонийлар сулоласи» сўзининг таржимаси хисобланади. Аммо таржимада қора сўзининг буюк маъноси эмас, балки қора рангни билдирувчи иккинчи маъноси олинган. Шунинг учун хитой манбалари ва адабиётида ўрнашиб қолган «Хэй

³¹ Ўша асар. 52-53-б.

³² Ўша жойда.

хан вангчао» сўзи «Қорахонийлар сулоласи»нинг хато таржимасидир³³.

Ушбу сулоланинг номи «қорахонийлар сулоласи» деб аталиши чет элларда амалга оширилган кўп йиллик илмий тадқиқотлар натижасидир. Аммо хитой тилида ижод қилувчи ХХР олимлари орасида ушбу сулоланинг номини қандай таржима қилиш лозимлиги ҳамон мунозарали масала бўлиб келган³⁴. Уларнинг айримлари мазкур сўзни қора ранг маъносида «хэй» деб таржима қилиш керак деса, бошқа бирлари уни буюк деб таржима қилиш керак, дейишган.

Нанкин университети профессори Вэй Лянгтао иккинчи фикрни тўғри, деб топиб, ўз асарларида қора сўзини хитойчага таржима қилмасдан, «кала» деб транскрипциялаб ишлатган. Унинг фикрича, ҳозирги туркий тилларда, жумладан уйгур тилида «қора» сўзи қора ранг маъносини бериши шубҳасизdir. Аммо ушбу сўз ўтмишда буюк, улуғ, олий маъносида ишлатилганлиги эътибордан четда қолмаслиги керак. Қора сўзи аслида буюк маъносида ишлатилганлигини Қора курум, Қора денгиз, Қора уй каби атамаларда ҳам кўриш мумкин.

Вэй Лянгтаонинг таъкидлашича, «сулола» билан «давлат» тушунчиларини ҳам аралаштириб бўлмайди. Ушбу масала қорахонийлар сулоласи ҳукмронларининг ўзи учун мунозарали эмас эди. Бу аниқлик сулола тангаларда ўз аксини топган. Масалан, қорахонийлар сулоласининг ҳудудий доирасини Мовароуннаҳргача кенгайтирган Али бинни Хасан (Али Тегин) тангаларда ўзини «табғоч буғроҳон» деб атаган. Мовароуннаҳрга ундан кейин ҳукмронлик қилган Иброҳим бинни Носир ҳам ўзини «табғач буғроҳон» деб номлаган.

Вэй Лянгтао «табғоч» сўзининг маъносини шарҳлар экан, у «ислом тарихий материалларидағи «тавғоч»

³³ Вэй Лянгтао. Калаҳан вангчао шигао. 53-б.

³⁴ Вэй Лянгтао. Қорахонийлар тарихидан баён. 83-б.

(tabgach)нинг худди ўзидир, унинг маъноси Чжунггуо (Zhongguo 中国) демакдир»³⁵, деб ёзади. Унинг фикрича, биринчи марта Чжанг Гуангда ўзининг «Махмуд Қошғарийнинг «Туркий тиллар девони ва шу китобда берилган юмалок харита тўғрисида» номли мақоласида айтган.

Бу фикрни асосли, деб айтиш қийин. Чунончи, Маҳмуд Қошғарийнинг қаламига мансуб бўлган машҳур «Девону Луготит турк» асарида «Табғач» сўзига қуидагича шарҳ берилган:

«Табғач – Чини-Мочиннинг номи. Мочин қитонлардан тўрт ойлик йул йироқликда, чин аслида уч кисмга бўлинади: Юқори чин шарқда табғач деб аталади; Ўрта чин қитон деб аталади; Тубанги чин бархон деб аталади. Бархон – Қашқардир³⁶. Лекин бугунги кунда табғоч Мочин, қитон Чин деб аталаяпти»³⁷.

Вэй Лянгтао Маҳмуд Қошғарийнинг ушбу маълумотига эътибор берар экан, у «Чин» ва «Мачин» атамаларини асоссиз ҳолда ўзининг ватани Хитой (Чжунггуо / Zhongguo 中国 – Марказий давлат) билан таққослаган³⁸. Чунки айни замонда «Чжунггуо» атамаси Хитой Халқ Республикаси (Чжунгхуа ренмин гунгхэгуо 中华人民共和国) сўзининг қисқача номи сифатида ишлатилади. Аслида ушбу топоним милоддан аввалги даврларда пайдо бўлган.

«Чин» ва «Мочин» атамалари бўйича махсус тадқиқот олиб борган Ўзбекистон фанлар академияси Шарқшунослик институтининг собиқ ходими А.Айтбаевнинг таъкидлашича, «табғоч» атамасини «Чжунггуо» («Марказий давлат» маъносини англатади) деб таржима қилиб

³⁵ Ўша асар. 84-б.

³⁶ Замонавий уйғур тилида Қашқар، قاشقار деб ёзилади.

³⁷ Вэй Лянгтао. Қораҳонийлар тарихидан баён. 84-б.

³⁸ Вэй Лянгтао. Калаҳан вангчао шигао. 54-б.

бўлмайди³⁹. Чунки ҳудудий нуқтаи назардан олиб қараганда, «Чжунггуо» («Марказий давлат») топоними-нинг қадимги ва ҳозирги маънолари бутунлай ўхшамайди.

Қадим замондаги «Чжунггуо» топоними билан аталган Хитой ҳудудига ҳозирги Шарқий Туркистон (ҳозирги Шинжянг-Уйгар автоном ўлкаси), Тибет, Кукунор (Цинхай), Ички Монголия ва Манчжурия (ҳозирги ХХРнинг шимоли-шарқий қисми) кирмаган. А. Айтбаев-нинг фикрича, Мочин атамаси Манчжурия топонимидан келиб чиқсан бўлиши ҳам мумкин. Шунинг учун табғач сўзи «Чжунггуо» топинимининг таржимаси, деб Қорахонийлар ишлатган табғочхон сўзини «Чжунггуо хони», яъни Хитой хони маъносини англатади, дейиш тўғри эмас.

2-БОБ. ҚОРАХОНИЙЛАР ХОҚОНЛИГИНИНГ ТАШКИЛ ТОПИШИ, РИВОЖЛАНИШИ ВА ЕМИРИЛИШИ ХХР ОЛИМЛАРИ ТАЛҚИНИДА

2.1. Хоқонликнинг ташкил топишига оид қарашлар

Юқорида тилга олинган хитой ва уйғур тилларида нашр этилган асарларда Қорахонийлар хоқонлигининг ташкил топиши арафасида Марказий Осиёда юзага келган тарихий ва этник вазиятни баён этишга катта эътибор берилган. Уларда ёзилишича, ўтган асрлар давомида Марказий Осиё минтақасининг сиёсий харитасида қайта-қайта ўзгаришлар бўлган. Жамиятдаги ички зиддиятлар, уруш ва талонтарожлар натижасида бу ердаги баъзи давлатлар йўқолиб кетган, баъзилари эса гуллаб-яшнаган.

³⁹ А. Айтбаев билан бўлган суҳбатдан олинган маълумот.

Табиий тўсиқлар – тоғлар, дарёлар билан ажралиб турадиган водийлар, яйловларда дехқончилик ва чорвачилик билан шуғулланувчи халқлар ва қабилалар ўз ерларига эгаликни йўқотиб қўймаслик учун курашганлар. Бу эса ўз навбатида мазкур ҳудуднинг Шарқий ва Ғарбий Осиёда қурилган қудратли ҳокимиятларнинг ўртасига тушиб қолишига олиб келган.

Турк хоқонлиги ташкил топиши билан ушбу минтақа яхлит бир сиёсий ва иқтисодий ҳудудга айланган. Бу ҳолат эса ундаги маданий хаётнинг ривожланиши учун замин яратган. Аммо VI асрнинг охирларида турк хоқонлиги Шарқий ва Ғарбий хонликларга бўлинниб кетиши билан кенг маънодаги Марказий Осиё⁴⁰ ҳудудида яшовчи аҳолининг ихтисодий ва маданий ривожланишида, балки географик жойлашувида ҳам ўзгаришлар юз берди.

Ғарбий турк хонлиги бир неча марта заифлашиш ва ривожланиш жараёнини бошидан кечириб, Ябғу ҳоқон даври (611-618 йиллар)да Жунгғор текислиги, яъни

⁴⁰ Жаҳон адабиётидаги анъанага кўра, Марказий Осиё тушунчаси анча кенг бўлиб, унга Туркистон (Ўзбекистон, Козогистон, Кирғизистон, Тоҷикистон, Туркманистон), Шарқий Туркистон (ҳозирги Шинжянг-Уйғур автоном ўлкаси), Тибет, Монголия, шимолий Афғонистон ва Эроннинг шарқий қисми кирган. Собиқ СССР тугатилгандан кейин Тоҷикистон, Туркманистон, Ўзбекистон, Козогистон, Қирғизистон раҳбарлари келишиб илгари ишлатилган «Ўрта Осиё ва Қозогистон» атамаси ўрнига ушбу республикалар ҳудудини яхлит бир ном билан аташ мақсадида уни Марказий Осиё республикалари деб аташга келишилган [Ходжаев А. Китайский Фактор в Центральной Азии. 2020. 11-12-б.]. Шундан кейин адабиётларда мазкур республикалар ҳудуди Марказий Осиё дейиладиган бўлди. Шунинг учун Марказий Осиё атамасини кенг маънодаги ишлатиш зарур бўлганда, унинг олдига буюк ёки катта сўзини қўшиб ишлатишни лозим топдик.

Шарқий Туркистаннинг шимолий қисмида яшовчи сиртордуш қабилалари ва уларнинг атрофидаги бошқа туркий қабилаларини бирлаштириб, ўзининг ҳукмронлик доирасини шарқи-шимолда Олтой тоғларигача, жануби-шарқда Хитойнинг чегара дарвозаси ҳисобланмиш Юйменгуан⁴¹ гача, шимоли-ғарбда Каспий денгизигача, ғарби-жанубда бугунги Афғонистон теварагидаги Ҳинди-қуш тоғигача кенгайтирган. 618 йилда Ябғу хоқоннинг укаси Қутлуғ Ябғу хоқон таҳтга ўтирганида, Турк хоқонлиги шимолида жойлашган туркий қабилалар бирлашиб, жануби-ғарб сари чекинган ва Амударёдан ўтиб, Тохаристонни эгаллаб олган.

VII асрнинг ўрталарида Хитойда ҳукмронлик қилган Танг сулоласи (618-907) туркларга қарши кураш бошлаган. Узоқ вақтга чўзилган дипломатик ва уруш ҳаракатлари натижасида Турк хоқонлигини аввалига икки қисмга бўлиб ташлашга, сўнг бирин-кетин йўқотишга мусассар бўлган.

Шу ерда алоҳида таъкидлаб ўтмоқ лозимки, Қорахонийлар давлати тарихига оид юқорида тилга олинган асарларда Турк хоқонлиги йўқотилганидан кейинги қисқа давр давомида Танг сулоласи Тангритоғ (Тян-шан / рус адабиётида Тянь-Шань)нинг жанубий ва шимолий томнларида ҳарбий ҳаракатлар олиб борди.

VII асрнинг биринчи яримида Танг сулоласи аввалига Помирга, сўнгра ҳозирги Қирғизистондаги Тўқмоқ (хитой манбаларида Суйе) шаҳрига, Чочга (Тошкентга) ҳарбий юриш қилиб, маҳаллий аҳолини кўп вайронагарчиликка учратди. Шу жараёнда Хитой қўшинлари Чочнинг

⁴¹ Юймэнгуан – Қадимги Хитойнинг чегара дарвозаси. У ҳозирги Дунгхуанг шаҳрининг шимоли-ғарбига тўғри келади. Қадим замонда Марказий Осиёдан Хитойга борган карвонлар бу чегара дарвозасидан ўтиши шарт бўлган.

хукмдорини асрга олиб пойтахт Чангъанга (ҳозирги Шиан шаҳрига) юбориши. Ушбу хукмдор Хитой пойтахтида очиқ майдонда қатл этилди⁴².

Аммо 751 йилда Талас (Тараз) дарёси бўйида араблар билан бўлган жангда хитой қўшинлари катта мағлубиятга учраб, Марказий Осиёдан чиқиб кетишга мажбур бўлган⁴³. Шунга қарамай, хитой олимлари Танг империяси томонидан амалга оширилган зўравонлик ҳаракатларига ишора қилиб, Туркистон худудининг катта бир қисми Хитойга тегишли бўлган, деб айтишмоқда. 1994 йилда нашр этилган тарихий хариталарда Танг империяси худуди доирасига Балхаш кўли ва Орол денгизи, уларнинг жанубидаги ерлар, Сирдарё ва Амударёлар оралиғи, Шимолий Афғонистон каби жойлар киритилган⁴⁴.

Хитой олимлари асарларида келтирилган маълумотларга қараганда, Турк хоқонлиги тугатилгандан кейинги икки аср давомида Марказий Осиёда катта миграцион жараён кузатилган. Айниқса 744 йилда Монголия худудида ташкил топган Уйғур хоқонлиги 840 йилда емирилгандан сўнг, бу жараён жиддий тус олган.

Мазкур давлатнинг йўқолишига сабаб бўлган воқеалар шундан иборат бўлганки, 830 йилдан бошлаб Уйғур хоқонлигининг ички вазияти ёмонлашди. Бир томондан ҳокимият учун кураш кучайган бўлса, иккинчи томондан мамлакат доирасида қурғоқчилик юз берган, касаллик тарқалиши туфайли чорва қирилган. Қиши фасли келганда қаттиқ совуқ бўлган. Натижада давлат иқтисоди қийин аҳволга тушиб қолган. Шундай вазиятда ҳокимиядан норози бўлган амалдорлар қирғизлар билан тил бирик-

⁴² Ходжаев А. Китайский фактор в Центральной Азии. 2020. 64-б.

⁴³ Ўша асар. 58-65-б.

⁴⁴ Лю Чжиияо. Уйғурлар тарихи. 2 жилдли. Пекин, 1988. 1-жилд. 288-б.; Цзянминг Чжунггуо лиши диту жи (Хитойнинг қисқача тарихий хариталари тўплами). Пекин 1996. 39-40-б.

тириб саройга ҳужум уюштириб хоқонни ўлдиришган. Натижада хоқонлик барбод бўлди, уйғурлар ҳар қаёққа тарқала бошлади⁴⁵. Шунда уйғурларнинг катта бир бўлаги истиқомат қилган ерларини ташлаб, ғарб томонга кўчиб бориб, Еттисув яйловларида ўрнашган⁴⁶.

Уйғур Хоқонлигига ҳокимият учун кураш бошланганда унинг фуқоролари таркибидан биринчи бўлиб қарлуқлар ажраб чиқиб, ғарбий томонга, ҳозирги Қозогистондаги Еттисув вилоятига бориб жойлашган.

Хитой олимларининг ёзишича, қарлуқлар аслида уйғур қабилалари иттифоқидаги «тўққиз ўғуз» («жюшинг уху» «жюшинг ухэ» ёки «жюшинг угэ»九姓烏護, 九姓烏紇) деб номланганларнинг бири бўлиб⁴⁷, уйғур хоқонлиги фуқороларининг асосий қисмини ташкил этган эди. Хитой манбаларида «тўққиз ўғуз» «жюшинг угэ» (тўққиз уйғур), «жюшинг телे» (тўққиз турклик ёки тўққиз турк) деб ҳам аталади. Улар уйғур, буку, ҳун, байирғу, тунгро, изгил, чибни, басмил, қарлуқ каби 9 қабила иттифоқидан иборат бўлган.

Юқорида айтиб ўтганимиздек, IX асрда қарлуқлар катта нуфузга эга бўлган булоқ (муолуо 謨落), *сабак* (чжиси 爾俟) ва *ташли* (ташили 踏實力) номли уч қабиладан ташкил тобган.

Вэй Лянгтаонинг ёзишича, қарлуқлар (гэлуолу 葛逻祿) «ўн бир уйғур»⁴⁸нинг бири бўлган⁴⁹. Анча узоқ вақтгача улар Тангритоғ (Тян-шан)нинг шимолий этакларидағи

⁴⁵ Вэй Лянгтао. Калаҳан вангчао шигао. 72-б.

⁴⁶ Уша жойда. 66, 73-б.

⁴⁷ Хўжаев К.А. Хитой манбаларидаги «жюшинг угу», «жюшинг теле» ва «жюшинг хуэйхэ» атамалари ҳақида // Шарқшунослик. № 12, Тошкент, 2004. 223-228-б.

⁴⁸ Ходжаев А. Сведения древнекитайских источников по этнической истории Центральной Азии. Ташкент, 2017. 239-252, 356-б.].

⁴⁹ Вэй Лянгтао. Калаҳан вангчао шигао. 72-б.

Бешбалиқ билан Олтой тоғ тизмалари ўртасидаги яйловларда чорвачилик билан шуғулланган.

Ушбу «ўн бир уйғур» (хитойча «шийи шинг хуэйхэ» + 一姓回纥) атамаси «Эршиси ши» (二十四史 – «24 тарих») номли сулолалар тарихи мажмуасида учрайди. «Уйғур хоқонлиги» (744-842) ташкил этилиши арафасида Монголия худудида бирлашган ва ўзларини уйғур деб атаган туркий қабилаларининг сони 11 га етганда хитой тарихчилари уларни «шийи шинг хуэйхэ» деб аташган. Хоқонлик ташкил топғандан кейин уйғур деб номланган қабилалар сони 30 га етган

Аслида шу мазмундаги маълумот «Эршиси ши» («24 тарих») номли сулолалар тарихи мажмуасидан ўрин олган «Шин Тангшу» («Танг [сулоласининг] янги тарихи»)да келтирилган. Чунончи, мазкур сулола тарихида қарлуқлар дастлаб Бэйтинг (北庭 – Шимолий сарой) шаҳри шимолида, Жиншан (金山 – Олтой)нинг ғарбида истиқомат қилган деб ёзилган⁵⁰. Ушбу маълумотдаги Бэйтинг айрим хитой манбаларида Футу-чэнг (浮图城 – будда хайкали ва расмлар қалъаси) деб аталган⁵¹. Маҳаллий халқ тилида у Бешбалиқ номланган.

756-757 йиллардан кейин қарлуқлар кучайиб, Уйғур хоқонлиги ҳокимиятини қўлга олишга ҳаракат қилиб, Токмак (Суйиे 碎叶) ва Тараз (Далуоси 恒逻斯) шаҳарларини ўз назорати остига олди. 789 йилда уйғурлар таркибидан ажраб чиқиб, ўз ҳокимиятини ташкил этди⁵².

Шу жойда қарлуқлар тақдирига оид икки воқеани эслаб ўтиш жоиз. 1) Еттисувга кўчиб келгандан кейин қарлуқлар 3 қисмга бўлинниб, улардан бири Аксу вилоятига,

⁵⁰ Оу Янгию Сунг Чи. Шин Тангшу // Эршиси ши (24 тарих). 13-жилд. 16943(1529)-б.

⁵¹ Шиёй диминг каолу (Ғарбий мамлакатлар топонимикасига оид тадқиқотлардан лавҳалар). Пекин, 2008. 115, 288-б.

⁵² Вэй Лянгтао. Калаҳан вангчао шигао. 73-б.

иккинчиси Тохористонга бориб жойлашган. Учинчи бир қисми ўз жойида, яъни Еттисув вилоятида қолган⁵³. 2) Тахминан 1164 йиллар атрофида Ғарбий қорахонийлар хукмдори Али бинни Ҳасан (хитой манбаларида Qiageleihan 恰格雷汗) Самарқанд ва Бухорода яшаётган қарлуқларни Қашқар вилоятига кўчирди⁵⁴. Шунинг учун айни замонда Қашқар шаҳри ёнида Қалуқ (Қарлуқ) кенти мавжудлиги бу воқеага мисол бўла олади.

Вэй Лянгтаонинг фикрича, бу воқеадан анча олдин, яъни 1141 йилда юз берган Хитван (Катеван / Katewan 卡特万)⁵⁵ жангги қарлуқлар сардорлари билан хукмдор ўртасида пайдо бўлган низолар натижасида келиб чиқкан⁵⁶.

Лю Чжишяонинг фикрича, Қарлуқлар уйғурлар таркибидан ажраб чиқиб, Еттисувга кўчиб борганидан кейин тез кучайди ва улар ташкил этган янги ҳокимият кучайди. Бунга шу даврда юзага келган икки қулай тарихий шароит сабаб бўлган. Буларнинг бири шу даврда Хитойда хукмронлик қилаётган Танг сулоласи Аньлушан қўзғлонини бостириш ва унинг кўрсатган иқтисодий ҳамда ижтимоий оқибатларини бартараф қилиш билан банд бўлиб, Марказий Осиёдаги сиёсий жараёнларга аралашиш имконияти бўлмаганлиги ҳисобланади⁵⁷. Иккинчиси Уйғур хонлиги емирилгандан кейин Еттисувга аввалроқ келиб жойлашган қарлуқларга катта бир гуруҳ уйғур қабилаларининг келиб қўшилиши бўлди⁵⁸. Шундан кейин қарлуқлар кучайиб, илгари Еттисув ўлкасида устунлик

⁵³ Уша асар. 66-б.

⁵⁴ Уша асар. 67-б.

⁵⁵ Хитван (Катван / Катеван) Самарқанднинг шимолидаги чўл жойнинг номи бўлган [Ўша асар. 81-б.].

⁵⁶ Вэй Лянгтао. Калаҳан вангчао шигао. 66-б.

⁵⁷ Лю Чжишяо. Уйғурлар тарихи. 1-жилд. 294-б.

⁵⁸ Вэй Лянгтао. Қорахонийлар тарихидан баён. 112-113-б.

қилиб келган тургеш⁵⁹ қабиласи устидан ўз назоратини ўрнатган. Бу ҳол қарлуқлар ҳокимиятининг яна ҳам кучайишга олиб келганди⁶⁰.

Қарлуқларга келиб қўшилган уйғурлар 15 та қабила бўлиб, улар катта нуфузга эга бўлган ва уларга Пантегин етакчилик қилган⁶¹.

Шу жойда изоҳлаб ўтиш жоизки, Уйғур хоқонлиги қудратли бўлиб турган даврда унинг фуқаролигида бўлган қабилалар сони 30дан иборат эди⁶². Пантекин бошчилигидаги уйғур қабилаларининг ғарб томонга, яъни Еттисув вилоятига кўчиб бориши қарлуқларнинг бу ерга илгарироқ келиб жойлашиб олиши билан боғлиқ бўлган.

Лю Чжишяонинг ёзиича, IX асрнинг 40 йилларида ғарбга кўчган уйғур қабилалари кучайиб, қарлуқлар ҳокимиятини ўз қўлига олган. Шундан кейин Қарлуқ давлати ёки сулоласи деган ном йўқолиб, унинг ўринини Қорахонийлар (Буюк хонлар) сулоласи эгаллаган⁶³.

Дастлаб Қорахонийлар сулоласи ва уларга тегишли қабилалар асосан Балхаш кўли атрофида истиқомат қилган. Кейинчалик улар ўз таъсир доирасини жануб томон кенгайтириб, Амударё бўйларигача етказган. Шунда улар биринчи новбатда Сомонийлар ҳокимияти билан тўқнашган. Ўша замонда Қорахонийларнинг пойтахти ҳозирги Қирғизистоннинг маркази Бишкек ёнида

⁵⁹ Тургеш этноними хитой манба ва адабиётларида (*тучиши / tuqishi* 突骑施) шаклида учрайди.

⁶⁰ Лю Чжишяо. Уйғурлар тарихи. 1-жилд. 293-б.

⁶¹ Вэй Лянгтао. Калахан вангчао шигао. 33-б.; Ўша муаллиф. Қорахонийлар тарихидан баён. 112-б.

⁶² Мазкур қабилаларнинг номлари, хитой манбаларидағи ёзилишлари ушбу китобимизнинг охирида илова сифатида келтириди.

⁶³ Вэй Лянгтао. Қорахонийлар тарихидан баён. 294-б.

жойлашган Болосоғунда (Balashagun 巴拉沙滚) шаҳри эди⁶⁴. Ҳокимият таҳтида ўтирган ҳукмдор Арслонхон деб аталган. Талас қалъаси бу хонликнинг қўшимча пойтаҳти бўлиб, бу ерда ҳоқоннинг ўринбосари, яъни Буғроҳон туради. Шундан маълумки, Арслонхон энг олий лавозим, Буғроҳон иккинчи даражали лавозим номларидир. Уларни аралаштириб юбориш хато бўлади.

Вэй Лянгтаонинг юқорида тилга олинган «Калаҳан вангчао шигао» («Қорахонийлар сулоласининг қисқача тарихи») номли асарида баён этилишича, Қора-хонийлар давлатининг ташкил топиши ва ривожланишида қатнашган турклар қаторида ёғма (янгмуо 样磨), тургеш (тучиши 突骑施) ва чигил (чуюэ 处月) қабилаларининг иштроқи ҳам салмоқли бўлган. Маълумки, ёғмалар ушбу давлатнинг ташкил топишидан олдин Қашқар вилоятига бориб жойлашиб олган бўлиб, улар таркибида талайгина қабилалар мавжуд бўлган. Воҳаларда жойлашган ёғмалар дехқончилик ва қўл ҳунармандчилик билан шуғуллана бошлигаган. «Қорахонийлар сулоласи ҳукмронлигининг сўнги даврида ёғмалар тамоман уйғурлар билан аралашиб кетди»⁶⁵ деб ёзган Вэй Лянгтао. Лекин бу фикрга қўшилиш қийин. Чунки Уйғур хоқонлиги давридаги уйғурларнинг таркибиغا қаралса, яғмалар VII асрнинг бошларидаги «тўққиз уйғур» (хитой манбаларида «жюшин хуэхэ» 九姓回纥) номланган шимолий уйғурлар таркибида мавжуд бўлганлигини кўрамиз⁶⁶.

⁶⁴ Лю Чжишиао. Уйғурлар тарихи. 1-жилд. 297-298-б.; Чсанг Гуанджа. Шиюй шиди цунггао чубян (Гарбий мамлакатлар тарихий географиясига оид илмий мақолаларнинг биринчи тўплами). Шанхай, 1995. 16-б.; Вэй Лянгтао. Калаҳан вангчао шигао. Илова сфатида келтирилган хариталар.

⁶⁵ Вэй Лянгтао. Калаҳан вангчао шигао. 67-б.

⁶⁶ Ходжаев А. Сведения древнекитайских источников по этнической истории Центральной Азии. 239, 356-б.

«Цихай» («Сўзлар денгизи») номли энциклопедик луғутда кўрсатилишича, тургешлар 628-700 йилларда Или дарёси бўйларидан ҳозирги Чу дарёси (Chuhe 楚河) бўйларига келиб жойлашган ва Суйе (Suiye 碎叶)⁶⁷ ни марказ қилишган⁶⁸. Вэй Лянгтаонинг ёзишича, VIII асрларнинг ўрталарида қарлуқлар итоатида бўлиб Қорахонийлар хоқонлиги ташкил топгандан кейин Еттисув вилоятига бориб ўрнашган.

Хитой манбаларида учрайдиган маълумотлар мазмунiga қараганда, илгари чигиллар Ғарбий Турк хоқонлиги фуқоролигида бўлган туркий қабилалари билан аралаш яшашган. Шу даврда улар катта нуфузга эга бўлиб асосан Иссиқкўл атрофида чорвачилик ва қисман дехқончилик билан шуғулланган. Қорахонийлар қўшинлари орасида салмоқли ўринда турган. 1089 йилда салжуқийлар бостриб келганда чигиллар қисман бошқа жойларга тарқатилган⁶⁹. Бизнинг нашр этилган асарларимизда чигил VII-VIII асрлардаги 30та уйғур қабилаларининг бири эканлиги ва X асргача битилган хитой манбаларида, жумладан «Шин Тангшу» («Танг [сулоласининг] янги тарихи»)⁷⁰ номли бирламчи манбада *шижие* (xijie 網结) деб аталганлиги кўрсатилган⁷¹.

Қорахонийлар хоқонлиги аҳолисининг этник таркиби масаласи ҳам юқорида тилга оинган XXР олимлари эътиборидан четда қолмаган. Масалан бу масала ҳақида фикр билдириб Вэй Лянгтао «Қорахонийлар сулоласига

⁶⁷ Ҳозирги Бишкек шаҳри ёнидаги Токмак (Тўқмақ)га тўғри келади.

⁶⁸ Цихай. 1794-1795-б.

⁶⁹ Вэй Лянгтао. Калаҳан вангчао шигао. 66-68-б.

⁷⁰ Оу Янгшию, Сунг Чи. Шин Тангшу // Эршиси ши. 16934(1520)-б.

⁷¹ Ҳўжсаев А. Марказий Осиё ҳалқлари тарихига оид маълумотлар (Қадимий ҳамда илк ўрта аср Хитой манбаларидан таржималар ва тадқиқотлар). Тошкент, 2015. 264-266-б.

қарашли ерлар аҳолиси асосан туркий ва эроний тилли этнослардан ташкил топган... Уйғур аталмиш қадимий этнос катталашган, тожик аталмиш янги этнос ташкил топган. Айрим этнослар шаклланиш даврига кириб келган» деб такидлаб ўтган⁷².

2.2. Қорахонийлар хоқонлигининг ҳудудий кенгайишга қаратилган ҳаракатлар баёни

Иzlанишларимиз доирасида ўрганилган асарларда Қорахонийлар давлатининг ҳудудий кенгайиши масаласига ҳам катта эътибор берилган. Уларда ёзилишича, тахминан 893 йилда Сомонийлар хонлигининг қўшинлари Сирдарёнинг қуи оқимида қорахонийлар қўшинларини мағлуб қилиб, Талас вилояти ҳудудини босиб олган ва Қорахонийлар давлати хоқонининг ўринбосари Уғулчокнинг хотини бошчилигига ўн мингдан ортиқ кишини асирга олган.

Сомонийлар босқинига учраган уйғурларнинг бир қисми жануби-шарқга кўчиб, Или водийси, Иссиққўл атрофи каби жойлар орқали Тангритоғдан ўтиб, Торим воҳасининг ғарбий ҳудудларига келиб жойлашган.

IX асрнинг охири ва X асрнинг бошларида тибетликлар кучайиб, Торим воҳасининг ғарбий ва жанубий қисмини ўз назоратларига олганлар ва у ерда ўзларининг маъмурий аппаратларини ташкил этган. Туркистондан бу ерга кўчиб келган ва хитой олимлари томонидан «ғарбий Помир уйғурлари» деб номланганлар Торим воҳасида ўрнатилган тибетликлар ҳукмронлигини ағдарганлар. Қорахонийлар сулоласи Торим воҳасининг жанубида қозонган ғалабаси дастлаб фақатгина ҳозирги Оқсув билан Қашқар оралиғидаги ерлар билан чекланиб турган эди. Кейин ушбу ҳолат ўзгарган.

⁷² Вэй Лянгтао. Калахан вангчо. 66-б.

Қорахонийлар сулоласи ушбу ҳудудда муқим ўрнашиб олганидан сўнг, бир неча марта шимолга юриш қилиб, ўз таъсирини Кучаргача кенгайтирди. Аммо Кучар атрофида уларнинг ҳаракати юқорида тилга олинган Уйғур хоқонлиги тарихий саҳнадан йўқолганидан сўнг Урумчи, Турфон, Қумул вилоятлари, Лобнор кўли атрофи, Жунғор текислигининг шарқи-жанубий қисми каби жойлар орқали Узок Шрқдаги мамлакатларга борадиган карvon йлларини хитой манбаларида «Шиҷоу хуэйгу» (西州回鶻)⁷³ номланган уйғур хонлиги томонидан тўсиб қўйилди. Шундан кейин қорахонийлар ўзининг сиёсий марказини, яъни пойтахтини Болосоғундан Қашқарга кўчирди. Чунки шу замонда, биринчидан ушбу шаҳар Буюк ипак йўлидаги йирик ривожланган савдо марказларидан бири эди, иккинчидан Такламакон чўли⁷⁴ жанубидаги Ёркенд ва Хўтган шаҳарлари орқали Хитой пойтахти Чангъанга борадиган карvon йўллари очик эди.

Қашқарга келганидан сўнг, вазиятни тўғри тушунган Сутуқ Буғрохон (920-956) ислом динини қабул қилди ва ўзини Абдулкарим деб атади. У таҳтда ўтирган даврда Қорахонийлар хоқонлигига катта ривожланиш юз берди.

⁷³ 840 йилда Уйғур хоқонлиги емирилгандан сўнг Монголия ҳудудидан бир гуруҳ шимолий уйғурлар Турфон водийсига кўчиб келиб бу ерда маҳаллий уйғурлар билан бирлашиб янги хонлик ташкил этган. Ана шу уйғурларни хитойлар «Шиҷоу хуэйгу» деб аташган [*Oy Янгию Сунг Чи. Шин Тангшу // Эршиси ши. 15355(1455)-6.*].

⁷⁴ Буюк ипак йўлидаги энг катта чўл бўлиб, у Шарқий Туркистоннинг жанубида жойлашган. Чўлнинг умумий майдони 530 минг квадрат км га tengdir. Ўтган аср давомида ушбу чўл атрофидаги қумга кўмилиб кетган шаҳар қолдиқларидан бундан 5-6 минг йил олдин яшаган ва ўз даври учун мадниятли бўлган одамлар жасадлари топилган [Батафсил қаранг: *Хўжаев А. Буюк ипак йўли: муносабатлар ва тақдирлар. 118-120-6.*].

Ривоятларга қараганда, Сутук Буғрохоннинг отаси вафот этганидан сўнг таҳт вақтинча унинг амакиси (отасининг укаси)га қолдирилган эди. Саройдаги келишувга биноан Сутук Буғрохон улғайганидан кейин амакиси таҳтни унга бериши лозим эди. Аммо амалда бундай бўлмади. Амакидан таҳтни куч билан тортиб олиш ягона йўл бўлиб қолди. Зарур кучни тўплаш мақсадида Сутук Буғрохон махфий ҳолда ислом динига ўтиб, унга эътиқод қилганларнинг ҳимоясига эга бўлди.

Бир қоронғу кечада энди 16 ёшга тўлган Сутук Буғрохон 40 нафар яқинлари ёрдамида ўрдага ҳужум қилиб кириб, амакисини ва унинг ҳамдамларини ўлдирди ва хонлик таҳтини ўзи эгаллади. Шундан кейин Сутук Буғрохон биринчи навбатда будда динига эътиқод қилувчилар макони Хўтанга, ундан сўнг Шарқий Туркистоннинг шарқий вилоятларида яшаётган уйғурлар (Шичжоу хуэйгу) ҳокимиятига қарши уруш бошлади. Аммо унинг ҳаракатлари кутилган натижани бермади. Шундан кейин Сутук Буғрохон ўзининг сиёсий фаолиятини ғарб томонга қаратди. Еттисув ва Балқаш кўли атрофидаги ҳудудларда ёғмалар (хитой манбаларида яовугэ 藥勿葛)⁷⁵ кўтарган қўзғолонларни бостириб, ўз қўшинларини Или водийси орқали Жунгфор текислигига юборди⁷⁶.

XXР олимларининг фикрича, Сутук Буғрохоннинг ҳаётида амалга оширилган барча ишлар ислом динини қабул қилиш, уни тарғиб этиш ва мустаҳкамлаш билан боғлиқ бўлган.

⁷⁵ Ёғма – VIII асрдаги 30 та уйғур қабилаларининг бири (ушбу китобимизнинг илова қисмида келтирилган уйғур қабилалари таркибиға қаранг).

⁷⁶ Лю Чжиияо. Уйғурлар тарихи. 1-ж. 300-301-б.

Сутук Буғрохон ислом динини бевосита ўзи ҳукмронлик қилган Қашқар ва Оқсув⁷⁷ вилоятлардагина эмас, балки қорахонийлар қўшинининг қадами етган ҳамма ерларда, жумладан Еттисув, Балқаш кўли бўйи ва Жунгғор текислиги каби жойларда яшовчиларга ҳам сингдирган⁷⁸. Унинг рағбати билан қорахонийлар қўшилари будда ибодатхоналарини, ҳайкалга чўқинувчилар ва бошқа динлар эътиқодчиларининг қурилишларини бузиб ташлашган. Шунинг учун ислом дини тарғиб қилинган ёзма материалларда, жумладан уйғурча, арабча ва форсча ёзувлардаги маълумотларда Сутук Буғрохоннинг ислом динини тарқатишда кўрсатган хизматларига ниҳоятда юксак баҳо берилган⁷⁹.

Сутук Буғрохон 955-йилда (айрим асарларда 956 йилда) вафот этган ва Қашқардан 32-35 км нарида жойлашган Ортуш шаҳридаги қабристонга дағн этилган⁸⁰. Шундан кейин мавжуд анъанага кўра, унинг ўрнига катта ўғли Мусо Буғрохон (Мусо бинни Абдукарим) Арслонхон номи билан таҳтга ўтирган.

XXР олимларининг фикрича, Мусо Буғрохон ўз ҳаётида Хўтандаги буддистлар ҳокимияти билан Шичжоу (Ғарбий вилоят) уйғурлари ҳокимиятига қарши онда-сонда уруш қилганлиги ҳисобга олинмаса, бошқа тилга олишга арзигулик ҳеч қандай ҳарбий муваффақият қозонмаган. Шу сабабдан унинг замондошлари ва кейинги давр тарихий асарлар муаллифлари Мусо Буғрохоннинг фаолиятини акс эттиришга эътибор бермаганлар. Аммо амалда у Қорахонийлар сулоласининг ҳукмдорлари ичида

⁷⁷ Оқсув (замонавий хитой тарихий адабиётларида Акэсу 阿克苏, ўтмушда Вэнсу 温宿) вилояти Кучар ва Қашқар шаҳарлари ўртасида, Тарим дарёсининг ғарбий қирғоқларида жойлашган.

⁷⁸ Лю Чжиияо. Уйғурлар тарихи. 1-ж. 300-б.

⁷⁹ Ўша асар. 300-301-б.

⁸⁰ Ўша жойда. Вақт ўтиши билан халқ орасида ушбу қабристон «Султон Сутук қабристони» деб аталган.

энг етук шахслардан бири деса бўлади. У тахтда ўтирган даврда Қашқарнинг бошқа ҳудудлар билан бўлган алоқалари ривожланган. Қашқар дарёси атрофида янги янги сув иншоотлари, хонликда мадрасалар, қироатхоналар қурилган. Қашқар Шарқий Туркистоннинг катта иқтисодий ва маданият марказига айлантирилган.

Аммо Мусо Буғрохоннинг ҳукмронлик даври узокқа бормаган. Унинг вафотидан сўнг 958 йилда катта ўғли Абу Ҳасан (Абу Ҳасан Буғрохон) тахтга ворислик қилган. Қорахонийларнинг Мовароуннаҳр ҳудудига қарата олиб борган кенг кўламли ҳарбий юришларига ана шу Абу Ҳасан Буғрохон қўмондонлик қилган.

Лю Чжишяонинг баён этишича, Абу Ҳасан Буғрохон бобоси Сутуқ Буғрохоннинг сиёсатини давом эттириб, давлат ҳудудини кенгайтиришга ҳаракат қилди. Бу борада у аввалига Хўтандаги буддистлар ҳокимиятига қарши уруш қўзғади. Хўтанга қарши қилинган ҳарбий юришда Абу Ҳасан Буғрохон ўзининг ботирлигини кўрсатди. Аммо жангда мақтовга арзийдиган натижага эришолмади⁸¹.

Қашқарни эгаллагандан кейин Қорахонийлар сулоласи атрофдаги давлатларга қарши қилган ҳарбий ҳаракатлари натижасида учта катта куч билан душманлашиб қолган эди. Буларнинг бири Қашқарнинг жануби-шарқида жойлашган Хўтан ҳокимияти, иккинчиси хоқонликнинг шарқидаги Турфон уйғуйр давлати («Шичжоу хуэйгу» - ғарбий вилоят уйғурлари ҳокимияти), учинчиси эса ғарбдаги Сомонийлар хонлиги эди. Агар бу кучлар бир вақтда иттифоқлашиб, ҳаракатга келса, Қорахонийлар давлатининг аҳволи мураккаблашиб қолиши мумкин эди. Қорахонийлар сулоласи бундай вазият юзага келишининг олдини олишга ҳаракат қилди ва унинг уддасидан чиқди. Абу Ҳасан Буғрохоннинг қобилияти, олиб борган тўғри

⁸¹ Лю Чжишяо. Уйғурлар тарихи. 1-жилд. 301-б.

сиёсати ички вазиятнинг яхшиланиши, мамлакат иқтисодининг ривожланишига сабаб бўлди.

XXР олимларининг фикрича, Мусо Буғрохоннинг хукмронлигидан кейин Қорахонийлар хоқонлигининг иқтисоди тезда ривожланди ва қуввати ортти. Бу ҳол Абу Ҳасан Буғрохоннинг ташқи сиёсатидаги фаоллигини оширди. У Хўтанга қарши уруш қилиб, кўзда тутилган натижага эриша олмаганидан кейин, ўз эътиборини бошқа томонга - Сомонийлар хонлигига қаратди ва уни биринчи даражали нишон қилиб олди.

Лю Чжишяонинг фикрича, ўша даврда Сомонийлар хонлиги Марказий Осиё тарихида ҳокимиятни марказлаштириш масаласига жиддий эътибор берган давлат эди. Унинг бу борада амалга оширган сиёсати сиртдан келадиган таҳдидларга қарши туришда муҳим аҳамият касб этган бўлса ҳам, ички кучларнинг ва айrim маҳаллий ҳукуматларнинг норозилигини уйғотди. Бинобарин, X асрнинг бошларида Хоразм Сомонийлар хонлигидан ажralиб чиқиб, боқимандалик муносабатидан, яъни Сомонийлар хонлигининг давлат ғазнасига солиқ тўлаш, ғалла-буғдой топширишдан бош тортди. Шундан кейин 902 йилда Хурросонда ва 909 йилда Ҳиротда Сомонийлар хонлигига қарши қўзғолонлар бошланди. Бир-бирига уланиб кетган бу қўзғолонлар хонликнинг қувватини камайтирди, бу эса X асрнинг ўрталаридан кейин Сомонийлар хонлигининг парчалана бошлашига олиб келди⁸².

977 йилда Сабук Тегин исмли бир лашкарбоши мамлакатнинг ғарбий томонидаги бир қалъани ва унинг атрофидаги вилоятларни эгаллаб олиб, Сомонийлар хонлигидан мустақил бўлган Ғазнавийлар хонлигини ташкил қилди. Шарқда ҳозирги Покистоннинг Пешовар вилоятидан тортиб, ғарбда Хурросонгача, шимолда Амударёдан тортиб, жанубда «Форс қўлтиғи»гача бўлган

⁸² Лю Чжишяо. Уйғурлар тарихи. 1-жилд. 303-б.

кенг заминни ўзининг хукмронлиги остига олди. Ғазнавийлар хонлигининг бўлиниб чиқиши билан Сомонийлар хонлиги қаттиқ заифлашди. Осиёning ўрта қисмидаги турли кучлар орасида Сомонийлар хонлиги ожиз давлатга айланиб қолди. Буларнинг ҳаммаси Абу Ҳасан Буғрохонга Мовароуннаҳрда муваффақият қозониш шароитини яратиб берди⁸³.

Мовароуннаҳрдаги айрим ҳокимлар ва аслзодалар Қорахонийлар сулоласига ҳамдам бўлиб, уларнинг кучи билан Сомонийлар хонлигининг хукмронлигидан қутулишга ҳаракат қилди.

Вэй Лянгтаонинг баён этишича, 991 йилда юзага келган вазиятдан фойдаланиб, Қорахонийлар сулоласи Мовароуннаҳрга шарқ ва шимолдан ҳарбий юриш қилди. Шарқий қўшинга Абу Ҳасан Буғрохоннинг ўзи бошчилик қилди. Шимолдан йўлга чиқсан қўшинга Абу Ҳасан Буғрохоннинг набира укаси Хорун (Килич Буғрохон) қўмондонлик қилди.

Абу Ҳасан Буғрохоннинг қўшини Помир тоғидан ўтиб, Фарғона водийсининг бир чеккасига етиб борганида, Хорун қўмондонлигидаги қўшин Иссиқкўл орқали Фарғона водийсига яқинлашиб келди. Ҳар икки қўшин Фарғонага икки томондан ҳужум қилди. Ички курашлардан ҳолсизланиб қолган сомонийлар қорахонийларнинг бундай зарбасига бардош беролмади⁸⁴.

Махаллий ҳукмдорлар ва зодагонларнинг яширин ёрдами билан қорахонийлар қўшинлари Фарғонадаги биринчи жангда ғалаба қилиб, ўз рақибларини Самарқанд ва Бухоро вилоятларига чекинишга мажбур қилди. Узоқ ўтмай, қорахонийлар қўшинлари Мовароуннаҳрда муҳим ҳарбий ва савдо аҳамиятга эга бўлган Самарқандни ишғол қилди. Бу вақтда Сомонийлар хонлиги ўзининг пойтахти

⁸³ Ўша асар. 303-304-б.

⁸⁴ Вэй Лянгтао. Қорахонийлар тарихидан баён. 121-125-б

бўлган Бухоронигина сақлаб қолишига мұяссар бўлган эди. Аммо улар бу охирги маконини ҳам узоқ тутиб туролмади. 992 йилда Хорун қўмондонлиги остидаги қораҳонийлар қўшинлари Бухоро қалъасига ҳужум қилди. Сомонийлар шохи Абдул малик Бухоронинг бош назоратчиси амир Нуҳнинг ҳимоясида қалъани ташлаб, қочиб кетди. Бухоро қалъаси қораҳонийлар қўшини томонидан биринчи марта ишғол қилинди.

Ушбу воқеадан кейинги кунларда Сомонийлар хонлигининг қолган кучлари қайта-қайта қаршилик кўрсатиб, қораҳонийлар қўшини билан кескин жанглар олиб борди ва Бухоро қалъасини вақтинча қайтариб олди, лекин улар ўз ҳокимиютини илгаригидек мустаҳкамлаш имкониятига эга бўла олмади.

Бухорони узил-кесил қўлга олгандан кейин Хорун қўмондонлигидаги қораҳонийлар қўшини Бадахшонга йўл олиб, у ерни ҳам бўйсиндириди ва Эрон тепалигидаги Ҳирот қалъасининг ёнигача етиб борди. 993 йилда Кашқарга қайтиш сафарида Хорун касалликдан оламдан ўтди.

Хитой олими Лю Чжишяонинг ёзишича, Қораҳонийлар хоқонлигига ўзига атаб танга зарб қилдирган киши Хорун эканлиги маълум. Бу ҳол шу вактдаги Қораҳонийлар хоқонлигига Абу Ҳасандан кейин Хоруннинг иккинчи ўринда турганлигини кўрсатади. Бироқ Хорун бевакт вафот этганлиги учун, унинг ўз номига атаб танга куйдиришининг асл мақсади ва сири тўлалигича ойдинлашмаган⁸⁵.

Ўша даврда Қораҳонийлар хоқонлигининг қўлга киритган ютуқлари унча мустаҳкам эмас эди, зеро Марказий Осиё ҳудудида Сомонийлар хонлигининг қолдиқ кучлари ўзларига тобе бўлган баъзи қабилаларнинг ёрдамида қораҳонийлар қўшинлари билан тўхтовсиз жанг

⁸⁵ Лю Чжишяо. Уйғурлар тарихи. 1-жилд. 305-б.

қилмоқда эди⁸⁶. Шу сабабдан уларнинг Мовароуннахр ҳудудида қозонганган муваффақиятлари Қашқарда юз берган салбий воқеалар туфайли кўзга кўринмай қолди. Хўтандаги буддистлар ҳокимияти Қашғардаги қорахонийлар қўшинининг Сомонийларга қарши юриш қилганлиги ва Абу Ҳасаннинг Самарқандда туриб қолганлигидан фойдаланиб, Қашқар фуқароларини қуролли қўзғолон кўтаришга даъват этди. Қўзғолончилар ёрдамида хўтанликлар Қашғар қалъасини ишғол қилиб олдилар. Шунда Қорахонийлар хоқонлиги ўзининг ҳукмронлик марказидан айрилиб қолди.

996 йилда Абу Ҳасан Қорахонийларнинг Мовароуннахрдаги қўшинларини Қашғарга қайтариб, буддистлар исёнига қарши жангда қатнашди. Жанг натижасида қорахонийлар қўшини хўтанликларни мағлуб қилиб, Қашғар қалъасини қайтариб олди. Шунинг билан Абу Ҳасаннинг дикқат-эътибори Хўтандаги буддистлар ҳокимиятига қарши курашга йўлантирилди. Аммо у Хўтан масаласида муваффақиятга эриша олмади. Бинобарин, 998 йилда Хўтандан содир бўлган жанг Абу Ҳасаннинг кутганидан тамоман бошқа натижа берди. 998 йилда Абу Ҳасан Ёркент атрофида урушда ўлди⁸⁷. Хўтан қўшинлари Қашқарни қайта қўлга киритди. Қашқарни қайтариб олиш учун Қорахонийлар анча куч ва вақт сарфлади.

Хитой олимлари келтирган маълумотларга кўра, Абу Ҳасаннинг тўлиқ исми Абу Ҳасан Али Бинни Мусоашшуҳут бўлган. У тарихда Қорахонийларнинг буддистларга қарши урушда вафот этган ҳоқони ҳисобланади⁸⁸.

Хўтан буддистларига қарши курашга ва узокқа чўзилган урушларга хотима бериб, Хўтан (Удун)

⁸⁶ Ҳожи Нурҳожи. Қадимги уйғурлар ва қорахонийлар. Урумчи, 2001. 244-251-б.

⁸⁷ Лю Чжиияо. Уйғурлар тарихи. 1-жилд. 307-б.

⁸⁸ Ўша жойда.

давлатини итоат қилдириш, у ерда ислом динига эътиқодни сингдериш каби ишлар Абу Ҳасаннинг вориси ва Ҳоруннинг катта ўғли Юсуф Қодирхон томонидан амалга оширилган. Шу сабабдан мусулмон манбаларида Абу Ҳасан ва Юсуф Қодирхонларнинг фаолияти катта олқишлиар билан тилга олинади. Уларнинг қабри Қашқарда ҳозиргача сақланиб қолган⁸⁹.

Абу Ҳасаннинг насабномасида кўрсатилишича, у Мусо Буғрохон (Муса бинни Абдукарим – 956-958)нинг катта ўғли, Сутук Буғрохоннинг набираси. Абу Ҳасаннинг 4 ўғли бўлиб, каттасининг исми Аҳмадали, иккинчисиники - Носирали, учинчисиники – Мансурали ва тўртинчиси-нинг исми Муҳаммадалидир. Бу 4 ака-ука тарихда Алилар, уларнинг авлодлари эса «Али гурӯҳи» деб аталади. Али гурӯҳидагилар кейинги йилларда Туркистоннинг ишларини изчил бошқарган.

Абу Ҳасан Буғрохон номи билан тахтда ўтирганида, унинг катта ўғли Аҳмадали Қораҳонийлар ҳоқонининг вакили сифатида Болосоғунда тураг әди. Шу боис у баъзида шимолий ҳудуд ҳукмдори деб ҳам аталган⁹⁰.

Абу Ҳасаннинг ўрнига ҳоқон бўлган Юсуф Қодирхон Ҳорун Абу Мусо Алиҳасан бинни Сулаймон (Қилич Буғрохон)нинг катта ўғли ҳисобланади. Унинг насабномасига кўра, Юсуф Қодирхон – Ҳоруннинг катта ўғли бўлган. Ҳоруннинг иккинчи ўғли Аҳмад Ҳасан, учинчиси Али Ҳасан әди. Бу уч ака-ука Ҳасанлар деб, уларнинг авлодлари «Ҳасан гурӯҳи» ёки «Сулаймон гурӯҳи» деб аталган.

Юсуф Қодирхон даврида Али Ҳасанга Қораҳонийлар итоатидаги ҳудуднинг ғарбий қисмини идора қилиш вазифаси юкланган ва унга Ўзган қалъасида туриш белгиланган. Ҳўтан буддистлари Қашқар қалъасини олиб,

⁸⁹ Ўша жойда.

⁹⁰ Ўша жойда.

қорахонийлар қўшинларининг аксарият қисмини Торим воҳасининг жанубида банд қилиб турган кунларда, Сомонийлар хонлигининг собиқ Бухоро ҳокими амир Нуҳ хонлик таҳтини тортиб олиб, ўзини хон деб эълон қилди ва Сомонийлар хонлиги деган номни давом эттириди. Шунда у бир қатор чорвадор қабилаларнинг мададига ва гарбий давлатларнинг қўллашига сазовор бўлди.

2. 3. Қорахонийлар ва Ғазнавийлар муносабатларининг ёритилиши

Хитой олимлари асарларида Қорахонийлар хоқонлиги билан Ғазнавийлар давлати орасидаги муносабатларга ҳам маълум даражада эътибор берилган. Ушбу асарларда баён этилишича, улар ўртасида узоқ давом этган урушнинг бошланишига Ғазнавийлар хонлиги амири Нуҳ сабабчи бўлган. Чунки қорахонийлар қўшинлари Қашқар ва унинг ёнидаги вилоятларда банд бўлиб турганида, ушбу амир Бухоро қалъасини қуршаб олиб, маҳаллий ахолининг ёрдамида уни ўз назорати остига олган. Шунинг билан бир вақтда амир Нуҳ ёридамида Бадахшон ва унинг яқинидаги жойларда қорахонийларга қарши қўзғолонлар кўтарилиган. Қорахонийлар сулоласининг бу худуддаги хукмронлиги барбод бўлиш ҳолатига келиб қолган.

Шундай вазиятда Али Носир (Носир Илекхон) қорахонийларнинг Мовароуннаҳр ҳудудидаги қўшинларини Самарқандда тўплаб, бу қалъани сақлаб қолишга уринган.

Самарқанд ёнидаги уруш бир неча ой давом этганидан кейин, амир Нуҳ ноилож Али Носир билан сулҳ тузишга мажбур бўлди. Икки томоннинг келишуви натижасида Хитван чўли ўртадаги чегара деб топилди. Чўлнинг шарқидаги жойлар Қорахонийларга, гарбидаги ерлар амир Нуҳга қарайдиган бўлди. Шундай қилиб, Али Носир Қорахонийлар хоқонлиги учун Мовароуннаҳр ҳудудидаги

муҳим жойларни сақлаб қола олди. 997 йилда Али Носир Сомонийлар хони алмашаётганидан фойдаланиб, Бухорога яна бир марта қўшин тортди ва бу қалъани олмоқчи бўлди. Лекин у ерли аҳоли билан сомонийлар қўшинларининг қаршилигига учраб, мағлуб бўлди.

998 йилда Абу Ҳасан Ёркент атрофидаги жангда ҳалок бўлди. Хўтан қўшинлари биратўла Қашқар қалъасини босиб олганида, Юсуф Қодирхон Самарқандда тахтга ворислик қилиб, ғайри мусулмонларга қарши туриш шиори остида ислом аҳлини урушга сафарбар қилди ва Қашқарга юриш қилди. Шундан сўнг Мовароуннахрнинг ишлари Али Носирга топширилди.

Ундан кейинги даврда амир Нух ички душманлар томонидан ўлдирилди ва Сомонийлар тахтига Абдумалик исмли бир гўдак бола ўтирди. Бу фурсатдан фойдаланиб, Али Носир яна Бухорога қўшин юборди ва ўз рақибини осонгина енгди.

Шу йилнинг қурбон ҳайитида қораҳонийларнинг қўшини Бухорода қалъага кириш маросимини ўтказиб, Сомонийлар хонлигининг охирги подшосини қўлга олди ва бу хонликнинг 128 йиллик хукмронлигига хотима берди. Бу воқеадан сўнг Али Носир Бадахшон ва унинг атрофидаги вилоятларда юз берган қўзғолонларни тинчитиб, қораҳонийларнинг Мовароуннахр ҳудудидаги хукмронлигини қайта тиклади.

Шундан кейинги йилларда қораҳонийлар қўшини Сомонийлар хонлигининг байроғи остида ҳаракат қилган кучлар билан курашди. 1003 йилда сомонийларнинг қолган жангчилари салжук туркларининг ёрдамида Бухоро қалъаси ёнида қораҳонийлар қўшинини мағлуб қилиб, Бухорони яна бир бор эгаллаб олган эди. Лекин узоқ ўтмай, қораҳонийлар қўшини Али Носир бошчилигига Бухорони қайтариб олди. Бухоро қалъасининг яна қўлдан бой берилганлиги улар учун умумий хотима бўлди. Шундан

эътиборан Сомонийлар хонлиги тарихий саҳнадан йўқ бўлди.

Қорахонийлар тарихини ўрганган Хитой олимлари Юсуф Кодирхоннинг фаолиятига алоҳида эътибор беришган. Уларнинг ёзишича, биринчидан, у ислом байроғи остида Будда дини тарафдорларининг марказларидан бири бўлган Хўтан шаҳрини марказ қилган ҳокимиятига қарши уруш олиб борган. Иккинчидан, Ғазнавийлар хонлиги билан бўлган муносабатларни яхшилашга ҳаракат қилган. Учинчидан, Қорахонийлар хоқонлигининг тараққий топа олиши учун зарур шороитнинг яратилиши Ғазнавийлар хонлиги билан ҳамкорлашиб Сомонийлар давлатини ожизлаштиришга боғлик деб билган⁹¹.

XXР тарихчиларининг баён этишича, X асрнинг охирларида келганда Мовароуннаҳр ҳудудида қорахонийлар Сомонийлар хонлигига узил-кесил зарба берив, мағлубиятга учратган ва қисқа давр ичида ушбу хонликни йўқ қилди. Ғазнавийлар хонлиги ҳукмдорлари бу ҳолатни ҳисобга олди. Қорахонийлар билан Сомонийлар ўртасидаги уруш майдонлари бир неча марта Амударёга яқинлашиб борди. Бироқ Ғазнавийлар хонлиги Амударёнинг шимолида юз берган урушларга аралашмади. Ҳар ҳолда аралашганлиги ҳақидаги маълумотлар ҳозирч топилгани йўқ.

Эҳтимол, бунга қорахонийлар билан Ғазнавийлар ўртасида мавжуд бўлган душманга биргаликда қарши туриш зарурияти сабаб бўлгандир. Чунки Сомонийлар хонлигини ағдариб ташлаш уларнинг умумий мақсади бўлган. Қолаверса, шу даврда уларнинг ўртасида тўқнашувга сабаб бўлган бирор воқеа содир бўлмаган. Қорахонийларнинг ҳарбий фаолияти Мовароуннаҳр

⁹¹ Ҳожи Нурхожи. Қадимги уйғурлар ва Қорахонийлар. 244-251-б.; Вэй Лянгтао. Қорахонийлар тарихидан баён. 125-133-б.

худуди билангина чекланиб, унинг назари Амударёниг жанубидаги Ғазнавийлар хонлигининг заминига тушмаган. 1001 йилда Қорахонийлар ҳатто Алининг қизини Ғазнавийлар хонлигининг хукмдори Султон Маҳмудга турмушга берди⁹².

Султон Маҳмуд диндор одам эди. У Ҳиндистондаги ғайри мусулмонларни қувиб чиқармагунга қадар ушбу мамлакатда уруш қилишга қасам ичган. 1001 йилдан бошлаб, олти йилга яқин вақт давомида Маҳмуд ана шу мақсадда Ҳиндистонга уч марта кўшин тортиб бориб, бир қатор урушлар олиб борган.

Бу орада сиёсий манфаатнинг диний манфаатдан ҳам устун туришига яққол мисол бўла оладиган ходисалар юз бера бошлади. Қорахонийлар хоқонлиги Маҳмуддинг Ҳиндистонда ғайри мусулмонларга қарши олиб борган урушларини қўллаб-кувватламади. Аксинча, 1005 йилда улар ўзларининг Мовароуннаҳр ҳудудидаги ғалабаларидан илҳомланиб ва Маҳмуддинг Ҳиндистонга юриши билан банд бўлганлигидан фойдаланиб, тусатдан Ғазнавийлар хонлигига кенг қўламли ҳужум уюштиргди. Қорахонийлар қўшини Амударёдан ўтгандан кейин икки қисмга бўлиниб, Хурсон ҳудудигача бостириб кирди, Ғазнавийлар хонлигининг Балх ва Марв каби шаҳарларини бирин-кетин эгаллаб олди. Бу Қорахонийлар билан Ғазнавийлар хонлиги ўртасидаги узоқ муддатли урушнинг муқаддимаси бўлган эди.

Қорахонийлар қўшинининг кутилмаган ҳужуми Султон Маҳмудни Ҳиндистонга қаратган урушини тўхтатишга мажбур қилди. 1006 йилда у Балх қалъаси ёнида Қорахонийлар қўшинини мағлуб қилди. Кейин қорахонийларнинг Хурсондан йўлга чиқаётган яна бир қўшинига тўсатдан зарба бериб, сон-саноқсиз ҳарбий

⁹² Ўша жойда.

қурол-яроғ ва бошқа мулкларни ўлжа қилиб олди. Шунинг билан қорахонийларнинг Амударёning жанубидаги вилоятларга эгалик қилиш ғарази йўқقا чиқди. Кейинги бир йил давомида қорахонийлар қўшинлари ғарбий ҳудуд бош ҳокими Али Носирнинг қўмондонлиги остида бир неча марта Амударёдан ўтиб, Балх ҳудудида Ғазнавийлар хонлигининг қўшини билан жанг қилди. Лекин бу урушлар улар учун мағлубият билан тугади.

1007 йилда Илек Носир Хўтан ҳокими Юсуф Қодирхон билан бирга ғарбий ҳудуд қўшинлари ёрдамида Амударёдан ўтиб, Балх қалъасини эгаллаб олмоқчи бўлди. Натижада 1008 йил биринчи ойнинг 4 куни Балхга яқин жойда қорахонийлар ва Султон Маҳмуд қўшинлари ўртасида қаттиқ жанг содир бўлди. Ушбу жангга Султон Маҳмуд 500 та фил сафарбар қилган⁹³.

Тилга олинаётган Балх учун қилинган ҳарбий ҳаракатлар XI асрнинг бошларида Амударё жанубида юз берган бир марталик кенг қўламли уруш эди. Унда ҳар икки тараф ислом динини байроқ қилганлиги учун атрофидаги ҳудудларнинг диққат-эътиборини ўзига жалб қилди. Шунинг учун ҳалқ орасида ва тарихий ҳужжатларда бу сафардаги уруш тўғрисида кўпгина маълумотлар сакланиб қолган. Кескин жанглардан кейин Ғазнавийлар хонлигининг фил минган жангчилардан иборат асосий ҳарбий қисмлари қорахонийлар қўшинини мағлуб қилди. Шундан кейин қорахонийлар Амударёning жанубига ўтиш имкониятидан маҳрум бўлиб қолди. Натижада Амударё икки давлат – Қорахонийлар ва Ғазнавийлар давлатларининг чегараси бўлиб қолди.

Балх қалъасидаги мағлубият қорахонийлар сулоласининг ҳукмдорлари ўртасида зиддият пайдо бўлишига сабаб бўлган. Ғарбий ҳудуд бош ҳокими Носир Илекхон бошчилигидаги уруш тарафдорлари Ғазнавийлар хонлиги

⁹³ Вэй Лянгтао. Калаҳан вангчоа шигао. 87-б.

билин бўлган урушни давом эттиришга даъват этди. Шимолий ҳудуд бош ҳокими бошчилигидаги сулҳчилар Ғазнавийлар хонлиги билан урушни тўхтатиш ташаббуси билан чиқдилар.

Ғазнавийлар ҳукмдори Султон Маҳмуд қорахонийларнинг ички зиддиятларидан фойдаланиб, 1010 йилда Болосоғунга махфий элчи юборди ва шимолий ҳудуд бош ҳокими билан тил бириктириди. Бу воқеадан хабар топган Юсуф Қодирхон шимолий ҳудуд бош ҳокимини жазолаш учун ғарбий ҳудуд бош ҳокимига Болосоғунга жазо юриши қилишни буюрди. Ғарбий ҳудуд бош ҳокими етакчилик қилган қўшин Болосоғунга яқин борганида, Ғазнавийлар хонлиги бу тадбирга ошкора аралашди. Ғазнавийлар элчиси Юсуф Қодирхонга Болосоғунга қаратилган жазо тўхтатилса, Ғазнавийлар хонлиги Қорахонийлар хоқонлигининг ҳамма тилакларини қондиришга тайёр, акс ҳолда Ғазнавийлар хонлиги ҳарбий куч ишлатиб, зарур чоратадбирларни амалга оширади, деб уқтириди. 1011 йилда Қорахонийлар хоқонлиги Ғазнавийлар хонлигининг сулҳ тузиш таклифини қабул қилиб, Болосоғунга қаратилган жазо юришини тўхтатди⁹⁴.

Ғазнавийлар хонлиги муносабатда устунлик пайдо қилиш усули билан, Юсуф Қодирхонни Ғазнавийлар хонлиги билан давомли уруш қилиш хаёлидан воз кечишга мажбур қилиш орқали, ўзининг стратегик мақсадига етди. Шундан эътиборан Қорахонийлар билан Ғазнавийлар хонлиги бир-бирига қарши ҳаракат қилмай, тинч ўтишди. Бундай натижга Султон Маҳмудга қўл келар эди, зеро шу тинчлик эвазига у ўз ҳаётида муҳим ишларни амалга ошириш имкониятига эга бўлди⁹⁵.

1012 йилда Ғарбий ҳудуд бош ҳокими Али Носир вафот этди. У ўз жамоатидан бўлган шимолий бош ҳоким

⁹⁴ Ҳожи Нурҳожи. Қадимги уйғурлар ва Қорахонийлар. 254-б.

⁹⁵ Ўша жойда. 251-255-б.; Вэй Лянгтао. Қорахонийлар тарихидан баён. 133-136-б.

билин иноқ бўлмаганлиги учун Юсуф Қодирхон Мовароуннаҳр ҳудудини осонгина қўлга киритди ва Ғарбий ҳудуднинг бош ҳокими лавозимини иниси Али Тегин (Али бинни Ҳасан)га топширди. Шунинг билан Хорун гуруҳининг таъсир кучи Мовароуннаҳр ҳудудигача кенгайди.

Вэй Лянгтаонинг ёзишича Қорахонийлар хоқонлигининг ҳудуди ғарбда Қорақум чўлидан шарқда Лобнор кўлигача, шимолда Балхаш кўлидан жанубда Амударёнинг жанубий қирғоқларигача кенгайган⁹⁶.

2.4. Хоқонликнинг шарқий ва ғарбий қисмларга бўлинниши ва бу воқеа оқибатларининг акс эттирилиши

Қорахонийлар хоқонлигининг парчаланиши ҳам XXР олимлари тадқиқотларида кенг ёритилган масалалардан бири ҳисобланади. Уларнинг бу тарихий ходиса ҳақидаги фикрича, Юсуф Қодирхоннинг Ғазнавийлар хонлигининг босимиға ён бериши Қорахонийлар хоқонлигининг парчаланиб кетишшга муқаддима эди.

XXР олимларининг баён қилишича, 1017 йилда шимолий ҳудуд бош ҳокими Қорахонийлар хоқонлигига итоат қилишдан бош тортди. Илгари Болосоғунга қаратилган жазо юришини тўхтатиб, ҳақоратда қолган Юсуф Қодирхон бу сафар ўзи қўшин бошлаб, Қашқардан йўлга чиқди ва Самарқанд орқали Болосоғунга юриш қилди. Аммо Юсуф Қодирхон қаттиқ қаршиликка учради. Қорахонийлар қўшини мағлуб бўлиб, Мовароуннаҳр ҳудудига қувгин килинди.

Бу сафарги уруш ҳаммаси бўлиб 3 ой давом этди. 1018 йилда шимолий ҳудуд бош ҳокими ғалаба билан қайтиб кетаётib, йўлда вафот этди.

⁹⁶ Вэй Лянгтао. Қорахонийлар тарихидан баён. 156-б.

Болосоғунга қаратилған жазо юришининг мағлубият билан тугаши Юсуф Қодирхон бошчилигидаги Қорахонийлар хоқонлигининг ташқи рақиблари устидан ғалаба қилиш имкониятидан ҳам, ички курашларни тинчтиш имкониятидан ҳам маҳрум бўлганлигидан далолат берган эди. Бу ҳол бошқа ерли феодал аслзодаларнинг ҳам Қорахонийлар хоқонлигидан бўлиниб чиқиб кетишига ердам берди. Шимолий худуд бош ҳокими тўполон кўтариб, бир йил ўтар-ўтмас, Қорахонийлар хоқонлигига амалий кучи энг зўр бўлган гарбий худуд бош ҳокими Али Тегин ошкора холда акаси Юсуф Қодирхонга хиёнат қилди.

Али Тегиннинг қўлида Қорахонийлар хоқонлигининг муҳим иқтисодий ва маданий маркази бўлган Мовароуннаҳр худуди ҳам, Ғазнавийлар хонлиги ва қўзғолон кўтарган шимолий худуд бош ҳокимига қарши туриш учун бу ерга жойлаштирилган зўр қўшин ҳам бор эди.

Бундан ҳам муҳимроқ томони шуки, бу сафарги қўзғолон Қорахонийлар хоқонлигигининг маркази Қашқарга яқин жойда бўлганлиги мазкур давлат ҳукмронларини қаттиқ саросимага солди. Шиддат билан кўтарилаётган сиёсий бўронда ҳолсизланган Қорахонийлар хоқонлиги рақибини дўст билиб, Ғазнавийлар хонлигининг кучига суюнди ва Ғарбий худуд бош ҳокимининг қўзғолонини тинчтишга мажбур бўлди. Юсуф Қодирхоннинг талабига биноан Ғазнавийлар хонлигининг подшоси Маҳмуд 1025 йилда ўзи бевосита қўшин тортиб, Амударё орқали Самарқандга гарбдан юриш қилди. Юсуф Қодирхон ҳам шахсан ўзи Қашқардан қўшин тортиб чиқиб, Самарқандга шарқдан юриш қилди. Икки қўшиннинг исканжасига тушиб қолган Али Тегин такрор-такрор жангларда ғалаба қозона олмаганидан кейин, Самарқандни ташлаб, Сирдарёнинг шимолига чиқиб кетди ва қумлоқларда сарсон бўлиб юрди. Юсуф Қодирхон Самарқандни

қайтариб олди, Султон Маҳмуд эса Бухорони эгаллади. Ўрта Осиёдаги машхур шаҳар Бухорони Ғазнавийлар хонлиги талон-тарож қилди.

Али Тегин бошчилигидаги ғалаён тинчитилгандан кейин Юсуф Қодирхон Мовароуннахр бошқарувини ўзининг иккинчи ўғли Катта Тегинга топширди. Бу Қорахонийлар ва Ғазнавийлар хонликлари орасидаги муносабатларнинг энг қуюқ вақти эди. Икки тараф қудаандалик муносабатларини ҳам ўрнатди.

1032 йилда Юсуф Қодирхон вафот этиш муносабати билан Торим воҳасининг жанубидаги деярли ҳамма воҳаларида Қорахонийлар хоқонлигига қарши қуролли қўзғолонлар кўтарилди. Қўзғолончилар жойлардаги мусулмон масжидларини бузиб ташлаб, Будда дини ибодатхоналарининг фаолиятларини қайта бошлаб юбордилар. Қўзғолон тез орада Хўтан (Удун деб ҳам аталган), Ёркентларгача етиб борди. Ҳатто Қашқар атрофларида ҳам нотинчлик ва бесаранжомликлар бошланди.

Торим воҳасининг жанубий ҳудудларида қўзғолонлар алангаси ловуллаб турган пайтда, Али Тегин яна Бухоро ва Самарқандни қўлга киритди ва Қорахонийлар хоқонлигидан мустақил ҳокимият ташкил қилди. Бу сафар Али Тегин Туркистондаги сиёсий вазиятдан фойдаланиб, Ғазнавийлар хонлигининг душмани бўлган салжуқлар билан иттифоқ тузди. Бу пайтда салжуқлар Осиёning ғарбида ҳал қилувчи куч бўлиб қолган эди. Улар Осиёning тарқоқ ва кучсиз сулолаларига босим ўтказиш билан бирга Ғазнавийлар хонлигига ҳам шиддатли зарбалар бериб, унинг амалий кучини ожизлаштираётган эди.

Ғазнавийлар хонлигининг заифлашиши туфайли Марказий Осиёдаги вазиятда муқимлик йўқолди. Қорахонийлар хонлиги Али Тегинни банд қилиб турувчи муҳим куч бўлган Ғазнавийлар хонлигидан маҳрум бўлди. Али

Тегин эса, аксинча, ўзига бевосита таҳдид қилиши мумкин бўлган кучлардан қутулиб, анча кучайди.

Тахминан 1032 йил атрофида Али Тегин ўзининг бошқаруви доирасини Мовароуннаҳр ҳудуди томонга кенгайтиришга киришди. Тўрт йиллик ҳаракат натижасида у ижобий натижаларга эришгандан кейин 1036 йилда у ўзини Ҳоқон деб эълон қилиб, Қашқарга итоат қилишдан бош тортди. Натижада катта бир давлат икки қисмга бўлинди. Бу ҳолат бутун Туркистондаги сиёсий, иқтисодий ва этник вазиятга таъсир кўрсатди.

1039 йилда Али Тегин вафот этиб, унинг ўғли Юсуф бинни Али хон таҳтига ўтирди. Шундан кейинги икки йил давомида марҳумнинг гуруҳидагилар бирин-кетин Бухоро ва Самарқандни ўз назоратига олишган.

XXР тарихчилари Қораҳонийлар давлатининг бўлинишдан кейин унинг ҳудудида юзага келган сиёсий вазиятга, айниқса Шарқий Қораҳонийлар хоқонлигида бўлиб ўтган ўзгаришларга катта этибор қаратишган. Улар баён қилган воқеаларнинг қисқача мазмuni қуидагилардан иборат.

Юсуф Кодирхон вафотидан (1032 й.) сўнг Қашқар таҳтига марҳумнинг катта ўғли Сулаймон бинни Юсуф ўтирган. Ҳурмат юзасидан уни «шарофатли Сулаймон» деб аташган. Айрим ҳужжатларда унинг маънавий фазилатларига юксак баҳо берилган ҳоллар учрайди. Бироқ амалда Қораҳонийлар хоқонлиги тарихидаги кўп ноҳуш воқеалар ва ички низолар айнан шу Сулаймон бинни Юсуф хукмронлик қилган даврда содир бўлган. Энг катта фожеали воқеа Қораҳонийлар хоқонлигининг шарқий ва фарбий қисмларга бўлиниб кетиши ва Али Тегиннинг Мовароуннаҳр ҳудудида ўзини ҳоқон деб эълон қилиши бўлди.

Сулаймон бинни Юсуфнинг ҳаёти ҳам фожеали тугади. У 1056 йилда ўз қариндоши Муҳаммад бинни Юсуф билан

қилган жангда мағлуб бўлиб, ўлдирилди. Мархумнинг ўрнига Муҳаммад бинни Юсуф хоқон этиб тайинланди ва у Муҳаммад Буғрохон номи билан ҳукмронлик қилди. Аммо у 15 ойдан кейин ўз ўрнини катта ўғли Ҳусайн бинни Муҳаммадга берди. Кўпгина олимлар ушбу янги ҳукмдорни «Девону Луғотит турк»нинг муаллифи Маҳмуд Қошғарийнинг отаси деб ҳисоблади.

Аммо янги хоқоннинг ҳукмронлик даври узоққа чўзилмади. У 1057 йилдаги бир уруш сафарида вафот этган. Мархумнинг ўрнини Юсуф Қодирхоннинг учинчи ўғли Маҳмуд бинни Юсуф эгаллади. Маҳмуд ўз акасининг ўғли Ҳасан билан ҳамкорликда ғарбий Қорахонийлар хоқонлигидан ғарбий Помир баландлигидаги бир заминни тортиб олиб, Қорахонийлар хоқонлигини қайта гуллатиш ниятида Или дарёси водийси, Балқаш кўли ва Олтой тоғи атрофларига қўшин юборди.

Маҳмуднинг хоқонлик даврида хонликнинг амалий ҳуқуқи Ҳасаннинг қўлида бўлган. 1069 йилда Юсуф Ҳос Ҳожиб ўзининг буюк асари «Қутадғу билик»ни ана шу Ҳасанга ҳадя қилган.

Қорахонийлар хоқонлиги икки қисмга бўлинганидан кейинги йилларда Осиёнинг ғарбий ва шарқий қисмларида ғоят муҳим ўзгаришлар юз бераётганди. Бу ўзгаришлар ҳатто Осиёнинг ўрта қисмига ҳам ёйилмоқда эди. Осиёнинг ғарбида салжуқлар 1043 йилда Эроннинг шарқидаги Хуросон ҳудуди билан Хоразм қалъасини ишғол қилиб, салжуқлар хонлигини ташкил қилди. 1055 йилда салжуқлар хонлиги Эронни буткул босиб олди ва Боғдод қалъасини эгаллади. Шундан кейин жанубий Кавказни ўз заминига қўшиб олди. 1071 йилда улар Византия империясини мағлуб қилиб, Кичик Осиё ҳудудини ўзига бўйсундирди.

XI асрнинг 70 йилларидан бошлаб ғарбий ва шарқий Қорахонийлар хоқонликлари заифлаша бошлади. 1072

Йилда салжуқлар Амударёнинг жанубий қирғоғида ғарбий қорахонийлар қўшинини мағлуб қилди. Ўша сафарги жангда салжуқлар хонлиги қўшинининг саркардаси ўлдирилганлиги учун салжуқлар қўшини олға силжимади. 1088 йилда салжуқлар хонлиги Бухоро, Хоразм, Самарканд каби қалъаларни ишғол қилди. Бу билан ғарбий Қорахонийлар хоқонлиги салжуқлар хонлигига солик тўлайдиган мустамлака давлатга айланиб қолди.

Шу даврдан эътиборан Мовароуннаҳдан тортиб, Ўрта денгизнинг шарқий қирғоғигача бўлган оралиқда салжуқлар қурган ва марказлашган ислом давлати вужудга келди. Салжуқлар хонлиги куч-қудратининг камолотга етганлигининг белгиси шуки, улар ислом дунёсининг муқаддас жойлари бўлмиш Макка билан Мадинани бошқариш ҳуқуқини қўлга олишган эди.

X1 асрнинг охирлариға келиб, қорахонийлар хонлигининг ҳуқуқ доираси Торим воҳасининг ғарбий ва жанубий томонидаги ҳудудлар билангина чекланиб қолди.

Ўша замонларда Марказий Осиёда, салжуқларни ҳисобга олмагандан, ҳукм сурган сулола ва хонликлар ичida Ёллуғ Тошин (Елуй Даши) етакчилигига қитонлар (киданлар) ташкил этган ғарбий Ляо (хитой манбаларида Шиляо – 1124-1211)⁹⁷ давлати ҳам бор эди. Чет эл тарихий ҳужжатларида бу давлат «Қорахитой хонлиги» деб аталади. Ушбу давлатнинг Марказий Осиёда пайдо бўлиши

⁹⁷ 1125 йилда Манжурияда янгидан ташкил топган Жин (Jin 金 – 1115-1234) давлати шу заминда мавжуд бўлган Ляо (遼 / 辽) аталмиш қитонлар (рус тилли адабиётларда кидань, хитой манбаларида цидань) хонлигини йўқ қилди. Шундан кейин қитонлар ғарб томонга чекиниб бориб ҳозирги XXРнинг шимолигарбий ҳудудида янги давлат ташкил этган. Хитой манбаларида ушбу давлат «Шиляо» (西遼 / 西辽 – Ғарбий Ляо), мусулмон манбаларида эса Қорахитойлар давлати деб аталади.

бир мунча тарихий воқеаларнинг келиб чиқишига сабаб бўлди.

1123 йилда Ёллуғ Тошиннинг қўшини Қашқарда Қорахонийлар хоқонлигининг охирги ҳоқони Ахмад қўмондонлигидаги қўшинни мағлуб қилиб, Торим воҳасининг жанубида қорахонийларга тобе бўлган заминни босиб олиб, Ғарбий Ляо сулоласи учун мустаҳкам асос яратди⁹⁸. Шундан эътиборан унинг учун Ғарбий Қорахонийлар хонлигига қарши ҳаракат қилишга ва унинг устидан ўз назоратини ўрнатишга қулай шарт-шароит вужудга келди.

3- БОБ. XXР ТАРИХЧИЛАРИ АСАРЛАРИДА ҚОРАХОНИЙЛАР ХОҚОНЛИГИ БОШҚАРУВ ТУЗИМИ ВА ҚУРОЛЛИ КУЧЛАРИНИНГ ТАЪРИФЛАНИШИ

3.1 Бошқарув тузими

Қорахонийлар хоқонлигининг бошқарув тузими⁹⁹ маса-ласи ҳам XXР олимлари тадқиқотларида муҳим ўрин эгаллаган мавзулардан биридир. Уларда баён этилишича, хоқонликнинг олий даражали ҳукмдори хоқон деб, унинг

⁹⁸ Вэй Лянгтао. Қорахонийлар тарихидан баён. 190-б.

⁹⁹ Ушбу масала туркиялик олим Ришот Ганж (1941 йилда туғилган)нинг 1975-1980 йилларда амалга оширган «Қорахонийларнинг давлат ташкилоти» номли тадқиқотида ёритилган. Мазкур тадқиқот 1990 йилда Урумчи шаҳрида уйғур тилида (араб ёзувида) нашр этилган (ҳажми 454 бет). Ушбу китобимизни ёзишда XXР олимлари томонидан нашр этилган асарларни асос қилиб олганлигимиз ва Ўзбекистон ёш олимаси Д.Дутўраеванинг Қорахонийлар хоқонлиги тарихига оид докторлик диссертация устида иш олиб бораётганлиги учун Рашит Ганжнинг мазкур асари ишимизга жалб этилмади.

туар жойи эса ўрда деб номланган, одатда у пойтахтнинг марказида жойлашган. Давлатни идора қилишда хоқонга бевосита ёрдам берувчилар вазир деб номланган. Вазир лавозими одатда юғуриш, ёбғу, тўксин, ҳожиб каби даражаларга бўлинган. Вазирлардан кейин турадиган орган ўрда маҳкамаси деб номланган. Унга қабул қилинганлар маслаҳатчилардан иборат бўлган. Барча вазирларга етакчилик қилиш ва улар устидан назорат ўрнатиш юғуруши деб аталган вазир зиммасига юкланган. Шунинг учун уни вазирлар вазири деб айтиш мумкин. *Юғурушининг мавқеи хоқондан кейин биринчи ўринда турган.*

Вазирларни тайинлаш хоқоннинг ихтёрида бўлган. Хоқон томонидан лавозимга тайинланган одамга инъом этилган мансабга биноан тут (байроқ), ноғора, совут, тўн, миниш учун от ва вазирлик тамфаси тақдим этилган¹⁰⁰.

Вазирлик лавозимига халқ орасидан чиққан билимдон ва донишманд одамлар ҳам тайинланган. Булар хоқоннинг яқин қариндошлари бўлиши шарт бўлмаган.

Қорахонийлар хоқонлигига вазирлар муҳим роль уйнаган. Юсуф Ҳос Ҳожибининг фикри билан айтганда, вазирликка шундай одам тайинланиши керакки, у ақилли, барча иш қўлидан келадиган ва ишни чин кўнгилдан қиласиган, билими кўп, тақводор, ўз ҳаётини тўғрилик билан ўтказадиган одам бўлиши лозим. У ҳаёли, кўзи тўқ, ишончли бўлиши, мол-дунёга хирс қўймаслиги керак. Муҳими – ҳисоб-китобни, ҳар хил ёзувларни биладиган, зехни ўткир, чечан бўлиши лозим. Яхши вазир ҳар доим бир маслаҳатчи бола олади¹⁰¹.

Ушбу фикрни Юсуф Ҳос Ҳожиб қуидагича етказган:

«Ай хон, вазирдир бекнинг қули ҳар замон, керакдур бу бекка вазир, бегумон, вазир яхши бўлса, тинч ухрайди хон.

¹⁰⁰ Ҳожи Нурҳожи. Қадимги уйғурлар ва Қорахонийлар. 298-299-б.

¹⁰¹ Ўша асар. 301-б.

Вазирдир бу беклар юкин йүткүгучи (ташувчи), хонликнинг уясин маҳкам эткучи.

Бунингға сарра-хил тұла эр керак, күнгүл, ақли комил. Куюнса юрак.

Унинг ақли күп бўлса, илми денгиз, бутун иш битирса, қизартса мангиз (юз), эсил ҳам тақводор, ҳам бўлса куни, дўстлик бирла ўткузса куни.

Вазирлик улуғ иш, керак хил (танланган) киши, мукаммал етишган, хуш фейл киши.

Ақллик керак ҳам билимлик керак, силиғлик керак ҳам билимлик керак»¹⁰².

Қорахонийлар саройида *югуруши* деб номланган бош вазирдан кейинги ўринда ҳожиб лавозимини эгаллаган вазир турган. Қадимий туркларда у *таёнғу* деб аталган¹⁰³. Ҳожибнинг асосий вазифаси доирасига хон билан амалдорлар ва улар билан фуқаролар ўртасидаги муносабатлардан воқиғ бўлиб туриш, юзага келган муаммоларни ечишга ҳаракат қилиш, шикоят ёки арз қилгучиларни қабул қилиш ва уларнинг шикоят ёки арзларини тинглаш, шу асосда одилона ҳукм чиқариш, зарур чора-тадбирларни амалга ошириш, керак бўлганда шикоят ва арз қилувчиларни хоқон олдига олиб кириш, чет эллардан келган элчиларни кутиб олиш ва кузатиш, улардан совға-саломлар қабул қилиш ва уларга совға-саломлар топшириш, келган элчиларга зиёфат бериш каби масъулиятлар кирган¹⁰⁴.

Хоқондан кейин учинчи ўринда турадиган лавозим – ёбғу. У унвон тариқасида ҳам қўлланган бўлиб, туркий қавмларнинг бошлиқларига берилган¹⁰⁵.

¹⁰² *Юсуф Хос Ҳожиб*. Қутадғу билиг. Уйғурча нашр. Пекин, 1984. 477-479-б. 2181-2188 мисралар.

¹⁰³ *Ҳожи Нурҳожи*. Қадимги уйғурлар ва Қорахонийлар. 301-б.

¹⁰⁴ Ўша асар. 303-б.

¹⁰⁵ Ўша жойда.

Түксин деб номланган лавозимни эгаллаган киши хондан кейин тўртинчи ўринда турган ҳамда амалдор ва фуқаролар оиласидан қобилиятли ёшларни танлаш, уларни тарбиялаш ва ўқитиш, ишга тайинлаш каби масалалар, яъни маърифат ва маънавият ишлари билан шуғулланган¹⁰⁶.

Хожи Нурхожининг хulosасига кўра, бош вазир (*югурши*), ҳожиб ва *тўксин* лавозимларини эгаллаган кишилар амалда ўша даврдаги давлат ишларини бошқарувчи ҳукумат ёки энг олий органни ташкил этган¹⁰⁷. Уларнинг ихтиёрида 4та девон маҳкамаси бўлган. Булар «тўғро девони», «оғачи» («ағичи»), «қабуғ ил боши» (эшик аға) ва «амри жондор» деб аталган.

«Тўғро девони» ички ва ташқи котибият ишларини, яъни фармон, ёрлик, мактуб ва барча бошқа ҳужжатларни тузиш билан шуғулланган. Шу боис у котибият девони деб ҳам аталган.

«Оғачи» девони ўрдада хазина ишлари билан шуғулланган. Унинг таркибида кирим-чиқимларни, солиқлардан келадиган даромадларни ҳисоблаб турадиган ҳисобчилар, ёзув ишлари билан шуғулланадиган котиблар мавжуд бўлган. Давлатнинг иқтисодий аҳволини таҳлил қилиш ва уни яхшилаш учун тавсиялар бериш ҳам шу девон вазифаси доирасига кирган.

«Қабуғ ил боши» (эшик оға) девонининг вазифаси ўрдада ишлаш учун ходим танлаш, уларни ишлатиш, лавозимларини белгилаш, хизматдан бўшатиш, ўрданинг хавфсизлигини таъминлаш каби мажбуриятлардан иборат бўлган. Хоқоннинг (ўрданинг) озиқ-овқати муаммоларини ечиш, қурол-ярок ишлаб чиқариш, ҳарбий лавозимларга одам танлаш ва улар устидан назорат қилиш ишлари ҳам мазкур девонга юкланган.

¹⁰⁶ *Хожи Нурхожи. Қадимги уйғурлар ва Қорахонийлар.* 303-б.

¹⁰⁷ Ўша асар. 304-б.

«Жандор» девони ўрдани мухофаза қилиш ишлари билан шуғулланган. Унинг бошлиғи одатда «камри жондор» деб номланган.

Кўрсатилган 4 девондан ташқари «салоҳдор» деб номланган амалдор ва унинг маҳкамаси бўлган. Унинг вазифасига қурол-яроқларни сақлаш, асрар, хоқон сафарда бўлганида, унинг туғини кўтариб юриш каби ишлар кирган¹⁰⁸.

Ислом дини Қорахонийлар хоқонлигининг расмий динига айланганидан сўнг «имом маврат» деб номланган девон ташкил этилган. Халқ орасида у жазо маҳкамаси деб ҳам аталган. Ушбу девоннинг бошлиғи «қозикалон» ёки «қозиқуззат» деб аталган. Унинг ёрдамчилари сифатида «муфти» (шариат ҳукмини чиқарувчи), «қози сўроқчи» (тергов ишлари билан шуғулланувчи), «қози раис» (чиқарилган ҳукмни ижро этувчи) каби диний амалдорлар тайинланган ва уларнинг маҳкамалари ташкил этилган. Уларда хизмат қилишга қозилар ва олимлар жалб этилган.

Шаҳар доирасидаги аризаларни кўриш шаҳар қозисига топширилган. Ушбу лавозимга, яъни бир шаҳарга адлия бошлиғи вазифасига одам тайинлашда маҳаллий аҳолининг вакили эмас, балки бошқа шаҳар ёки вилоят вакилларидан одам танланган. Масалан, Табғоч Буғрохон Абу Али замонасида Бухорда туғилган ва яшаган Шайх Имом Абубакри Муҳаммад бинни Абдусамад бинни Исмоил ал-Бухорий исмли бир киши Ёркент қозиси этиб тайинланган.

Пойтахтда ва бошқа йирик шаҳарларда «қози адлия» маҳкамалари ташкил этилган. Маҳкама фуқароларни амалдорлар томонидан зулм остига олишдан ҳимоя қилиш ишлари билан шуғулланган¹⁰⁹. Ҳожи Нурхожининг

¹⁰⁸ Ҳожи Нурхожи. Қадимги уйғурлар ва Қорахонийлар. 305-310-б.

¹⁰⁹ Ўша асар. 310-311-б.

ёзишича, ушбу адлиянинг фаолиятига Қорахонийлар сулоласи катта эътибор берган, зеро давлатни идора қилишда амалдорларнинг ўз мансабини суистеъмол қилиб, халқа зулм ўтказишнинг ва жамиятда ижтимоий кескинлик юзага келишининг олдини олиш масаласи муҳим аҳамият касб этган. Манбаларнинг гувоҳлик беришича, Ғарбий Қорахонийлар хоқонлигининг ҳукмдори Табғоч Буғрохон Иброҳим бинни Носир даврида Сармарқанд ва унинг атрофидаги жойларнинг адлия бошлиғи қилиб Абу Носир Масъуд бинни Аҳмад бинни Исмаил тайинланган. Ана шу зот даврида кўп одилона ишлар қилинган¹¹⁰.

Рисоламизни ёзиш учун асос қилиб олинган хитой ва уйғур тилларидағи асарларда Қорахонийлар давлатининг маъмурий тизимиға алоҳида эътибор берилган. Бу асарларда баён этилишича, мазкур давлатда жорий этилган бошқарув тузими ўзига хос хусусиятларга эга бўлган. Бинобарин, Сомонийлар хонлиги бўйсундирилгандан кейин, Қорахонийлар хоқонлигининг замини мислсиз кенгайган эди. Хонлик бунёд бўлган Марказий Осиё яйловларини ҳисобга олмаганда, Туркистоннинг бир қатор Суёб, Болосоғун, Талас, Чоч (ҳозирги Тошкент шахри), Фарғона, Самарқанд, Бухоро каби машҳур қалъаларининг ҳаммаси қорахонийлар ҳукмронлиги остига ўтган. У Помир тоғларининг шарқидаги, Торим воҳасининг ғарбий ва жанубий бўйларидағи Қашқар, Кучар, Оқсув, Ёркент вилоятларини ўзига тобе қилган эди. Кейинги йилларда диний уруш байроғи остида узоқ муддатли жанглар орқали Ҳўтан вилояти ҳудудини эгаллаб, ўзининг таъсир доирасини Дунгхуанг (Даштота)гача кенгайтирган эди.

¹¹⁰ Ўша жойда.

Қорахонийлар хоқонлиги ана шу кенг ҳудудда ўзининг марказий ва жойлардаги ҳукмронлик аппаратларини тиклаган. Унинг марказий аппаратидаги амалдорлар беш даражага бўлинган. Биринчи даражада турадигани Арслон эди. Бу мансабга эга бўлган шахс олий ҳукмдор ҳисобланган. Ундан кейинги ўринда тургани Буғрохон бўлиб, у хоқоннинг ўринbosари эди. Сутук Буғрохон ҳокимияти даврида олий ҳукмдор мансабининг номи ўзгарган. У олий ҳукмронлик ҳуқуқини Буғрохон деган ном билан амалга оширган¹¹¹.

Иккинчи ўринда турадиганлар бир қатор фахрий унвонларга эга бўлган. Бу унвонлар фақат хоқон жамоатидагиларга берилган бўлиб, улар сиёсий ва иқтисодий имтиёзларнинг рамзи эди. Мовароуннаҳр ҳудуди бўйсундирилганидан кейин, *илекхон* унвони¹¹² жорий этилиб, бу ўзига хос бир хил эгадорчилик тузуми бўлиб қолди.

Учинчи ўринда турганлар муайян мажбуриятларни ўтайдиганларнинг мансаблари бўлиб, уларга ҳам хоқон жамоатининг аъзолари тайинланар эди. Кўриниб турибдики, Қорахонийлар хоқонлигининг ҳукмронлик табақасида ҳам, Уйғур хоқонлиги давридагидек, хоқон жамоатидагилар асосий ўринни эгаллаганлар ва хоқонликнинг ҳукмронлик негизини ҳосил қилганлар.

Тўртинчи ва бешинчи ўринда турган мансабларга хоқон жамоатига ёт кишилар тайинланган.

Олий даражали ҳукмдори хоқон деб номланган. Унинг турар жойи ўрда деб номланган. Давлатни идора қилишда

¹¹¹ Лю Чжиияо. Уйғурлар тарихи. 1-жилд. 326-328-б.

¹¹² Юқорида тилга олинган ўзбекистон олими Ирпан Тухтиевнинг хулосаларига кўра, Носир бинни Али 995 й. Илоқни эгаллагандан кейин у «Илекхон» унвонини қабул қилган [Тўхтиев Ирпан. Қорахонийлар сулоласининг XI асрнинг 1-чорагида зарб қилинган кумуш тангалари. Тошкент, 2015. 30-31].

хоқонга бевосита ёрдам берувчилар вазир деб номланган. Вазир қўл остида хизмат қилувчи амадорлар юғуриши, ёбғу, тўйксин, ҳожиб каби даражаларга бўлинган.

Вазирларни тайинлаш хоқон ихтёрида бўлган. Бу лавозимга тайинланган шахсга туғ (байроқ), совут, тўн, миниш учун от ва вазирлик тамғаси тақдим этилган.

Вазирлик лавозимга одатда халқ орасидан чиққан билимдон ва донишман одамлар ҳам тайинланган.

Қораҳонийлар хоқонлиги ҳукмронлик тизимининг таркибий қисми бўлган жойлардаги маъмурий аппаратлар масаласида Лю Чжишяо қўйидаги фикрларни баён этади.

Қораҳонийлар ихтиёридаги ерлар ва уларнинг хусусиятларига назар ташланса, у кўчманчи чорвадор қабилалар ва дехқончилик қилган аҳолилар teng ҳуқуқли яшаган ҳудуд эканлиги эътиборни жалб қиласди. Чорвадор аҳоли асосан хоқонлик ҳудудидаги тоғли яйлов жойларда яшаган бўлса, дехқончилик билан шуғулланганлар воҳаларда, дарё бўйларида, шаҳарлар атрофида истиқомат қилишган. Бу икки хил иқтисодий асосга мослашган аҳоли ўртасида қуюқ иқтисодий муносабат бўлибгина қолмасдан, балки урф-одат ва психология жиҳатларида ҳам яқин алоқалар бўлган.

Торим воҳасининг жанубий ёқасидаги ерлар билан Мовароуннаҳр ҳудуди шу вақтда дунё бўйича дехқончилик, ҳунармандчилик ва савдогарлик энг тараққий қилган жойларга айланган.

Чорвачилик билан шуғулланганлар қабила бўлиб яшаш ҳолатидаги ва уруғдошлик босқичида бўлиб, улар ўт-ўлан ва сув бор дала ва тоғ ораларида жойдан жойга кўчиб турмуш кечиришган. Лекин улар шаҳар аҳолиси билан яқин савдо алоқалар қилиб туришган.

Хўтандан Бухоро вилоятигача бўлган жойлар дехқончилик ва савдо ишлари ривожланган ҳудуд эди. Бу жойларда ҳукмронлик қилган ҳокимлар ички ва халқаро

савдо ишларига ва улардан солиқ сифатида олинадиган даромадга катта эътибор беришган.

Бундан ташқари, Бухоро, Самарқанд, Фарғона, Қашқар, Ёркент, Хўтан каби жойларнинг мустаҳкам қўрғонларига азалдан муҳим ҳарбий истеҳкомлар сифатида қаралган. Уларнинг таъминоти атрофдаги қишлоқларнинг ривожланишига бевосита боғлиқ бўлган. Шу боис бу шаҳарлар ҳукмдорлари атрофдаги дехқончилик ва чорвачиликка мослашган жойларнинг маъмурий ишларига катта эътибор беришган¹¹³.

Жуғрофик жиҳатдан чорвачилар яшайдиган тоғли ерлар билан дехқончиликка мос ҳудудларининг ўхшамаслик холатини инобатга олиб, корахонийларнинг турли жойлардаги маъмурий курилмаси икки хил тус олди.

Чорва билан шуғулланувчи аҳолининг азалдан ўзларининг ишлаб чиқариш ва турмуш хусусиятларига муносиб бўлган маъмурий бошқариш усули бор эди. Ўйғурларнинг бу усулларни турмуш тарзларига тадбиқ қилиб келаётганига ҳам бир неча юз йил бўлган эди. Қорахонийлар хоқонлиги ҳудудида ҳукмрон бўлганидан кейин, бу анъанавий маъмурий бошқариш усулини ўзгартирмади ёки ўзгартиришни истамади. Яъни бошқарувдаги чорвадорлар ўзларининг асл қабила тузумини сақлаб қолди. Қабила бошлиқлари ўз қабиласидаги ҳукмронлик ҳуқуқини амалга оширишни давом эттирди. Қабиланинг ички ишларини, жумладан можароли масалаларни одилона хал қилиш, жиноятчиларни жазолаш ва шунга ўхшаш бошқарув ишларини уларнинг зиммасида қолдирди. Бу бошқарув усулини воситали бошқарув деб аташга тўғри келади.

Бунинг бадалига ҳар қайси қабила бошлиғи Қорахонийлар хоқонлигининг бошқаришига итоат қилиши ва

¹¹³ Лю Чжишияо. Уйғурлар тарихи. 1-жилд. 328-331-б.

ўрнатилган тартиб ва ҳажмда бож-солиқ тўлаши ҳамда ҳарбий мажбурият ўташи керак бўлган.

Қорахонийлар хоқонлигининг дехқончилик ҳудудларида маъмурий бошқарув тузими чорвадорлар яшайдиган ҳудудларидан тубдан фарқланган бўлиб, бу ҳудудларда бевосита бошқариш тизими йўлга қўйилган эди. Қорахонийлар хоқонлигининг дехқончилик ҳудудларига (Торим воҳасининг жанубий ёқасидаги жойлар билан Мовароуннахр ҳудуди) юборган амалдорлари «бек» деб аталиб, улар тинчликни сақлаш, адлия, бож олиш каби маъмурий ҳуқуқларни амалга оширган. Ҳар бир бек Қорахонийлар хоқонлиги олдида бевосита жавобгар эди. Маъмурий амалдорларни тайинлаш ва хизматдан озод этиш ҳуқуқи хоннинг қўлида бўлган. Шу йўл билан хоннинг бошқариш ҳуқуқи барча дехқончилик ҳудудларига ёйилган¹¹⁴.

Сутук Буғрохон (920-955/956) ҳокимиятга келганидан кейин, Қорахонийлар хоқонлиги марказнинг янги ваколатли бошқарув органларини таъсис қилди. Дастлаб Болосоғунда шимолий ҳудуд бош ҳокимини, Мовароуннахр ҳудуди бўйсундирилгандан кейин, Ўзган қалъасида ғарбий ҳудуд бош ҳокимини тайинлади.

Шимолий ҳудуд бош ҳокимиға бошқарув учун Орол денгизи, Балқаш кўли бўйлари, Еттисув ва Жунғфор текислигининг шимоли ва ғарбидаги яйловлар, ғарбий ҳудуд бош ҳокимиға Фарғона, Самарқанд, Бухоро ва Бадахшон ҳудудлари ажратиб берилди. Торим воҳасининг ғарбий ва жанубий ёқасидаги ҳудудлар қорахонийлар марказий ҳокимиятининг бевосита бошқарувида бўлди.

Ҳар иккала ҳоким хоқон жамоатидагилардан эди. Хорун жамоатидан Али Тегин ғарбий ҳудуд бош ҳокими бўлгунга қадар бу икки вазифага ҳамиша Али жамоатидагилар тайинланиб келган эди.

¹¹⁴ Лю Чжиияо. Уйғурлар тарихи. 1-жилд. 328-331-б.

Қорахонийлар хоқонлигининг маъмурий тизими ҳақида фикр юритилар экан, унинг узоқ муддатли урушлар давомида чиниққан қуролли кучларини эътироф этмай бўлмайди, албатта. Шубҳасизки, айнан шу кучлар хоқонликнинг маълум даврларида давлат мустаҳкамлиги ва фаровошлигининг гарови бўлган.

XI асрнинг ўрталаригача қорахонийлар ҳукмронлари бундай кучли қуролли кучга таяниб, ўзининг кўп сонли душманларини тизгинлаб турган эди. «Девони Луғатит турк»нинг маълумотларига қараганда, қорахонийлар қўшини ташкилий жиҳатдан анча мукаммал бўлган. Мукаммал ҳукмронлик тизими ҳуқуқни марказлаштириш учун қулай шароит яратиб берган. Ҳуқуқнинг марказлаштирилиши хоқонликнинг дипломатик фаолиятларида яққол ифодаланади.

1009 йилда Қорахонийлар хоқонлиги этник келиб чиқиши уйғур бўлган Ризвон (хитой манбаларида Луосивэн / Luosiwen 罗斯温) исмли зодагон бошчилигидаги элчилар гуруҳини Сунг сулоласи саройига совға-салом етказиш учун жўнатди. 1063 йилда Сунг сулоласи Қорахонийлар хоқонлигининг ҳукмдорига «садик, итоаткор олтин қанот қораҳон» деган унвон тақдим этди. Хитой императорларига хос анъанага кўра, бундай унвон инъом этиш Сунг сулоласи қорахонийлар сулоласига тенг ҳуқуқли деб қарамаслигини, аксинча Хитойга итоаткор деб тушунишини билдиради.

1085 йилда Қорахонийлар хоқонлиги билан Сунг сулоласи орасида кенг кўламда от савдоси олиб борилди, унда Қорахонийлар хоқонлиги 1 миллион 200 минг тизиқ танга (хитойча чян / qian 錢 / 钱 – ўртаси тўрт бурчак тешиги бор мис тангалар) пайдо килди.

Қорахонийлар хоқонлигининг халқаро муносабатлар бўйича фаолиятида унинг қадимги Хитой (ўрта Жунгуо) ҳудуди билан бўлган алоқаси алоҳида эътиборга сазовор.

Бу алоқалар икки тарафнинг сиёсий, иқтисодий муносабатларидан ташқари психологик ҳиссиёт жиҳатдан ҳам ифодаланди. Масалан, Қорахонийлар хоқонлигининг ҳукмдорлари ҳамон ўзларига «табғач», «тамғач» деган фахрий унвонни бериб келди. Шимолий ҳудуддаги кўчманчи чорвачилар шу сўз билан ўрта асрлардаги Хитой (ўрта Жунггуо) ҳудудини кўрсатади. Унинг кенгайтирилган маъноси «Жунггуо» деган Қорахонийлар хоқонлиги даврида қўйилган пуллардан маълум бўлишича, ўзига тавғач деган фахрий номни берувчилар Ахмад бинни Али, Али Ҳасан (Али Тегин), Иброҳим бинни Носир, Ҳасан бинни Сулаймонлардан иборат эди.

XXР олимларининг Қорахонийлар хоқонлиги тарихга оид асарларининг айримларида мазкур давлатнинг адлия масалалари, жумладан қонуннинг бажарилишини таъминлаш аппарати ҳақида ҳам тўхтаб ўтилган. Масалан, Ҳожи Нурҳожи ўзининг «Қадимги уйғурлар ва қорахонийлар» номли асарида ёзишича, ислом дини расмий давлат динига айлангандан кейин «диний адлия муассасалари» ташкил этилган. Булар орасида юқори ўринда турадигани «И мом маврат» (سَمَام مَهْوَرَةٌ) маҳкамаси (халқ орасида «жазо маҳкамаси» деб ҳам аталган) эди. Унинг бошлиғи «қозикалон» (قازى كاڭان) ёки «қозиқуззот» (قازى قۇززات) деб номланган. Бошлиқ итоатида ўринбосар, ҳукм чиқарувчи, қозисўроқчи (сўров ишлари билан шуғулланувчи қози), қозираис, ижроия ва тафтиш бўлими хизматчиларидан иборат амалдорлар мавжуд бўлган. «И мом маврат маҳкамаси» бошлиғи ёнида қозилар ва олимлардан иборат маслаҳат кенгаши фаолият кўрсатган. Булардан ташқари, Қорахонийлар хоқонлигининг пойтакти ва йирик шаҳарларда адлия муассасалари ташкил этилган. Даъво ишларини бошқариш ва ҳукм чиқариш ишлари «И мом маврат» маҳкамаси тайинлаган қозиларга топширилган. Давлат ходимларининг халққа зулм

ўтказишининг олдини олиш ишларига катта эътибор берилган, қонунларнинг ижросини тўғри амалга ошириш, қозиларнинг одилона иш тутишини ишлаб чиқарувчи ва савдогарларнинг жавобгарлигини ошириш масалалари қаттиқ назорат қилингандан¹¹⁵.

3.2. Қуролли кучлари

Қорахонийлар хоқонлигининг қуролли кучи масаласи тарихий адабиётимизда яратилмаган масалалардан бири ҳисобланади. Хитой манбаларида ҳам бу ҳақида маълумот келтирилмайди, ҳар ҳолда ҳозиргача учратганимиз йўқ. Яқинда уйғур олими Ҳожи Нурҳажининг араб алифбосига асосланган уйғур тилида нашр этилган «Қадимги уйғурлар ва қорахонийлар» номли асари билан танишишга мұяссар бўлдик. Асарнинг учинчи боби «қорахонийлар давридаги ҳарбий қўшин» деб номланган. Маълум бўлдики, ушбу бобда келтирилган маълумот мана шу номаълум бўлиб қолган масалага бир оз аниқлик киритади.

Аввало айтиб ўтиш жоизки, Ҳожи Нурҳажи Қорахонийлар хоқонлигининг қуролли кучи масаласини ёритишида Маҳмуд Кошғарийнинг «Девони луғатит турк» ва Юсуф Хос Ҳожибининг «Қутадғу билик» асарларини асос қилиб олган. Шу билан бирга муаллиф қўшимча адабиёт сифатида 1943 йилда Истанбулда нашр этилган ва Қавмаддин Бўдислон қаламига мансуб бўлган «Ирокда Хуросон салжуқларининг тарихи» ва турк тилида чоп этилган Притсавнинг «Қорахонийлар»¹¹⁶ каби китоблардан фойдаланган.

Ҳожи Нурҳажи асарида ёзилишича, Қорахонийлар сулоласи армияни кучайтириш, унга раҳбарлик қилиш ва

¹¹⁵ Ҳожи Нурҳожи. Қадимги уйғурлар ва қорахонилар. Урумчи, 2001. 310-313.

¹¹⁶ Китобнинг қачон ва қаерда нашр этилганлиги кўрсатилмаган.

уруш тарихини ва қонуниятларини ўрганиш масаласига қаттиқ эътибор берган. Шу билан бирга ҳарбий қўшинларга раҳбарлик қилувчиларга қўйилган талаблар ишлаб чиқилган. Мазкур талабларга кўра, қўмондонлар ўзлари қаттиқ интизомлик, довюраклик, кучлик, қобилия-тлик, қуролларни яхши билишдан ташқари ўқимишлиқ ва ҳарбий билимнинг устаси бўлмоғи лозим бўлган.

Юсуф Хос Ҳожибнинг сўзи билан айтганда, бир ҳарбий қўмондон учун чаққонлик, жасоратли, тажрибали, фаросатли, гапида туришли, юракли бўлиш кифоя қилмайди, у душманнинг аҳволини ўрганиши ва яхши билиши, сиёсий ва ҳарбий вазиятдан тўла хабардор бўлиши, қўл остидаги қўшинни оқилона ишлата билиши, қўшинларни жойлатиришда яхши жой танлашни билиши, уларга меҳрибон бўлиши лозим бўлган. Қўмондонлардан лашкарларни ўзига ишонтира билиш, бунинг учун яхши муомалали, юмшоқ қўнгилли бўлиш, уришда жасорат кўрсатиш, зарур бўлганда ҳийла ишлата билиш, ўзининг оиласи ва болалари манфаатларини кўзлаб давлат манфаатини ва қўл остидаги одамларни сотмаслик каби фазилатлар талаб этилган. Бу борада «Қутадғу билик»да «қўмондон мол мулк орқасида юрмаслиги, пул йиғмаслиги лозим. Шунда у ўз атрофига мард йигитларни тўплай олади, улар эса урушда азиз жонларини фидо қиласи. Қўмондон мағрур бўлса, душман олдида мағлуб бўлади» деб ёзилган¹¹⁷.

Қораҳонийлар хоқонлигига мавжуд бўлган одатга кўра, хоқоннинг ўзи ёки унинг ўғли бош қўмондон лавозимига тайинланган. Армия «сув, бош қўмондон эса «сув боши» деб номланган. Ҳар бир 4 минг киши «бир қўшин», 12 минг киши «чўнг қўшин» (катта қўшин) деб аталган¹¹⁸. Бош қўмондон ўзи учун турар жой, яъни «ўрдагоҳ» танлашда

¹¹⁷ Ҳожи Нурҳажи. Қадимги уйғурлар ва қараҳонилар. 327-б.

¹¹⁸ Уша жойда. 322-323-б.

қўшинларни олиб келиш ва тарқатиш учун қулай жой танлай олиши муҳим вазифалардан бири деб қаралган.

Қорахонийлар сулоласи қўшинларининг тартиб интизоми масаласига қаттиқ эътибор берган. Айниқса қўмондонлар тайинлашда юқорида келтирилган фазилатлардан келиб чиқиш шарт бўлган. Мамлакатда жорий этилган қонун-қоидаларга кўра, тинчлик даврида мунтазам хизматдаги армия сони кўп бўлмаган, аммо унинг жанговорлигини оширишга эътибор берилган. Уруш даврида армиянинг сони кўпайтирилган, уруш тугагандан сўнг қўшимча сафарбар қилинган аскарлар уйига қайтарилиган¹¹⁹. Мунтазам армия қалъаларни ҳимоя қилувчи, хоқонни ҳимоя қилувчи (йиртиғ), душманга кечаси зарба бирувчи (ақинчи), душманинг ички аҳволини кузатувчи (йизак) ва маълумот олиш мақсадида душман одамларини тутиб келувчи (тутқоқ), кечаси соқчилик қилувчи (ётқоқ), кундузи соқчилик қилувчи (турғоқ) каби қисмлардан иборат бўлган¹²⁰. Қуролли кучлар марказий ўрдани ҳимоя қилувчи, давлат ихтиёридаги мунтазам армия, қорахонийлар сулоласи аъзоларига, ҳокимларга (волийларга) ва бошқа юқори даражали амалдорларга тегишли қўшинлар, қабилалар бошлифи ихтиёридаги ҳарбий қисмлар кабиларга бўлинган¹²¹.

Қорахонийларнинг ҳарбий қисмларида ўнлик тизими жорий этилган. Чунончи улар ичидаги энг кичик бирлик «ўтак» деб аталган бўлиб, у 10 кишидан иборат бўлган ва бир чодирга жойлаштирилган, бу қисмнинг бошлифи эса «ўтоқбоши» деб номланган. Бир неча ўтоқга раҳбарлик қилган киши «хойил боши» деб аталган. Кўп ҳолларда 10 ўтоқ бир қисмни ташкил қилган бўлиб, бунинг

¹¹⁹ Ҳожи Нурҳажи. Қадимги уйғурлар ва қараҳонилар. 338-б.

¹²⁰ Ҳожи Нурҳажи. Қадимги уйғурлар ва қараҳонилар. 323-339, 357-б.

¹²¹ Ўша асар. 314-б.

таркибидаги аскарлар сони 80 кишидан кам 100 кишидан кўп бўлмаслиги белгиланган. Бундай қисмга етакчилик қилган амалдор «ўн ўтоқ боши» деб номланган бўлиб, унинг қорамоғида «юзбоши», «юзлар амир боши» унвонларида хизмат қилувчилар бўлган¹²².

Уруш даврида қўшинлар «ўнг қўл қўшин», «сўл қўл қўшин», «ўрта саф» ва «орқа саф» каби қисмларга бўлинган. Булар маълум бир тартибда ва аниқ белгиланган ўринда туриб ҳаракат қилган. Буларнинг озиқ-овқат таъминоти билан махсус қисмлар шуғулланган бўлиб, бу масаланинг яхши бажарилиши ғалабанинг асоси деб танилган¹²³.

Урушда қаҳрамонлик кўрсатган ёки катта ғалабага эришган қораҳонийлар хоқонларига «буғроҳон», «буғроқораҳон» ёки «тунга-хон», Қораҳонийлар сулоласи ҳокимиятини кучайтиришда хизмат кўрсатган ёки ташқи сиёsatда, иқтисодий ва маданий ишларда фаол ва ғалабали ҳаракат қилган хоқонларга эса «қодир-хон» унвонлари берилган. Жангда жасорат кўрсатганларга «қилич-хон» ёки «сўкман» (душман сафини ёриб ўтиш маъносини билдиради), «тунго-текин», «алип-текин», «ёрғон-текин» унвонлари берилган. Давлат ишларида хизмат кўрсатган шахслар «кул-билгахон», хон ўрдасида хизмат кўрсатганлар эса «бош ҳожиб» унвонлари билан мукофотланган¹²⁴. Барча амалдорлар, жумладан ҳарбий амалдорлар ўз мансаблари учун белгиланган кийим кийишлари, мактуб йўллашда тузилган матнга ўзларининг тамғаларини босиш шарт эди. Тамғаларда эса эгасининг исми, мансаби ёзилган ва улар хоқон томонидан тақдим этилган¹²⁵. Барча ҳарбий амалдорларнинг маоши бошқа амалдорлар сингари маълум

¹²² Ўша асар. 340-341-б.

¹²³ Ўша асар. 342-б.

¹²⁴ Ҳоҷи Нурҳажи. Қадимги уйғурлар ва қараҳонилар. 358-б.

¹²⁵ Ўша асар. 359-б.

қонун-қоида асосида белгилан бўлиб, унинг ўсиши ёки камайиши мансаб ва лавозимнинг ўзгаришига, қўрсатган хизматига боғлиқ бўлган.

Қорахонийлар давлатида ҳарбий ишлар билан шуғулланадиган маҳсус девон таъсис этилган бўлиб, у «ҳарбий девон» деб номланган. Мазкур идора ҳарбийларни тизимлаш, уларнинг маошларини белгилаш ва тарқатиш, лавозимларнинг ўзгариши билан боғлиқ бўлган барча расмиятлар билан шуғулланиш, қурбон бўлганларни рўйхатдан чиқариш ва янгиларни рўйхатга ўтказиш каби ишлар билан шуғулланган. Бундан рўйхатлар учун тутилган дафтар «ой-бутуки» ёки қисқартирилган шаклда «ой» деб аталган¹²⁶.

Аскарликка одам олишда диний эътиқод масаласига эътибор берилган ва уларнинг барча ҳаракатлари шариат талабларига биноан баҳоланган. Аскарликка одам олиш мажбурий ва танлов асосида амалга оширилган, аммо ҳарбий хизматга жалб этилганларга ойма-ой маош тўланган. Ҳожи Нурҳожининг ёзишича, шу даврдаги салжуқийларда ўрда аскарларига тўрт ойда бир марта ойлик тўланган эди. Ойма-ой маош тўлаш қорахонийлар қўшинларининг жанговорлик руҳини мустаҳкамлашга ижобий таъсир қўрсатган¹²⁷.

Қорахонийлар қўшинларида 9 хил түғ ишлатилган. Бу хақида Маҳмуд Қошғарий «түғ алам демактур, туққиз туғлик хон дейилади, майли вилоят қанча кўп бўлсин, мартабаси устин бўлсин, түғ тўққиздан ортиқ бўлмайди. Чунки 9 сони хосиятли бўлади», деб ёзган¹²⁸. Туғларнинг

¹²⁶ Ўша асар. 316-б.

¹²⁷ Ҳожи Нурҳажи. Қадимги уйғурлар ва қараҳонилар. 317-б.

¹²⁸ Маҳмуд Қашқарий. Туркий тиллар девони. З жилдан иборат. Урумчи, 1994. З-жилд, 176-б.

ранги сарғиш қизил (оч қизил) бўлган ва ипак ёки пахтадан тўқилган матодан тайёрланган¹²⁹.

Хожи Нурҳожининг хулосасига қараганда, қораҳонийлар даврида жорий этилган ҳарбий тузилма ва унвонлар Ҳун ва Турк хоқонликлари давридаги анъаналардан деярли фарқ қилмаган. Биргина бир неча ўтоқقا, яъни бир неча 10 кишидан иборат бўлган ҳарбий қисмга раҳбарлик қилган «ҳойил боши», қисқача «ҳоил» унвони қораҳонийлар ислом динини қабул қилганларидан сўнг жорий этилган¹³⁰.

Қораҳонийлар турли жойларга жойлаштирилган ҳарбий қисмлар аро алоқа ишларига катта эътибор берган. Бу борада алоқаларни икки хил услугуб билан амалга оширишган. Буларнинг бири тез чопар отлар ёрдамида, иккинчиси, баланд тоғ чўққииларига ва тепаликларга қурилган миноралар устига олов ёкиш билан (қурғуй, қарғу) амалга оширилган¹³¹. Ҳарбий тактика масаласида пистирма қўйиш (бисди), душманга ёлғон хабар етказиш, ҳарбий қисмлар жойлашган ерларни баланд деворлар (ўқакли сипил) билан ўраб олиш, деворлар устига кузатиш минораларини (ўгак) барпо этиш ишларига катта эътибор берилган¹³².

Вэй Лянгтаонинг ёзишича, Қораҳонийлар хоқонлигида тоғли ва қаттиқ қиши бўладиган ҳудудларга жойлаштирилган ҳарбий қисмларни эсон-омон қишдан чиқариши масалаларига ҳам катта эътибор қаратилган. Совуқ қаттиқ бўлганда уларни вақтинча шаҳарлар ёнида жойлаштириш амалиётидан фойдаланишган¹³³.

Қораҳонийлар давлатида ишлатилган қурол-яроқлар асосан ўқ-ёй, қилич, болта, найза, темир тўқмоқ (басу

¹²⁹ *Хожи Нурҳажи*. Қадимги уйғурлар ва қараҳонилар. 356-357-б.

¹³⁰ Ўша жойда.

¹³¹ Ўша асар. 339-б.

¹³² Ўша асар. 338-б.

¹³³ Вэй Лянгтао. Калаханъ вангчо шигао. 133-б.

гурза), ханжарлардан иборат бўлиб, булар хужум қуроллари деб ҳисобланган. Металлдан қилинган совут (ёриқ), дубулға (металлдан қилинган қалпок) ва қалқон ҳимоя қуроллари қатори сифатида ишлатилган. Ушбу қуроллар ичида қилич билан болтага катта аҳамият берилган. Дубулға кийган киши баъзан «яшук» деб номланган бўлиб, уни кийганда бош оғримаслик учун уни кийишдан аввал бошга жундан тўқилган қалпок кийилган. Бундай жун қалпок «кадук» деб аталган.

Уруш даврида жангчилар ва қўмондонлар устига кийиб оладиган совутнинг шакли ҳар хил бўлиб, у майда ҳалқачалардан, занжирлар, тангасимон металл парчаларидан қилинган. Бундай совутлар шаклига қараб ҳалқа совут, занжир совут (ўрма ёриқ), танга совут (сой ёриқ) деб аталган. Совут кийган жангчи «ёриқлиқ ар», киймаган киши «бошнақ ар» деб номланган¹³⁴.

Ўқ-ёй учун ишлатилган ўқ ёғочдан маҳсус асбоб ёрдамида текис ва силлиқ қилиб ясалган. Ўқ учига (башок) металлдан қилинган анъанавий ва маҳсус яғочдан қилинган оқ учи бекитилган. Ўқнинг охириги қисмига қуш пати ёпишириш услуби билан отганда овоз чиқарадиган ва овозсиз ўқлар ишлаб чиқарилган. Овозлик ўқлар душманни қўрқитиш ёки унга ваҳима солиш учун, овозсиз ўқлар эса душманга туюқсиз зарба бериш ва ўқнинг қаердан келганлигини сездирмаслик учун ишлатилган¹³⁵.

Найзаларнинг учи (башақ) япалоқ ва узун учлик қилиб пўлатдан ясалган. Қорахонийлар ишлатган қилич юқори сифатли пўлатлардан ва туркий ҳалқларга анъанавий бўлган шаклда ясалган. Айрим ҳолларда қилич сопи тилла билан безатилган. Қилични асраш ва уни доим ялтиратиб туриш унинг эгаси учун шарт бўлган. Қиличларни ялтиратиш маҳсус модда ёрдамида амалга оширилган.

¹³⁴ Ҳожи Нурҳажи. Қадимги уйғурлар ва қараҳонилар. 353-354-б.

¹³⁵ Ўша асар. 344-346-б.

Қорахонийлар даврида «қилич қамчи» номли яна бир қурол иштилғанлиги маълум¹³⁶. Аммо бу қуролнинг аниқ шакли сақланмаган. Мавжуд тахминларга кўра, қамчи учиға ўткир тиғ жойлаширилган.

Қорахонийлар сулоласининг ҳарбий қисмларида сир сақлаш, душман айғоқчиларнинг пинҳоний кириб келишининг олдини олиш, душман ҳудудида ўз одамларини таниб олиш, урушга тайёргарлик кўрилиётганда ўз одамларини танимай қолмаслик учун пароль масаласига катта эътибор берилган ва бу ҳам маълум даражада қурол деб танилган. Пароль сўзи эса «им»¹³⁷ деб номланган. Им тез-тез ўзгариб турган ва у ниҳоятда махфий сақланган.

Юкорида келтирилганлар асосида хулоса қилиб айтиш мумкинки, Қорахонийлар хоқонлигининг ҳарбий кучи ёллаш (наём) асосида шакллантирилган. Шу билан бирга уларда асрлар давомида туркий халқларда мавжуд бўлган анъаналар сақланиб қолган. Жангчиларни ватанпарварлик, мол-дунёга берилмаслик ва сотқинликка мойил бўлмаслик руҳида тарбиялашга қаттиқ эътибор берилган.

Ишлатилган асосий қуроллар қилич, болта, ханжар, найза, ўқ-ёй, ҳимоя воситалари эса қалқон, совут ва дубулға (пулат қалпок) бўлган.

Хоқон бош қўмондон ҳисобланган. Давлатнинг мунтазам армиясидан ташқари, ҳоқон авлодлари, ҳокимлар, йирик амалдорлар ва қабилалар бошлиқлари ихтиёрида ҳам ҳимоя билан шуғулланувчи ҳарбий қисмлар бўлган.

¹³⁶ Ўша жойда. 355 бет.

¹³⁷ Ҳозир им сўзи ўзбек тилида бош иргитиб ёки юз, кўз, қош, қўл ҳарикати билан қилинган ишора маъносида ишлатилади (Ўзбек тилининг изоҳли луғати. 2 жилдли. Москва, 1981. 1-жилд, 324-б.).

4-БОБ. XXР ОЛЛИМЛАРИ ҚОРАХОНИЙЛАР ХОҚОНЛИГИНИНГ ИҚТИСОДИЙ-МАДАНИЙ ҲАЁТИ ВА ХИТОЙ БИЛАН АМАЛГА ОШИРГАН АЛОҚАЛАРИ ҲАҚИДА

4.1. Иқтисодий-маданий ҳаётнинг акс эттирилиши

XXР олимлари Қорахонийлар хоқонлигининг иқтисодий ривожланиши ва ер эгалиги масалаларини тадқиқ этишга ҳам эътибор қаратган. Уларнинг бу борада илгари сурган хулосаларига кўра, ушбу «хоқонликнинг ҳудуди ғарбда Қорақум чўлидан шарқдаги Лобнор кўлигача, шимолда Балхаш кўлидан жанубдаги Амударёгача бўлган ўлкан заминни ўз ичига олган. Хоқонликнинг мавжуд бўлган даври 840 йилдан 1212 йигача чўзилган. Аҳолининг этник таркиби ҳам мураккаб бўлиб, уларнинг бир қисми туркий, яна бир таркибий бўлаги форс ва араб тилларида сўзлашган. Бундан ташқари, уларнинг ижтимоий ҳаёти бир хил бўлмаган... Улар яшаган жойларнинг географик шароити, иқтисодий асослари, қонун қоидалари ҳар хил бўлган. ...Бу ҳол ҳоқонликнинг иқтисодий ривожланишини мураккаблаштирган»¹³⁸.

Қорахонийлар ҳукмронлиги даврида Туркистонда миграцион жараёнлар ниҳоятда кучайган. Илгари чорвачилик билан шуғулланган ва уйғур деб номланган қабилалар иттифоқи таркибига кирган кўпгина туркий қабилалар Еттисув, Тангритоғ ва Олтой тоғлари этакларидаги ва уларнинг атрофидаги яйлов жойлардан Туркистоннинг шаҳарларига ва дехқончилик ҳудудларига кўчиб келган. Шу сабабли буларда чорвачиликдан дехқончиликка ўтиш жараёни кузатилган ва шу туфайли

¹³⁸ Вэй Лянгтао. Калахан вангчао шигао. 156-б.

уларнинг ижтимоий турмушкига янги мулкчилик шакли кириб келган¹³⁹.

Бу ўзгариш уларнинг дехқончиликка мос бўлган худудларга эга бўлиш билангина эмас, балки ижтимоий турмуш даражасининг яхшиланиши билан бевосита боғлик бўлган эди. Еттисувда истиқомат қилган пайтларда жануб томондаги дехқончиликка асосланган ишлаб чиқариш муносабатлари ва турмуш шакли уларнинг ижтимоий турмушининг ҳар бир соҳасига кириб борган. Помир фарбида яшаётган туркий қабилаларни энг аввало дехқончиликка хос афзалликлар ўзига жалб қилган. Жумладан, уларни муҳим дехқончилик махсулотлари, ўтрок ва ҳашаматли турмуш тарзи, қулай атроф муҳит қизиқтирган. Бу жиҳатлар туркий қабилаларнинг тафаккурига, руҳиятига ва урф-одатларига таъсир кўрсатган.

Помирнинг фарбида Қораҳонийлар давлати ташкил топишидан илгари мавжуд бўлган ерга эгадорлик қилиш тузуми сақланиб қолди. Қораҳонийлар ернинг бир қисмини хон жамоатидагиларга насабли замин қилиб берди. Бундай ерларга эга бўлганлар «иликхонлар» деб аталган. Қолган қисми Сомонийлар хонлигининг тузуми бўйича, «икта» номи билан уйғур зодагонларига ва бошқа чорвадор қабилаларнинг бошлиқларига умрбод замин қилиб берилган.

Насабли ва суюргол ерларга эга бўлганлар маълум шартларни бажарганларидан сунг, яъни сиёсий, иқтисодий ва ҳарбий мажбуриятларни ўз зиммаларига олгандан кейингина ўз ерларидан баҳраманд бўла олганлар. Улар орасидаги фарқ шундан иборат бўлганки, илекхонларга берилган ерларга уларнинг бола-чақалари ворислик қила олган ва олинган нараб ерлар доирасида ер эгалари бож олиш, сўрок қилиш хуқуқига эга бўлган. Лекин уларга ўз

¹³⁹ Лю Чжиияо. Уйғурлар тарихи. 334-339-б.

худудлари доирасида қўшин ташкил қилиш ва маъмурий аппаратларни тузиш мумкин бўлмаган¹⁴⁰.

«Икта» (*iqta'*) шаклдаги ерларга¹⁴¹ эга бўлганларнинг бола-чақалари берилган ерларга бевосита ворислик қилолмаганлар. Маълум бир вазиятда ворислик ҳуқуқига эга бўлиш учун ҳукumatнинг рухсатини олиш шарт бўлган.

Қорахонийлар давлати аҳолисининг катта бир қисми чорвачилик билан боғлиқ бўлганлиги учун хоқон жамоатидаги амалдорларга ер ва сувдан ташқари яйлов ҳам тақсимлаб берилган.

Шулардан хulosса қилса бўладики, илекхон ва икта каби ер тақсимотлари Қорахонийлар хоқонлигининг Марказий Осиё яйловларида ва Мовароуннаҳр ҳудудида ер, сув ва яйловларга эгадорлик қилишнинг асосий шакли бўлиб қолган.

Насабли ерларни эгаллаган илекхонлар билан икта ерларини эгаллаган амалдорлар бир тараф бўлиб жамиятдаги мулкдорлар лагерини, якка дехқонлар билан ижаракашлар эса камбағаллар лагерини ташкил қилган.

Биринчи лагер сафини таркибида Қорахонийлар хоқонлигининг хоқон жамоати, уйғур ва қарлуқ амалдорлари ҳамда бошқа ер эгалари тўлдирган. Иккинчи лагер эса барча аҳоли, қабила ва уруғларга тобе бўлган меҳнаткаш фуқаролардан иборат бўлган.

Қорахонийлар хоқонлигининг иқтисоди дехқончиликдан бошқа савдо, кончилик ва қўл ҳунармандчилик соҳаларидан ташкил топган эди.

Қорахонийлар хоқонлигининг сиёсий ва ҳарбий ғалабалари ҳозирги Марказий Осиё давлатлари худуди

¹⁴⁰ Ўша жойда.

¹⁴¹ Вэй Лянгтаонинг тушунтиришига кўра, «икта» (арабчада *иқто* / *iqta'*) сўзи VIII-IX асрларда пайдо бўлган бўлиб, у бўлиб берилган ерлар маъносини англатган [Вэй Лянгтао. Калаханъ вангчао шигао. 167-б.].

билин Торим воҳасининг жанубидаги кенг заминни яхлитликка олиб келган ва бу ҳудудларнинг савдо соҳасидаги ривожланиши учун ишончли бозор ва тинч муҳит яратиб берган.

Қораҳонийлар хоқонлиги даврида металлдан қилинган пулларнинг, яъни тангаларнинг кўп микдорда зарб қилинганлиги ўша замонда савдо ишларининг ниҳоятда авж олганлигидан нишонадир. Бу пулларнинг дунёдаги кўп жойларидан, жумладан Волга дарёси, Қора денгиз бўйлари, Нил дарёси атрофидан топилғанлиги Қораҳонийлар хоқонлиги ҳудудидан йўлга чиққан савдо карвонларининг мунтазам қатнаб турганлигидан, Хитойдаги Сунг сулоласи, Ляо деб номланган қорахитойлар давлати, Шичжоу уйғур хонлиги, Фарс, Шарқий Рим империяси, Рус князликлари, ҳатто Миср каби жойлар билан ҳам савдо-сотик муносабатларининг ривожланганидан далолат беради.

Қораҳонийлар хоқонлигига савдо ишларининг ижтимоий ҳаётдаги ўрни Юсуф Хос Ҳожибининг «Қутадғу билик» асарида ҳам акс эттирилган. Асар муаллифи савдо билан шуғулланганларга ҳурмат билдириш билан бирга одамларни улар билан инок бўлишга, уларга ўз эшикдарвозаларини кенгроқ очиб беришга ундалан.

Савдо-сотик ва саноат турларининг ривожланиши шаҳарлар барпо бўлишининг асосий мезони бўлган. Чорвачилик турмушига одатланган амалдорлар учун шаҳарлар янги ҳаёт белгиси эди. Яйловлардан шаҳарларга кўчиб келувчиларнинг сони кўпая бошлади. Бу ҳол шаҳар аҳолисининг тез кўпайишига, қурилиш ишларининг ривожланишига туртки бўлди¹⁴².

Савдо ишларининг янада гуллаб-яшнаши шаҳарларнинг моддий ва маънавий турмушини бойитди ва жонлантириб юборди. Торим воҳасидаги Қашқар, Яркан,

¹⁴² Лю Чжиияо. Уйғурлар тарихи. 334-339-б.

Хўтган ҳамда Сомонийлар хонлигининг кейинги даврларида юз берган урушлар натижасида вайрон бўлган Бухоро, Самарқанд, Фарғона каби шаҳарлар тикланди ва янада ривожланди. Савдо ишларининг тараққиёти билан уйғунлашиш мақсадида бу шаҳарлар ўртасидаги қадимий савдо йўлларида янги карвонсарой ва ўтовлар пайдо бўлди.

XXР олимларининг ёзишича, Қорахонийлар хоқонлиги даврида пахтачилик, тўқимачилик, кончилик, металлургия, шаҳар қурилиши, кўл ҳунармандчилиги каби соҳалар юксак даражада ривожланган. Бу эса давлатнинг халқаро савдодаги мавқеини баланд кўтарган¹⁴³. Мазкур хоқонлик замонасида пахтадан тўқилган гуллик матолар Хитойга экспорт қилинган¹⁴⁴.

Вэй Лянгтаонинг таърифлашича, Қорахонийлар хоқонлигига кўл ҳунармандчилик соҳасида заргарлик, тўқимачилик, ойна, сопол ва шиша идишлар, эгар-жабдуқ, қофоз, гилам ишлаб чиқариш юксалган. Самарқанда ишлаб чиқарилган «самарқанд қофози» ниҳоятта машҳур бўлган. Кончилик соҳасида, олтин қазиб чиқаришда Зарафшон дарёсининг юқори оқими атрофи машҳур бўлган. Кончиликда қудук кавлаб ер остидан маъдан олиш услубидан фойдаланилган. Айрим қудуқларнинг чуқурулиги 156 метргача етган¹⁴⁵.

Ушбу олимнинг таъкидлашича, Қорахонийлар суоласи ҳукмронлиги даврида шаҳарсозликнинг ривожланида ўзига хос анъаналар пайдо бўлган. Бир томондан янги шаҳарларнинг пайдо бўлиши ҳисобига мамлакатдаги шаҳарлар сони кўпайган. Иккинчи томондан, катта қурилишлар бўлгани туфайли мавжуд шаҳарларнинг кўркамлиги ошган ва доираси кенгайган. Учинчи

¹⁴³ Вэй Лянгтао. Қорахонийлар тарихидан баён. 282-325-б.

¹⁴⁴ Ўша асар. 290-б.

¹⁴⁵ Вэй Лянгтао. Калаҳан вангчао шигао. 179-190-б.

томондан, зодагонларнинг, бойларнинг ва савдогарларнинг гўзал иморатлари билан тўлган кўчалар қаторида, уйлар зич жойлашган дараҳтсиз тор кўчалар пайдо бўлган.

Катта шаҳарлар ички шаҳар (шаҳристон), шаҳар чеккаси ва ташқариси каби қисмларга ажратилган. Шаҳар аҳолисининг жойлашуви ҳам уларнинг иқтисодий ҳолати билан боғлиқ бўлган. Йирик шаҳарлар, жумладан Самарқанд аҳолиси нуфузи 500 мингга етган. Шаҳарларда ички ва халқаро савдо ишлари учун зарур шароитлар яратилган¹⁴⁶.

XI асрнинг биринчи ярмида Қораҳонийлар хоқонлиги ижтимоий ҳаётининг издан чиқиши кузатилди. Бу оғир ҳодиса илекхон ва икта тизими йўлга қўйилган Туркистон ҳудудида айниқса сезиларли бўлди. Шартли бўлган икта ерлар хусусий мулкка айланиб, қораҳонийлар хонлигининг бу ерларга бевосита эгадорлик қилиш хуқуки йўқолди.

Ўрта асрлардаги Марказий Осиё мамлакатлари га хос бўлган салбий омиллар Қораҳонийлар хоқонлигини инқирозга учратадиган сиёсий кучга айланиб, барбод бўлишини тезлатган.

Юқорида ёритилган масалалар қаторида Қораҳонийлар хоқонлигининг маданий ҳаёти ҳам XXР олимлари тадқиқотларида акс эттирилган¹⁴⁷.

X асрнинг охирларида қораҳонийлар сулоласи кўп урушлар бўлганига қарамай мамлакатнинг маданий ривожланишини янги босқичига олиб чиқиш учун муҳит яратган. Помирнинг ғарб томонига кўчиб келган туркий қабилалар нафақат ўзларининг маданиятини мунтазам тараққий қилдирдилар ва тўлдириб бордилар, балки уни атрофдаги мамлакатларга тарқатиб, Ғарбий ва Шарқий

¹⁴⁶ Ўша аср. 200-203-б.

¹⁴⁷ Лю Чжишияо. Уйғурлар тарихи. 339-356-б; Вэй Лянгтао. Қораҳонийлар тарихидан баён. 161-б.

Туркистон ҳудудлардаги тараққиётни илгари суришда ғоят катта рол ўйнади. Шу маънода Помир ғарбига кўчиб борганларнинг инсоният тарихига қўшган хиссаси ва тухфаси бениҳоят катта ҳисобланади.

Сомонийлар хонлиги устидан қозонилган ғалаба қорахонийларнинг сиёсий ва ҳарбий ўрнини мустаҳкамлабина қолмай, балки ўз ҳукмронлиги доирасидаги заминда уйғур тилининг ижтимоий моҳиятини ҳам оширди. Натижада уйғур тили хат-хабарлар, алоқалар, савдо ишлари, бож, далил-хужжат каби жиҳатларда кенг қўлланилиб, ҳамма эътироф этган ҳукумат тилига айланди. Шунинг учун жойлардаги ғайри уйғур зодагонлар, амалдорлар ва савдогарларнинг бу тилни мулоқот олиб бориш, иш юритиш ва савдо эҳтиёжларини қондириш учун ўрганиши зарур бўлиб қолди.

Тилга бўлган бундай сиёсий ва иқтисодий эҳтиёж уйғур тилининг бойишини ва нутқининг ривожланишини тезлатиб, уни қўллаш доирасини янада кенгайтирди. Унинг фонетик, грамматик, лексик жиҳатлари янада такомиллашиб, тартибли, мукаммал тилга айланди¹⁴⁸.

Қорахонийлар ишлатган тилда айрим товушлар ўзгарди. Илгариги *б* товушининг *в* товушига, *ганнинг* - *гонга*, *гунинг* - *гуга* алмашиши шулар жумласидан. Масалан, ўтмишда *суб* деб талаффуз этилган сўз *сув*, *тобғаш* сўзи – *тавғош* деб айтила бошлади. Шу билан бирга араб ва форс тиллардин кўп сўзлар қорахонийлар тилига кириб келди. *Дунё*, *дин*, *душман*, *дўст*, *дехқон*, *шаҳар* мана шу янги кириб келган сўзлардан эди.

Қорахонийлар даврида ижод қилган шоирлар ва олимлар ўша даврдаги уйғур тилини яхши билган¹⁴⁹.

Қорахонийлар хоқонлиги доирасидаги туркий қабилялар ислом динига ўтиши билан араб ёзувини ишлата

¹⁴⁸ Лю Чжиияо. Уйғурлар тарихи. 340-343-б.

¹⁴⁹ Ўша жойда. 343-б.

бошлади. Мазкур ҳолат уларнинг маданий ривожланишида ислом маданиятининг таъсири кучайишига олиб келди.

Мусулмон ва хитой манбаларининг гувоҳлигига кўра, Қорахонийлар давлати даврида кўп ҳарбий юришлар, сиёсий тўқнашувлар бўлганлигига қарамай, иқтисодий, маданий ва илмий ривожланишда катта ютуқлар юзага келган. Ўз асарлари, кашфиётлари, фикр-мулоҳазалари билан дунё миқёсида машҳур бўлган қўпгина қобилиятли давлат арбоблари, олимлар, файласуфлар, шоирлар пайдо бўлган. Шулардан, биринчи навбатда Абу Али Ибн Сино (870-950), Абу Райхан Беруний (980-1037), Юсуф Хос Хожиб (1018-1085), Маҳмуд Кошғарий (1030-1090), Аҳмад Юғнакий, Муҳаммад Бинни Кошғарий (1083 - ?), Абу Футах Абдуғофур Бинни Ҳусайн Алмаий (1093 йилгача вафот этган), Муҳаммад Ибн Алкатиб Самаркандий, Имадиддин Кошғарий, Маҳмуд ад-Дин Муҳаммад Ибни Аднани Эмак Бухарий (1149 йилда вафот этган), Сузан Самаркандий (1173 йилда оламдан ўтган) Аҳмад Яссави (1166 йилда оламдан ўтган) ва бошқаларни тилга олиш мумкин¹⁵⁰.

Алоҳида таъкидлаб ўтиш жоизки, XXР олимлари тилга олинганлар ижодларидан кўпроқ Юсуф Хос Хожибининг¹⁵¹

¹⁵⁰ Шарқшунослик (Востоковедение). №. 5. Тошкент, 1994. С.163.

¹⁵¹ Юсуф Хос Хожиб 1018 йилда (айrim муаллифлар асарларида 1020-1021 йилларда) Болонсоғун шахрида туғилган, лекин унинг ижодий фаолияти Қашқарда кечган ва шу ерда умрининг охиригача яшаган. 57 ёшида олим 13 минг сатрдан иборат бўлган машҳур асари «Қутадғу билик»ни ёзган. Қорахонийлар хонлиги иккига бўлиниб кетгандан кейин Юсуф Хос Хожиб ўз ижодини Қашқарда давом эттирган. 1085 йилда у 67 ёшида ушбу шаҳарда оламдан ўтди. Шунда олимнинг жасади Баргоҳ қишлоғига дағн этилган. 50 йил ўтгандан кейин мазкур қишлоқ сув тошқинига дуч келганлиги сабабли Юсуф Хос Хожибининг жасади жойидан олиниб ҳозирги қабрга дағн этилган. Бу жой ўша замонда Пойноб қишлоғи деб аталган. 1639-1668 йилларда Ёркенд хонлиги таҳтида

«Кутадғу билиг», Маҳмуд Кошғарийнинг¹⁵² «Девони луғатит турк»¹⁵³, Аҳмад бинни Маҳмуд Юғнакийнинг¹⁵⁴ «Атабету’л ҳақойик» (Atabetü'l Nakayik) асарлариға эътибор қаратган. Улар бу тарихий манбаларни ўша замон маданиятининг ҳозиргача сақланиб қолган ёзма далили ва нишонаси деб таърифлайдилар¹⁵⁵, ушбу асарлар ҳақида батафсил маълумотлар берадилар. Шу билан бирга

ўтирган Абдуллохон қабр устига катта гумбаз билан ёпилган мақбара қурдирган. 1972 йилда ушбу мақбара «қизил соқчи» («хунвэйбин»)лар томонидан бузиб ташланган эди. 1986-1989 йиллари мазқур мақбара қайта қурилган.

¹⁵² Тўла исми Муҳаммад бинни Хусайн бинни Маҳмуд Кошғарий (замонавий уйғур тилида Маҳмуд Қашқарий) бўлиб, у 1008 йилда ҳозирги Қашқар шаҳридан 45 км нарида (ғарб томонида) жойлашган Ўпол қишлоғининг Озих маҳалласида ўз замонасининг етук олимларидан бири бўлган Хусайн бинни Юсуф оиласида туғулган. 1026-1032 йилларда Қашқар таҳтида ўтирган Юсуф Қодирхан унинг буваси бўлган. 1105 йилда 92 (айrim муаллифлар фикрига кўра 97) ёшида шу маҳаллада оламдан қўз юмган ва умрининг охирги даврида ўқитувчилик қилган мадраса ёнига дағн этилган. XII асрнинг бошларида қабр устига мақбара қурилган [Хўжаев А. Буюк ипак йўли: муносабатлар ва тақдирлар. 111-б. Шу муаллиф. Великий шёлковый путь: связи и судьбы (на основе китайских источников и литературы). Второе дополненное издание. Ташкент, 2018. С. 243; Шу муаллиф. Кошғарий ёдгорлик мажмуи // «ЎМЭ». 5-жилд, Тошкент, 2003. 78-79-б.].

¹⁵³ Маҳмуд Кошғарийнинг «Девон илуғатит турк» асари XI асрдаги туркий халқларнинг ҳаётидан маълумот берадиган ягона манбадир деб характерланган [Вэй Лянгтао. Қорахонийлар тарихидан баён. 347-б.]. 2008 йилда ушбу луғат араб алифбосига асосланган замонавий уйғур тилида «Туркий тиллар луғати» номи билан 2 жилдга бўлинган ҳолда (умумий ҳажми 1500 бет) нашр этилган. Айrim уйғур олимлари «Девон илуғатит турк»ни «Турк тили луғати» деб таржима қилиш керак деб таъкидлашади.

¹⁵⁴ XXР олимлари асарларида Аҳмад бинни Маҳмуд Юғнаки туғилган ва ўлган йиллари келтирилмаган.

¹⁵⁵ Вэй Лянгтао. Қорахонийлар тарихидан баён. 351-352-б.

Махмуд Кошғарийнинг «Китоб жавохир ални хуфи луғат ал турк» номли иккинчи асари бўлганлиги ва у ҳанузгача топилмаганлиги айтилган.

Шу жойда изоҳлаб ўтиш ўринлики, мавжуд маълумотларга кўра, «Қутадғу билик» гарчи Қашқарда ёзилган бўлса ҳам, у бутун туркий халқларнинг маданий мероси ҳисобланади. У қорахонийлар даврида Марказий Осиёда ҳукмрон тил бўлган туркий тилининг ашёвий далили бўлибгина қолмасдан, балки ўша замондаги ижтимоий хаётнинг барча қирраларини, жумладан сиёсатини, қонунларини, фалсафасини, мафкурасини, урфодат ва ахлоқ қоидаларини, маданиятини очиб бера оладиган бебаҳо асардир. Мазкур асар XXРда ҳозирги замон уйғур ва хитой тилларига ўгирилган ва қайта-қайта нашр этилган. Сўнг у хитой тилига ҳам тўла таржима қилиниб «Фулуу чжихуэй» (Fule zhihui 福乐智慧 – «Бахт ва саодатга бошловчи билим», 862 бет) номи билан 1986 йилда Пекинда нашр этилган.

1999 йилда Урумчи шаҳридаги «Шинжонг университети нашриёти» томонидан араб ёзуви асосидаги уйғур тилида чоп этилган «Қутадғу билиг хазинаси» номли асарда Юсуф Хос Хожибнинг мазкур асари қуидаги мазмунда тарифланган.

«Қутадғу билиг» 6645 та байт ва 13290 мисрадан иборат бўлган достони Қорахонийлар даврида Марказий Осиёдаги тарихий муҳитни чуқур ва атрофлича очиб бера оладиган маълумотларни ўз ичига олган йирик асардир. Унда билим ва ақл-фаросат, қонун ва адолат, назорат ва қаноат орқали жамиятни касалдан холи этиш, ижтимоий баҳт ва саодатни барқарор қилиш масалалари асосий ўринни эгаллаган. «Қутадғу билиг» инсон турмуш фалсафаси системалаштирилган дастури, ўз даврига хос илгор қарашларнинг ёрқин намунаси, инсонпарварлик ва сиёсатни куйловчи чуқур фалсафий асардир. Шу билан у

туркий тил системасига киравчи халкларнинг маънавий маданиятини тадқиқ этишда бебаҳо хазина, Марказий Осиё халкларининг ўтмиш ҳаётини очиб бера оладиган олтин калитдир.

XXР олимлари асарларида келтирилган маълумотларга кўра, «Қутадғу билиг»дан ташқари Юсуф Ҳожиб яна «Қомуснома» ва «Сиёсатнома» деб номланган икки асар ёзиб қолдирган. Афсуски бу асарлар ҳозирча топилгани йўқ.

Махмуд Кошғарийнинг «Девону луготит турк» асари неча марта кўчирилган. Бизгача етиб келган нусхаси 1266 йилда Дамашк (Тарихий номлари: Димишқ, Дамаскус) шаҳрида кўчирилган ва у Туркияда сақланади. Ушбу асар 1915 йилда (хижрий 1333 й.) Стамбулда ilk бор 3 жилдли қилиб нашр этилган. 1939-1943 йилларда «Девони лугатит турк» Бисм Аталай томонидан замонавий Туркия тилига ўtkazilgan.

1955-1958 йилларда ушбу нашр нусхаси асосида замонавий ўзбек тилига угирилган. Бу иш Ўзбекистон Фанлар академияси Абу Райхон Беруний номидаги шарқшунослик институти олими С.М. Муталибов томонидан амалга оширилган бўлиб, у 1960-1962 йилларда 3 жилдли қилиб нашр этилган¹⁵⁶. 1980-1984 йилларда Урумчи шаҳрида Абдусалом Аббос, Абдураҳим Уткур, Собит Рузи каби уйғур олимлари Иброҳима Мутия раҳбарлигида Туркияда сақланаётган қўллёзма нусхасининг фотокопияси асосида замонавий уйғур тилига ўtkazilgan ва 2 жилдли қилиб чоп этилган. 2002 йилда Хитой Халқ Республикаси пойтахти Пекин шаҳрида хитой тилидаги таржимаси нашр этилган. Хитой тилида асар «Тужюэй цидян» (Tujue yu cidian 突厥语词典 – Турк тили луғати) деб номланган. Айни замонда «Девону луготит турк»нинг

¹⁵⁶ Маҳмуд Кошғарий. Девону Луғотит турк. С.М. Муталибов таржимаси. З жилдли. Тошкент, 1962. Индекс. 391-397-б.

нашр этилган инглизча, немисча ва японча таржималари мавжуд¹⁵⁷.

Аҳмад бинни Маҳмуд Юғнакийнинг «Атабету’л ҳақойик» (Atabetü'l Nakayik) асари XII асрнинг охири ва XIII асрнинг бошида ёзилган ва панду-насиҳат характеридаги достон, деб тарифланган¹⁵⁸. Асарнинг номи хитой тилига «Чжэнли де шянли» (Zhenli de xianli 真理的献礼 – «Ҳақиқат инъоми»), «Чжэнли де румен» (Zhenli de rumen 真理的入门 – «Ҳақиқатнинг эшикдан кириб келиши») деб таржима қилинган.

XXР олимларининг асарларида қорахонийлар давлати даврида маданий ривожланиш юксак даражага етганигини эътироф этилади¹⁵⁹. Шу билан бирга маданиятининг энг гулланган даври 1041-1141 йиллар деб кўрсатилади¹⁶⁰ ва қорахонийлар маданиятининг ривожланиши X асрда уларнинг ислом динига тўла ўтиши билан боғлиқлиги таъкидланади. Мазкур олим-ларнинг фикрича, Қорахонийлар даврида талайгина диний ва тарихий асарлар ёзилган. Лекин уларнинг кўплари давримизга етиб келмаган ёки тадқиқотчиларга маълум эмас¹⁶¹.

4.2. Қорахонийлар хоқонлиги ва Хитой алоқаларининг ёритилиши

Қорахонийлар хонлигининг ташқи сиёсатида Хитой билан савдо-дипломатик алоқалар муҳим ўрин эгаллаган.

¹⁵⁷ Ахборот. Казахстан. Ижтимоий-сиёсий журнал, № 6 (32) 2008. 7-6.

¹⁵⁸ Ўша жойда. 351-352-б.

¹⁵⁹ Сиой тунши (Ғарбий мамлакатларнинг умумий тарихи). Чжэнчжоу, 1996. 284-285-б.

¹⁶⁰ Вэй Лянгтао. Қорахонийлар тарихидан баён. 161-б.

¹⁶¹ Ўша жойда. 353-б.

Шу мавзуга оид ўзбек ва рус тилларида нашр қилинган адабиётларни ўрганиб чиққанимизда, бу алоқалар етарлича ёритилмаганлиги маълум бўлди. Шунга кўра, бизни қизиқтираётган масала доирасида Хитой олимларининг нашр қилинган асарларини¹⁶² ўрганишни мақсадга мувофиқ деб топдик.

Қорахонийлар хонлигининг савдо-сотиқ ва иқтисодий алоқаларининг дастлабки ривожланиши Хитойда ҳукмронлик қилган Танг сулоласи (618-907)нинг охирги даврига тўғри келади. Бу давр Хитойдаги ички қарама-қаршиликларнинг кучайиши ва шунга кўра иқтисодиётининг пасайиши билан изоҳланади. 907-йилда Танг империясининг таназзули натижасида¹⁶³ мамлакат парчаланиш ҳолатига келиб қолган. Бу эса ўз ўрнида Хитой ва Қорахонийлар хонлиги ўртасидаги савдо-дипломатик алоқаларининг йўлга қўйилишига тўсқинлик қилган.

960-йилда Хитойда янги давлат пайдо бўлди. Тарихда у Сунг (宋, Бей-Сунг 北宋 – Шимолий Сунг деб ҳам аталади) номини олди ва 1279 йилгача фаолият кўрсатди. Ушбу давлат ўзидан ғарбда жойлашган давлатлар билан савдо алоқаларини ривожлантиришга катта эътибор берган¹⁶⁴.

Шу вақтда қорахонийлар давлати ҳам Сунг сулоласи билан савдо ва дипломатик алоқаларини йўлга қўйишга ва ривожлантиришга ҳаракат қилган. Бу даврда ҳокимият Аҳмад Туғонхон (998-1018) қўлида эди. Шу мақсадда 1009-

¹⁶² Вэй Лянгтао. Қорахонийлар тарихидин баён. 111-113, 367-б.; Ванг Чжилай. Ўрта Осиё тарихи. 2 жилдли. Хитой тилидан таржима. Урумчи, 2000; Ҳожи Нурхожи. Қадимги уйғурлар ва қорахонийлар. Урумчи, 2001; Ля Жиншин. Шинжонгда ўтган ислом хонликларининг қисқача тарихи. Хитой тилидан таржима. Урумчи, 2003 ва б.

¹⁶³ Қаранг: Ҳоджаев А. Китайский фактор в Центральной Азии. Ташкент, 2007. 29-30-б.

¹⁶⁴ Ҳўжсаев А. Буюк ипак йўли: муносабатлар ва тақдирлар. 173-б.

йилда Аҳмад Туғонхон ўз элчиларини қимматбаҳо совғалар билан Сунг империясига жўнатди. Улар орқали Хитой билан савдо алоқаларини ривожлантиришга қизиқишини билдириди.

Аҳмад Туғонхон элчисининг Сунг императори қабулида бўлганлиги ҳақида «Сунг [сулоласи] тарихи» («Сунгшу»)нинг «Хўтан тазкираси» («Юйтян чжуан»)да маълумот келтирилади. Ушбу тазкирада қорахонийлар эличисининг пойтахт Чанъан шаҳрига етиб келган санасини Дачжунгсянгфу даврининг¹⁶⁵ иккинчи йили (1009) деб кўрсатилган, элчининг миллати уйғур (хуэйгу 回鶻), исми эса Луосивен (Luosiwen 罗斯温) дейилган. Назаримизда бу Ризвон бўлса керак.

Император Чжэнзунг (Zhenzong) қабулида бўлганда элчи қуидаги сўзларни айтган:

«Мен узокдан келдим ва сиз билан учрашиш мен учун катта шараф, сиз жаноби олийларига узок умр тилайман.

Император сўради:

Йўлга қанча вакт сарфладинглар, кайтишда қанча ли йўл юрилади? ¹⁶⁶

[Бу саволга элчи шундай жавоб бериб] айтди:

Бир йил давомида манзил томон йўл босдик, кундузи юрдик, кечаси дам олдик. Қанча йўл босганимизни аниқ айта олмайман. Илгари йўлларда босмачилар бор эди. Ҳозир Гуа[чжоу] ва Ша[чжоу]¹⁶⁷ орқали (Хўтан)гача

¹⁶⁵ Дачжунгшянгфу (dazhong-xiangfu 大中祥符) – Сунг сулоласининг учинчи императори Чжэнзунг (Zhenzong 真宗 – 998-1023) ҳукмронлигининг 1008-1016 йиллардан иборат бўлган 9 йиллик давр номи ҳисобланади.

¹⁶⁶ Ли (里) сўзи Хитойда анъанавий бўлган масофа ўлчов бирлиги ҳисобланади. Милоддан аввалга III асргacha 1 ли 300-360 қадамга, ўрта асрларда 576 метрга тенг бўлган. Ҳозир 500 м тенг.

¹⁶⁷ Дунхуанг вилоятидаги жойлар кўзда тутилган. Гуа топоними Гуачжоу (瓜洲 – Қовун-тарвуз водийси)нинг, Ша – Шачжоу (沙洲 – Қумли вилоят ёки воҳа)нинг қисқартирилган шакли. Гуачжоу

йўллар хавфсиз ва уларни ҳеч кандай саргузаштсиз ўтиш мумкин. Элчи юбориш истаги бўлса хурсанд бўлар эдик¹⁶⁸.

Император айтди: элчи юборишга йўл олислик қиласди. Қолаверса давлатингда қийналиб қолади. Олиб кетишинг учун мактуб ёзиб беришни буюраман. Шу [мактуб] элчи юборганим билан teng бўлади»¹⁶⁹.

Сунг императори эса ўз мактубини Қашқардан келган элчи орқали бериб юборишдан ташқари, унда қорахонийлар хоқонига «хэйхан ванг» (黑 韩 王) деб мурожаат қилган. Маълумки, бу даврда «ванг» унвони Хитой императорига қарашли бирорта вилоят ҳукмдорига ёки унинг қўл остидаги сарой амалдорларига берилар эди. Бундан ташқари юборилган мактубда *Буюк хонлар*, *Буюк ҳоқонлар* маъносига эга сўзни транскрипция қилиб ёзища *қора ранг*, *қоранггулик* маъноларини билдирувчи хэй (hei 黑) иероглифини ишлатган. Қорахонийлар хоқони бу ҳолатни албатта камситиш деб билганлиги муқаррар.

Шундан кейин қорахонийлар саройи Сунг сулоласи императори ҳузурига давлат номидан эмас, балки унинг ихтиёри остидаги Хўтан вилояти ҳукмдори номидан элчилар юборилган. Шу усул билан қорахонийлар хоқони ўзининг мавқеини Сунг императоридан устун қўйишини билдирган.

Вэй Лянгтаонинг фикрича, Сунг сулоласи Қорахонийлар хоқонлиги саройига элчи юбормаганлигини қўйидаги

ҳозир Анши ноҳияси (рус тиллик адабиётларда Аньси сянь)га қарашли. Хитойнинг анъанавий бошқарув тузимиға кўра, ноҳия (шян 县) вилоят билан туман ўртасида турадиган маъмурий бирлик ҳисобланади). Айрим сайёхлар асарларида Гуачжоу ва Шачжоу топонимларини Дунхуанг (туркий номи Даشت-ота)нинг синоними сифатида қўлланилади [Хўжаев А. Буюк ипак йўли: муносабатлар ва тақдирлар. 71-б.].

¹⁶⁸ Вэй Лянгтао. Калахан вангчао шигао. 138-б. Шу муаллиф. Қорахонийлар тарихидин баён. 225-226-б.

¹⁶⁹ Вэй Лянгтао. Қорахонийлар тарихидин баён. 225-226-б.

учта сабаб билан изоҳлаш мумкин:

1) Қорахонийлар давлатига элчи борса, уларнинг шимол томондаги қорахитойлар¹⁷⁰ ва шарқий томонидаги танғитлар давлати¹⁷¹ буни нотўғри тушуниб қолишидан қўрқсан; 2) ўзининг молиявий имкониятларини ҳисобга олиб, бунга қизиқиш билдирамаган; 3) Қорахонийлар ҳукмдори Кулбилге Қодирхоннинг мавқеини ўзидан паст даражада кўриши ва уни ўзига teng ҳуқуқли ҳамкор сифатида тан олмаган¹⁷².

Сунг сулоласи Қашқарга элчи юбормаганидан кейин Аҳмад Туғонхон кейинги элчилар гуруҳларини ўзининг бир вилояти бўлган Хўтан ҳукмдори номидан юборган. Бу анъана кейинги ярим аср давомида сакланиб колган. Шу даврда Хўтандан Хитойга 36 марта элчилар юборилди¹⁷³.

¹⁷⁰ Хитой манбаларида чидан (qidan 契丹), рус тилли адабиётларда кидань, деб номлади.

¹⁷¹ Танғитлар давлати (рус тилли адабиётларда Государство танггутов, хитой манбаларида Шя, Шиша (夏, 西夏, русча транскрипцияда Ся, Сися) 1032-1234 йилларда Кукунор минтақаси (хозирги XXРнинг Цинхай 青海 ўлкаси) ҳудудида мавжуд бўлган. Ушбу давлат қадимги Помирдан Ўрдўсгача (Ордос) бўлган жойларда яшаган ва хитой манбаларида кянг (чянг 羌) деб номланганларнинг авлодлари ҳисобланган дангия қабиласи томонидан ташкил этилган. Пойтахт шаҳри Харо-хота деб номланган бўлиб, у хозирги Цинхай ўлкасининг маркази бўлмиш Шининг (Xining 西宁) шаҳрининг шимолида жойлашган. 1068-1085 йилларда Сунг давлати Шиша хонлиги билан уруш холатида бўлган. Шунинг учун ушбу хонликка қарши чиқувчи кучлар билан иттифоқлашиш Сунг сулоласи учун ниҳоятда муҳим бўлган. Қадимги кянг (чянг)лар ҳақида илгари нашр этилган асарларимизда тўхтаб ўтилган [Қаранг: Ҳўжсаев А. Марказий Осиё ҳалқлари тарихига оид маълумотлар... 162-201-б.; Ҳоджсаев А. Сведения древнекитайских источников по этнической истории Центральной Азии. 71-115-б.].

¹⁷² Вэй Лянгтао. Калахан вангчао шигао. 145-б.

¹⁷³ Вэй Лянгтао. Қорахонийлар тарихидин баён. 214-231-б.

Вэй Лянгтаонинг юқорида тилга олинган «Калахан вангчао шигао» номли асарида хитой манбалардан, жумладан «Сунг [сулоласи] тарихи» («Сунгшу»)дан келтирилган маълумотларда айтилишича, Хўтандан шу замондаги Хитой пойтахти Чангъанга (ҳозирги Шиан шаҳри) биринчи элчилар гуруҳи 1025 йилда борган¹⁷⁴. Шундан кейин Хўтандан Хитойга элчилар тез-тез борганлиги ва уларга ҳамроҳ бўлиб борган савдогарлар сони ҳам кўпайгани кузатилган. Натижада Хитойга борадиган Хўтан элчилари ҳамроҳларининг сони 50 кишидан ошмаслиги ҳақида император фармони чиқарилган¹⁷⁵.

Юқорида айтиб ўтганимиздек, 1041 йилда қорахонийлар давлати ғарбий ва шарқий қисмларга бўлиниб кетган. Қашқар шарқий қорахонийлар давлати, пойтахти сифатида сақланиб қолди. 1057-1058 йилларда содир булган сиёсий кураш натижасида Қашқар тахтига Муҳаммад Буғрохоннинг укаси Муҳаммадхон (Туғрул Қорахон, Маҳмуд бинни Юсуф – 1058/59 - 1074/75) ўтирди. 1063 йилда ушбу ҳукмдор Хитойга элчи ва у орқали мактуб юбориб, ўзининг савдо алоқаларни давом эттириш истагини билдирган¹⁷⁶.

Сунг сулоласи саройида бу галги Қашқар элчиси Хитойга келган teng ҳуқуқли давлатлар элчилари қаторида қабул қилинган¹⁷⁷. Лекин Сунг сулоласи Қашқарга жавобан элчи жуннатмади. Шундан кейин шарқий қорахонийлар ҳукумати ҳам ўз элчиларини Хитойга илгаригидек Хўтан ҳукмдори номидан юбориб турди.

1072-йилда янги йил арафасида Хўтан ҳукмдори ўзининг элчиси Луоасинансавэн (Luo-asi-nan-sa-wen 罗阿斯

¹⁷⁴ Вэй Лянгтао. Калахан вангчао шигао. 145-б.

¹⁷⁵ Ўша асар. 147-б.

¹⁷⁶ Ўша асар. 138-145, 247-б.; Вэй Лянгтао. Қорахонийлар тарихи-дин баён. 226-227-б.

¹⁷⁷ Ўша жойда.

难撒温) орқали Сунг императорига қимматбахо тошлар, олтин буюмлар, маҳаллий ишлаб чиқарувчиларнинг матолари, отлар учун нефрит тоши билан безатилган эгар, доривор ўсимликлар ва бошқа нарсалардан иборат совғалар юборган¹⁷⁸. Сунг сулоласи саройида ўтмишдан сақланиб келаётган анъанага кўра, бу элчилар тақдим этган совғаларни «олиб келинган улпон» («лайгунг» / lay-gong 来贡) деб ҳисоблаган¹⁷⁹.

Қорахонийлар хукмдорлари Сунг хонадонининг бундай хатти-ҳаракатларини Сунг сулоласи қорахонийлар билан тенг ҳуқуқли алоқа олиб бориш истаги йўқ, деб қабул қилиб, Хитой билан савдо-садик алоқаларини Қашғардаги бош ҳукмрон Қорахон номидан эмас, балки Қорахонга тобе хонлик Хўтан хукмдори (Юйтян ванг) номидан амалга оширишни ўзига лозим кўрганлигидан далолат беради.

Вэй Лянгтао асарларида келтирилган маълумотларга кўра, Сунг сулоласи саройига Хўтандан 1071-йилнинг 2-ойи 14-кунида, 1072-йилнинг 12-ойи 26-кунида, 1074-йилнинг 2-ойи 3-кунида, 1077-йилнинг 4-ойинг 8-куни, 1084-йилни 12-ойи 2-кунларида ҳам элчилар гуруҳлари келган¹⁸⁰. Шуларнинг бирида Линди исмли зодагон совғалар билан Чанъанга келган¹⁸¹.

Хитой манбаларидаги Хўтандан 1071-йилгача Хитойга борган элчилар ҳақидаги барча маълумотларда улар «Хўтан ҳукмдори» («Юйтян-ванг») номидан келганлиги айтилган. Шу йилдан кейин келган элчилар ҳақидаги маълумотларда элчи жўнатувчи Хўтан ҳукмдорининг унвони «Хэйхан-ванг» («ҳукмдор Қорахон») ёки «Юйтян Хэйхан ванг» («Хўтан ҳукмдори Қорахон») шаклида тилга

¹⁷⁸ Ўша жойда.

¹⁷⁹ Ўша жойда. 147-б.

¹⁸⁰ Ўша жойда. 223-224-б.

¹⁸¹ Ўша жойда. 223-б.

олинган.

1087 йилда Сунг хонадони Хўтандан келган элчи-ларига мислсиз эҳтиром билдиришади. Қорахонийлар хукмдорига аталган совғаларни топшириш вақтида қабул қилинган меъёрлардан ташқари уч юз минг танга, олтин камар, қимматбаҳо тошлиар қадалган тўнлар, кийим-кечак ва мис тангалар тақдим этилди. Сунг императори зарур бўлганда қорахонийларга ёрдам курсатиш ҳақида фармон эълон қилди. Баъзи амалдорлар элчиларга нисбатан керакли даражада дўстона муносабатда бўлмаганликлари учун жазоландилар¹⁸².

1078 йил 6-ойнинг 4-кунида чой савдоси билан шуғулланувчи идорага йўлланган император фармонида Хўтандан келган элчилар солиқсиз чой сотиб олишмокда, бу ҳолат туфайли йил давомида олинмай қолинган тушум хукумат ғазнаси ҳисобидан қопланиши айтилган¹⁸³. «Сичоу чжилу маойи ши» («Ипак йўлидаги савдо тарихи») номли асарда ёзилишича, Сунг сулоласи хукмронлиги (960-1279) даврида чой Хитойнинг кўп миқдорда экспорт қиласиган махсулотига айланган¹⁸⁴. Шундан маълумки, қорахонийлар савдогарлари Хитайдан олиб кетадиган моллар орасида чой ҳам муҳим ўрин эгаллаган.

Шу жойда қуйидаги икки масалани таъкидлаб ўтиш жоизки, 1079 йилда Сунг сулоласи саройига ғарб томондаги савдо йўлларини назорат қилиш идораси бошлиғининг мурожаатномаси келиб тушган. Унда Хитойга қорахонийлар хукмдининг мактубисиз карвонлар келаётганлиги айтилиб, уларга нисбатан қандай муомала қилиш кераклиги сўралган. Бу ҳақда Сунг императорининг берган фармонида «келганлар улпон олиб келдик»

¹⁸² Ўша асар. 227-б.

¹⁸³ Вэй Лянгтао. Калахан вангчао шигао. 147-б.

¹⁸⁴ Сичоу чжилу маойи ши (Ипак йўлидаги савдо тарихи).
Ланчжоу, 1997. 487-б.

дайишиша, уларнинг гапи инобатга олинсин дейилган¹⁸⁵. Шундан маълумки, Хитойга Хўтандан савдогарлар элчиларга қўшилмасдан бориш ҳоллари ҳам кузатилган.

1081 йилда Қашқардаги қораҳонийлар ҳукмдори Абул Ҳасан Табғоч Буғрохон (Ҳарун буғрохон-II, Ҳасан бинни Сулаймон – 1074-1103) Сунг сулоласи императорига мактуб юборган. Ўз мактубида у Сунг императори Шэнзунг (Shen zong 神宗 – 1068-1085)га «Шарқдаги, [яъни] кунчиқар томондаги буюк дунё ерларининг эгаси» (东方日出大世界田地主)¹⁸⁶ деб мурожаат қилган. Шу билан ушбу ҳукмдор Хитой императорига мен ғарб томондаги ерлар эгасимен, сиз эса шарқ томондаги ерлар эгаси, ҳуқуқимиз ва мавқеимиз бир хил деган фикрни билдирган. Эҳтимол бу Сунг хонадонига таъсир кўрсатган.

Вэй Лянгтао асарида бирламчи хитой манбалардан келтирилган бир маълумотда айтилишича, 1085 йилда Хўтандан Хитойга келган элчилар от олиб келишган. Улар эвазига аввалига 200 минг танга тўланган. Кейин унга яна 100 минг танга (чян 錢 / 钱) қўшиб берилган¹⁸⁷. Шундан маълумки, Сунг сулоси учун от обрули ва қимматбаҳо совға ҳисобланган¹⁸⁸.

1089-йилнинг 6-ойи 4-кунида Сунг сулоласи саройидаги Маросимлар палатаси (Либу 禮部 / 礼部)нинг

¹⁸⁵ Вэй Лянгтао. Калаҳан вангчао шигао. 139-б.

¹⁸⁶ Ўша асар. 146-б.

¹⁸⁷ Вэй Лянгтао. Калаҳан вангчао шигао. 141-б.

¹⁸⁸ Хитойга келган элчилар ва карвон эгалари маҳаллий хонларга ва амалдорларга от совға қилишса, уларнинг бу совғалари юксак баҳоланган. Албатта, отнинг баҳоси ҳар доим бир хил бўлмаган. Аммо ўртача олганда, VII-VIII асрларда Хитойга олиб келинган ҳар бир отга 40-50 бўлак (ҳар бир бўлаги 13.3 метрдан) ипак мато алмаштириб олиш мумкин бўлган. 827-835 йилларда уйғурлар томонидан Хитойга сотилган отлар эвазига ҳукумат 230 минг бўлак ипак мато тўлаган. [Хўжаев А. Буюк ипак йўли: муносабатлар ва тақдирлар. 179-182-б.].

император учун тайёрлаган маърузасида Хўтан қорахони ўзининг вассал ҳукмдорларининг рўйхатини кўрсатиб, императордан уларни Хитойга бориш ва император билан учрашишга рухсат беришни сўрайди. Мазкур илтимос қондирилди деб айтилган¹⁸⁹.

Хитой манбаларда Хўтандан пойтахт Чангъан шаҳрига 1090, 1094, 1096-йил (икки марта – 5- ва 11-ойда), 1097, 1098, 1103, 1117-йилларда элчилар келганлиги ҳақидаги маълумотлар мавжуд. Уларда Хўтандан элчилар юборувчи «Юй-тян» («Хўтан») ёки «Юйтян-гуо» («Хўтан давлати») деб номланган¹⁹⁰. Шунга қараганда, XI асрнинг сўнги чорагидан бошлаб Сунг сулоласи Хўтанга алоҳида давлат сифатида қараган.

Манбада Жаошэн (Shaosheng 绍圣)¹⁹¹ даврининг 3-йили (1096 й.) 7-ойининг 14-кунида Хўтан ҳукмдори турли хил совғалар билан ўз вакилини жўнатганлиги ҳақида ҳам маълумот келтирилади. Кейинги йилнинг 2-ойи 8-кунида Хўтандан яна элчи келади. Элчи билан бирга келган Лохудулумай Қорахонийлар ҳукмдори ўғлининг сўзларини таржима қилиб, «бизнинг отлик жангчиларимиз тангутлар томонидан эгаллаб олинган Ганчжоу, Шаджоу, Суджоуларни ишғол қилишга жўнатилган» дейди. Бунга император «Агарда улар шу Зта шахарни озод қила олсалар, етарли микдорда мукофатланадилар» дейди¹⁹². Бу қисқа маълумот Сунг хонадони Қорахонийлар хукумати билан сиёсий ҳамкорлик қилибгина қолмасдан улар қўли билан ўз рақибига қарши курашишдан ҳам манфаатдор бўлганлигидан далолат беради. Сунг сулоласининг бу

¹⁸⁹ Вэй Лянгтао. Қорахонийлар тарихидин баён. 223-224-б.

¹⁹⁰ Ўша асар. 225-б.

¹⁹¹ Чжаошэн – Сунг сулоласи еттинчи авлод императори Чжэзуннинг (Zhahezong 哲宗 – 1086-1101) ҳукмронлигининг 1094-1098 йиллардан иборат бўлган 5 йиллик даври номи.

¹⁹² Вэй Лянгтао Қорахонийлар тарихидин баён. 222-б.

нияти амалда қандай бўлганлиги қўйидаги маълумотга эътибор қаратиш мумкин.

Хитойнинг расмий тарихлари, энциклопедиялари ва энциклопедик луғатларидан ташқари, ҳар хил даврда ёзиб қолдирилган шажаралар ҳам мавжуд¹⁹³. Шуларда келтирилган маълумотларнинг асосий қисми 1985 йилда «Халқ қатнов вазирлиги нашриёти» («Ренмин жяотунг чубаншэ») томонидан чоп этилган «Чжэнг Хэ сулоласи тарихи материаллари» («Чжэнг Хэ¹⁹⁴ жяши зиляо» 郑和家世資料) номли китобда акс эттирилган.

Мазкур шажаралардаги маълумотларга кўра, Сунг сулоласи таклифига биноан, Бухордан Хитойга Нажмиддин-сўфи (Нажимэндиэр-суфэйэр – 997-1093) исмли бир зодагон катта қўшин бошлаб келган. Бу ҳақда «Ма сулоласи шажараси» («Ма ши жяпу» 马氏家谱)¹⁹⁵ номли асарда қўйидагича ёзилган.

«Буюк ғарбий ҳудуддаги Бухоро хонининг қўшинлари қудратли, хоннинг ўзи эса диёнатли ва меҳрибонликда тенгги йўқ ... Ляо ва Шя¹⁹⁶ хонликлари қўшин тортиб Сунг сулоласига хавф солди. Шунда Сунг сулоласи [Бухоро ҳукмдоридан] ёрдам сўраш мақсадида унинг хузурига элчи юборди. Шундан сўнг [Нажмиддин-сўфи] жаноблари

¹⁹³ Ушбу шажаралар ҳақида қаранг: Ходжаев А. Великий шелковый путь: ... 2018. 370-371-б.

¹⁹⁴ Чжэнг Хэ (мусулмонча исми Маҳмуд – 1369-1433) мўғуллар даврида Хитойда йирик лавозимларда ишлаган бухоролик Умар Камолиддин (1211-1279) авлодига мансуб бўлган ҳамда дипломатик ва савдо ишлари билан 7 марта денгиз сафарига чиқиб Ҳинд ярим ароли, Форс кўрфази ва Африка қирғоқларига бориб қайтган тарихий шахс ҳисобланади. [Бу ҳақда қаранг: Хўжаев А. Буюк ипак йўли: муносабатлар ва тақдирлар. 250-254-б.]

¹⁹⁵ Уруғ, авлод ҳақида гап кетганда ҷжи (zhi 氏) иероглифи ши (shi) деб ўқилади.

¹⁹⁶ Ушбу давлат ҳақида 171 рақамли изоҳга қаранг.

укаси Айсо (Айэрша) ва уч нафар ўғиллари билан 7 мингдан ортиқ лашкарлар, 200 га яқин лашкар бошлиқлари ва амалдорларга бош бўлиб, 7 мингдан ортиқ от ва тую билан Буюк Сунг хоқонининг 3-йилида (1070) пойтахтга етиб келди. Шэнзунг (神宗) хурсанд бўлганидан ул зотдан ўз одамлари билан Хитойда қолишни сўради. Атроф тинчигандан кейин Али, Миршоҳ (Миэршиша) ва бошқалар жами 200 га яқин амалдорлар ва уларни кузатувчи 700 нафар чавандоз пойтахтга совғалар билан етиб келдилар. Улар [Нажмиддин-сўфи] жанобларининг қайтиб кетишига ижозат сўрадилар. Аммо [Сунг хоқони] жанобларига «ниний чинггоу гунг» («ғалаба нишонига ва қутловга сазовор олий зот») унвонини бериш билан бирга 200 лянг¹⁹⁷ олтин, 5000 лянг кумуш, 1000 тўп ипак мато тақдим қилиш ва йилига 500 дан¹⁹⁸ дон бериш, ўз соқчиларидан 5300 кишини ажратиб олиб Шандунг, Шанши вилоятларида ва Шихэ¹⁹⁹ билан Хэйхэ²⁰⁰ дарёлари оралиғидаги жойларда солиқсиз дехқончилик қилиш, зарур бўлганда ҳарбий ҳаракатга қатнашишга шай бўлиб туриш ҳақида фармон берди. [Укаси] Айсо (Айэрша)га эса қолган одамларни олиб ватанига қайтишга ва Бухоронинг давлат ишларини ўз қўлига олиб, унинг ривожи учун ҳаракат қилишни буюрди. Чжэзунг (哲宗)нинг [тахтда ўтирганига] 8 йил бўлганида (1093) олий зот 97 ёшда оламдан кўз юмди»²⁰¹.

¹⁹⁷ Ҳозирги ўлчов мезони бўйича 1 лянг 16 грамга тенг.

¹⁹⁸ Қадимги Хитойда донни оғирликда эмас, ҳажмда ўлчалган. Шу даврда 1 дан 103,547 литрга тенг бўлиб, у тахминан 100 килоли бир қоп донга тенг эди.

¹⁹⁹ Шандунг вилоятидаги дарё номи.

²⁰⁰ Янзи дарёсининг шарқий шимолидаги Хэнан ва Анъхуэй вилоятларидан ўтадиган бир ирмоғи.

²⁰¹ Ҳўжсаев А. Буюк ипак йўли: ... 242-243-б.

Ушбу мактубда тилгаг олинган Шя хонлиги ҳақида 171 рақамли изоҳда тўхтаб ўтилди. Лекин Ляо номланган хонлик ҳақида тушунтириш қилмасликнинг иложи йўқ. Чунки ушбу давлат асосчиларининг авлодлари бўлмиш қорахитойлар Қорахонилар сулоласи ҳукмронлиги хаётига чек қўйган. Ляо сўзи (遼 – олис, узоқ, кенглик маъносини англатади) атамаси 907 йилда Манчжурияда Елюй Абожи етакчилигига қитонлар (хитойча чидан 契丹, русчада кидань) томонидан ташкил этилган давлат (907-1125) номи хисобланади. Унининг ҳудуди ҳозирги Шарқий Монголия ва Ички Монголия ҳисобига кенгайтирилган. 916 йилда Елюй Абожи ўзини император деб эълон қилди. Шунинг учун кўп ҳолларда қитонлар давлатининг ташкил топган вақтини 916 йил, деб кўрсатилади. Айрим маълумотларга кўра, қитонлар ҳунлардан келиб чиқсан. Иккинчи маълумотларга кўра, уларнинг келиб чиқиши сянбиларга бориб тақалади. Аммо ҳунлар ва сянбиларнинг келиб чиқиши қадимги турклар (тиук, замонавий ўқилишда ди) билан боғлиқдир. Шунинг учун, қитонларнинг келиб чиқиши қадими туркларга бориб тақалади, дейиш хато бўлмайди.

«Ма сулоласи шажараси»да кетирилган маълумот инобатта олинса, Ғарбий Қора-хонийлар давлати билан Сунг хонадони ўртасида сиёсий ва ҳарбий муносабат мавжуд бўлган деган хулоса келиб чиқади. Бироқ Хитой тарихчилари ушбу маълумот расмий тарихда учрамайди деб, унга шубҳа билан қарайдилар. Бизнинг фикримизча, Сунг сулоласи ўзини катта тутиш мақсадида Бухоро давлатидан ёрдам сўраганлигини расмий сулола тарихида кўрсатишни маъқул топмаган бўлиши, яъни ор қилган бўлиши мумкин. Шунинг учун шажараларда учрайдиган маълумотни расмий тарихда йўқ эканлигига ишора қилиб, шубҳага олиш тўғри бўлмайди.

Юкоридаги маълумотларнинг таҳлилидан хотима

қилиш мумкинки, Қорахонийлар хонлиги ва Хитой орасидаги савдо ва дипломатик алоқалар 960 йилда Хитойда Сунг сулоласи (шажараси)нинг ҳокимиятга келишидан сўнг амалга оширилган. Бу муносабатларнинг дастлабки босқичида алоқалар асосан Хўтан орқали олиб борилган, зеро Сунг империяси Қорахонийлар давлатига ўзининг teng ҳуқуқли ҳамкори сифатида қарамаган, хонлик эса бундай тенгсизликни қабул қилишни истамаган ва элчиларини ўз итоатидаги Хўтан хонлиги орқали юбориш билан чекланган. Кейинчалик вазият Қорахонийлар фойдасига ўзгариб, Сунг империяси уларни teng ҳуқуқли ҳамкор сифатида тан олишга мажбур бўлган.

Қорахонийлар хоқонлиги Сунг сулоласи ҳукмронлиги давридаги Хитойга биринчи марта 1009 йилда элчи юборган ва ушбу мамлакат ҳукмдори номидан бунга жавобан элчи юборишини кутган. Лекин Сунг императори келган элчи орқали ўз мактубини юбориш билан чекланган. Бундан ташқари, ўз мактубида Сунг императори қорахонийлар хоқонига “хэйхан ванг” (黑韩王) деб мурожаат қилган. Маълумки, бу даврда “ванг” унвони Хитой императорига қарашли биронта вилоят ҳукмдорига ёки унинг қўл остидаги сарой амалдорларига берилар эди. Бундан ташқари *Буюк хонлар, Буюк ҳоқонлар* маъносиға эга сўзни транскрипция қилиб ёзишда кора ранг маъносини билдирувчи хэй иероглифини ишлатган. Қорахонийлар хоқони бу ҳолатни албатта камситиш деб билганлиги муқаррар. Қашқар ҳукмдори Сунг императорига «Шарқдаги, [яъни] кунчиқар томондаги буюк дунё ерларининг эгаси» деб мурожаат қилганлиги бунинг далилидир.

Шундан кейин қорахонийлар саройи Сунг сулоласи императори ҳузурига давлат номидан эмас, балки унинг ихтиёри остидаги Хўтан вилояти ҳукмдори номидан элчилар юборган. Шу усул билан қорахонийлар хоқони ўзининг мавқеини Сунг императоридан устун қўйишини

билдирган.

Хитойга Хўтан хукмдори номидан жами 36 марта элчи жўнатилган. Улар орқали савдо алоқалари товар алмашуви йўлга қўйилган. Хўтандан Хитойга биринчи элчи 971 йилда, охирги элчи эса 1117 йилда келган.

Хитойдан қорахонийлар савдогарлари асосан ипак матолар ва кийим-кечаклар, чой, санъат маҳсулоти, турли металлдан қилинган тангалар олиб кетилган. Натижада Хитойда муомалада ишлатиладиган тангалар ҳажмининг камайиб кетиши кузатилган. Шу боис Сунг сулоласи хорижлик савдогарларнинг Хитой тангаларини олиб кетишини ман этган²⁰².

Қорахонийлар элчилари ва савдогарлари Хитойга олиб борган моллар ичида пахтадан, ипакдан ва жундан тўқилган гулли ва гулсиз матолар, гиламлар ҳам салмоқли ўрин эгаллаган²⁰³.

Вэй Лянгтао ўзининг юқорида кўрсатилган «Калахан вангчао шигао» («Қорахонийлар сулоласининг қисқача тарихи») номли асарида Қорахонийлар давлати билан Хитой муносабатларига оид яна бир қизиқарли масалага эътибор бериб кайд этганки, Хитой императорлари канизакларидан туғилган маликалардан бирортасини ғарб томондаги давлатлар хукмдорларига келин қилиб бериш услуби билан уларнинг ички ишларига аралашиш ва Хитойга нисбатан муносабатларини ўз фойдасига юмшатишга ҳаракат қилишган. Лекин қорахонийлар ҳукмронлиги даврида бу каби алоқалар юз бермаган. Ушбу хоқонликни ташкил этишда қатнашган қарлук (гэлуолу 葛逻禄), ёғма (янгмуо 样磨) ва чигил (чуюэ 处月) қабилалари сардорларининг Хитой хоқонларига куёв бўлган ҳолатлари кузатилмаган²⁰⁴.

²⁰² Вэй Лянгтао. Калахан вангчао шигао. 192-б.

²⁰³ Ўша асар. 183-184-б.

²⁰⁴ Ўша жойда.

Х У Л О С А

Ушбу асаримизда келтирилган қисқача маълумотлардан келиб чиқиб, шундай хулоса қилиш мумкинки, сўнгги чорак аср давомида Хитой Халқ Республикасида 1978 йилдан кейин, яъни ушбу мамлакатда иқтисодий ислоҳотлар бошлангандан сўнг Қорахонийлар хоқонлиги тарихини ўрганиш жараёни анча жонланганлиги кузатилмоқда. Бунинг натижасида бир қатор илмий асарлар нашр этилган. Шунинг билан бирга бир томондан мазкур асарларда Қорахонийлар хоқонлиги тарихи Хитой тарихининг бир қисми, деб қаролмоқда, иккинчи томондан ушбу мамлакат раҳбарлари Марказий Осиё тарихини чуқур ўрганишга эътибор берадиганлиги сезилмоқда.

XXР олимлари Қорахонийлар хоқонлиги уйғур қабилалари томонидан ташкил этилганлигини таъкидлаб, унинг тарихини яна ҳам чуқур ўрганишга даъват қилмоқдалар.

Ўз асарларида XXР олимлари Европа ва Россия олимларининг ишларини яхши ўрганган ва улардан тўла фойдаланган. Аммо сўнги даврда Марказий Осиё давлатларида нашр этилган ишлардан етарли даражада фойдаланилмаган.

XXР олимларининг асарларида бизнинг имкониятимиз доирасида бўлмаган хитой манбаларидан олинган маълумотлар мавжудлиги эътиборга моликдир. Шу билан бирга уларда тадқиқотга жалб этилган 20 дан зиёд мусулмон манбаларининг номлари келтирилган. Лекин айни замонда Хитой пойтахтидаги «Пекин кутубхонаси»да сакланаётган 500 дан зиёд араб, форсий ва туркий тиллардаги қўллўзма асарлар орасида улар бор йўқлиги айтилмаган²⁰⁵.

²⁰⁵ Ушбу асар муаллифи А. Хўжаев 1995 йилларда Пекинга қилган илмий сафари вақтида мазкур шаҳардаги «Бейжин тушу гуан» (北

Мавзу доирасида таҳлил этилган асарларда Қорахонийлар хоқонлигининг ташкил топиши арафасида Марказий Осиёда жиддий миграция жараёни юз берган. Натижада катта бир гурӯҳ туркий қабилалар Монголия ва Шарқий Туркистон ҳудудидан Қозогистоннинг Еттисув вилоятига кўчиб бориб у ерда янги давлат ташкил қилган. Ушбу давлатнинг Қорахонийлар хоқонлигига айланиши ҳамда ҳудудий кенгайиши Ғарбий ва Шарқий Туркистон заминининг аксарият қисмини ва бу замин аҳолисининг диний эътиқодининг ҳамда ёзувининг бир хил бўлишига олиб келган, иқтисодининг, ижтимоий ва маданий хаётининг юксалишига замин яратган.

Ушбу давлат тарихда аввалига «Илик-хон сулоласи», «Қоғон сулоласи», «Хон сулоласи», «Тамғачон сулоласи», «Афросиёб сулоласи» каби номлар билан аталган. Кўп илмий изланишлар ва мунозаралардан сўнг олимлар ушбу давлатни Қорахонийлар сулоласи, Қорахонийлар хоқонлиги деб аташ тарихий ҳақиқатга тўгри келади деган хulosага келишган.

Мазкур давлат номидаги «Қорахонийлар» сўзини хитой тилига таржима қилишда XXР олимлари орасида ҳар хил фикр мавжуд. Айрим хитой олимлари ушбу сўзни қора ранг маъносида қабул қилган. Нанкин университети профессори Вэй Лянгтао, Турғун Олмас, Ҳожи Нурхожи, Анвар Байтур каби олимлар ушбу сўзни буюк, улуғ маносида қабул қилиш тарихий ҳақиқатга тўғри келади, деган хulosага келишган.

XXР олимлари Қорахонийлар хоқонлиги ўзига хос давлат қурилиш тузумига эга бўлганлигини таъкидлаб, бунга исбот бўла оладиган маълумотлар келтиришган.

京图书馆 – «Пекинская библиотека») номли марказий кутубхонага бориб бу қўлёзмаларнинг айримлари билан танишган эди [Бу ҳақда қаранг: *Хўжсаев А.* Буюк ипак йўли: муносабатлар ва тақдирлар. 254-б.].

Шулар мазмунига кўра, Қорахонийлар хоқонлиги худудидаги чорвачилик билан шуғулланувчи аҳоли яшаган жойларда кўчманчиларга хос бўлган маъмурий тузум сақланиб қолган. Ўтрок аҳоли яшаган худудларда улар учун анъанавий бўлган маъмурий тузум жорий этилган.

Қорахонийлар хоқонлигининг олий даражали ҳукмдори хоқон деб номланган. У давлатни юғуриш, ёбғу, тўксин, ҳожиб каби даражаларга бўлинган вазирлар орқали идора қилган. Вазирларни тайинлаш хоқоннинг ихтёрида бўлган. Вазирлик лавозимга одатда халқ орасидан чиқсан билимдон ва донишманд одамлар тайинланган. Хоқон томонидан биронта лавозимга одам тайинланганда, унга инъом этилган мансабга биноан туғ (байроқ), новкар, совут, тўн, миниш учун от ва вазирлик тамғаси тақдим этилган.

Қорахонийлар хоқонлигининг олий ҳукмдори Буғрохон, Арслонхон, иккинчи даражали хонлар табоҷочон деб аталган унвонлар билан таҳтда ўтирган.

Қорахонийлар даврида Туркистонда миграцион жараённинг кучайиши натижасида илгари чорвачилик билан шуғулланган ва уйғур деб номланган қабилалар иттифоқи таркибига кирган кўпгина туркий қабилалар Еттисув, Тангритоғ ва Олтой тоғлари этакларидағи ва уларнинг атрофидаги яйлов жойлардан Сирдарё бўйлари ва унинг жанубидаги ерларга кўчиб келган. Бундай қабилалар ҳаётида чорвачилиқдан дехқончиликка ўтиш жараёни кузатилган ва бунинг билан бирга уларнинг ижтимоий турмушига янги мулкчилик шакли кириб келган.

XXР олимлари Қорахонийлар хоқонлиги ички сиёсатида ишлаб чиқариш, меъморчилик, қурилиш, илм фанни юксалтириш, ички ва халқаро савдо ишларини ривожлантириш каби масалаларга катта эътибор берилган, деган хulosани олға сурадилар. Шунинг билан бирга, улар ушбу давлат фаолиятида худудий кенгайишга қаратилган кўп

урушлар содир бўлганлиги ҳақида сўз юритиб, хоқонлик даврида халқаро алоқаларнинг юксак даражада ривожланганлигини такидлайдилар.

XXР олимларининг фикрича, Қорахонийларнинг ислом динини қабул қилиш ва уни давлат динига айлантириши туркий халқлар орасида мазкур диннинг тез тарқалишига катта туртки бўлган. Бу ҳол уларнинг маданиятига катта таъсир кўрсатган. Ҳаттоқи, уларнинг ёзуви араб алифбосига ўтиши муносабати билан тил талаффузида сезиларли ўзгаришлар юз берган. Шунинг билан бирга туркий тилларга араб ва форс тилининг таъсири ҳам кучайган.

Ушбу китобимизни ёзишда фойдаланилган асарларда кўрсатилишича, Қорахонийлар сулоласининг ғарбий ва шарқий қисмларга бўлиниб кетиши асосан ички сиёсий курашларнинг кескинлашиши натижасида содир бўлганлиги таъкидланади. Шунинг билан бирга хукмрон сулоланинг бўлиниб кетиши Қорахонийлар хоқонлигининг икки қисмга ажralиб кетишга олиб келганли, шундан кейин ташки омиллар таъсирининг кучайганлиги айтилади. Бу борада Ғарбий Ляо (Шиляо) деб номланган қорахитойлар давлати Қорахонийлар ҳокимииятининг заифлашишидан фойдаланиб, унинг ҳаётига чек қўйганлиги кўрсатилади.

ИЛОВА

ҚОРАХОНИЙЛАР ДАВЛАТИ ХОҚОНЛАРИ (қавс ичида таҳтда ўтирган йиллари кўрсатилди)²⁰⁶

1. Кулбилигे Қорахон (840-880) – 15 та уйғур қабилаларига бош бўлиб Еттисуга қўчиб келган Пантегиннинг унвони. Унинг икки ўғли бўлиб, уларнинг бири Бозирхон, иккинчisi Ўғулчак бўлган.

2. Бозирхон (880-910) – Қорахоннинг катта ўғли. Қорахонийлар хоқонлиги таҳтида ўтирганларнинг ҳаммаси шунинг авлодлари ҳисобланади.

3. Ўғулчак (911-920) – Бозирхон вафотидан кейин унинг ўғли кичик бўлганлиги учун укаси Ўғулчак вақтинча хонлик вазифасини бажариб турган. Вэй Лянгтаонинг изоҳлашига кўра, шу оралиқда Бозирхоннинг набираси ҳам қисқа бир вақт таҳтда ўтирган. Кейинги даврларда унинг авлодларидан Қорахонийлар хоқонлиги таҳтида ўтирганлари бўлмаган.

4. Сутуқ Буғрохон (920-955 / 956) – Бозирхоннинг иккинчи ўғли бўлиб, у Буғрохон (Буюк ҳукмдор) унвони билан таҳтда ўтирган. Илк бор ислом динини қабул қилган хоқон ҳисобланади. Шу муносабат билан унга Абдукарим деб исм қўйилган. Унинг икки ўғли бўлиб, каттаси Бойтош (мусулмонча исми Муса), кичиги Тунга Илек (мусулмонча исми Сулайман) бўлган. Анъанага кўра, катта ўғли отанинг ўрнига хоқон этиб тайинланган эди. Аммо унинг умри қисқа бўлгани учун таҳт укаси Сулаймонга қолган. У давлатни Арслонхон унвони билан идора қилиб, ислом

²⁰⁶ Ушбу маълумотлар Вэй Лянгтаонинг «Калаҳан вангчао шигао» номли асари асосида келтирилди [Шу асар. 240-243-б.]. Бўлажак ёш тадқиқотчилар янги манбалар асосида бойитиши ёки ўзгартириши мумкин.

динини Қорахонийларнинг давлат динига айлантирган. Кейиги даврларда ушбу давлат тахтида ўтирган хоқонларнинг деярли ҳаммаси Абдукарим Сутуқ Буғрохоннинг катта ўғли Мусо билан кичик ўғли Сулайманларнинг авлодлари ҳисобланади.

5. Мусо Арслонхон, Муса бинни Абдукарим (956 -?) – Сутуқ Буғрохоннинг катта ўғли. Арслонхон унвони билан тахтда ўтирган. Унинг катта ўғли Сулаймон Ёркент атрофидаги жангда ҳалок бўлган. Турғун Олмос келтирган қорахонийлар хоқонлари рўйхатида 958-970 йилларда Сулаймон Арслонхон тахтда ўтирганлиги акс эттирилган²⁰⁷. Сулаймон Арслонхоннинг ўғли Ҳарун Буғрохон тахтга ўтирмади. Аммо у Али Арслонхонга сомонийларга қарши курашда катта ёрдами кўрсатган.

6. Али Арслонхон, Али бинни Мусо (970 - 998) – Мусо Буғрохоннинг ўғли. Ушбу хоқон даврида қорахонийлар давлатининг ташқи сиёсати фаоллашган.

7. Аҳмат Тўғонхон-1, Аҳмат бинни Али (998 -1016) – Али Арслонхоннинг катта ўғли, кичик ўғлининг исми Мансурхон эди. Ушбу хон даврида шарқда Хўтан давлати, фарбда сомонийлар давлати Қорахонийлар итоатига ўтказилди. Буддо дини эътиқодчилари бўлган Хўтан аҳолиси ислом динига ўтди. Икки йил давомида касал, бўлиб 1018 йилда оламдан кўз юмган. Шу икки йил давомида кичик ўғли Мансур давлат ишларини бошқариб турди.

8. Мансур Арслонхон-II, Мансур бинни Аҳмад (1018 - 1024) – Аҳмат Тўғонхоннинг кичик ўғли.

9. Аҳмад Тўғон-II, Аҳмад бинни Ҳасан (1024-1025) – Али Арслонхонга ёрдамчи бўлган Ҳорун Буғрохоннинг набираси (Ҳасаннинг ўғли).

10. Юсуф Қодирхон, Юсуф бинни Ҳасан (1025-1032) – Ҳасаннинг акаси (Аҳмат Тўғон-2 нинг амакиси).

²⁰⁷ *Турғун Олмос*. Уйғурлар. 576-б.

11. Сулаймон Арслонхон, Сулаймон бинни Юсуф (1032-1040) – Юсуф Қодирхоннинг ўғли. 1040 йилда Қорахонийлар давлати иккига бўлиниб кетди. Бунга ғарбий Илекхоннинг ўғиллари Муҳаммад (1040-1052) ва Иброҳим бинни Носирлар (1052-1068) сабаб бўлди. Шундан кейин у Шарқий қорахонийлар давлатига хоқон бўлиб Қашқарни пойтахт сифатида сақлаб қолди.

Турғун Олмоснинг «Уйғурлар» номли асарида келтирилган қорахонийлар хоқонлари

1. Кулбилигэ Қорахон – 880? - 850
2. Бозирхон – 910-?
3. Сутуқ Буғрохон – 956-920
4. Мусо буғрохон – 956-958
5. Арслонхон – 958-970?
6. Али Арслонхон – 970-998
7. Ахмат Буғрохон 1 – 998-1018
8. Мансур Арслонхон – 1018-1024
9. Ахмат Тўғонхон 2 – 1024-1025
10. Юсуф Қодирхон – 1025-1032
11. Сулейман Арслонхон – 1032-1040

Шарқий Қорахонийлар хонлиги хукмдорлари

Сулаймон Арслонхон (1040-1056).

Мұҳаммат Буғрохон, Маҳмуд бинни Юсуф (1056-1057) – таҳтда 15 ой ўтирганидан сўнг уни катта ўғли Хусаинга берган.

Хусайнин бинни Мұҳаммад (1057-1058) – Маҳмуд Буғрохоннинг катта ўғли бўлиб, у отасининг кичик хотини томонидан таҳтдан четлаштирилган. Таҳтга эса ушбу хотининг кичик ўғли Иброҳимни ўтқизган.

Иброҳимхон, Иброҳим бинни Мұҳаммад (1057-1058, айрим маълумотларга кўра 1058-1059) – Таҳт учун курашда ўлдирилган.

Мұҳаммадхон, Туғрул Қорахон, Маҳмуд бинни Юсуф (1058-1074). Мұҳаммад Буғрохоннинг укаси. Ушбу хоқон даврида Юсуф Хос Ҳожиб «Қутаодғу билик» достонини ёзган.

Умархон, Туғрул Тегин, Умар бинни Маҳмуд (1074) – Мұҳаммадхон (Туғрул Қорахон)нинг ўғли. Таҳтда 2 ойгина ўтирган.

Ҳарун буғрохон-2, Абул Ҳасан Табғоч Буғрохон, Ҳасан бинни Сулаймон (1074-1102 / 1103) – 16 йил давомида табғоч унвони билан тоғаси Мұҳаммадхон (Туғрул Қорахон)нинг ёрдамчиси бўлиб хизмат қилган. Умархон (Туғрул Тегин) таҳта икки ой ўтирганидан сўнг, уни тортиб олган. У илм-фанни ривожлантиришга катта эътибор берган.

Аҳмад арслонхон, Аҳмад Ҳарун Ҳасан – 1102-1128 / 1103-1129) – Абул Ҳасан Табғоч Буғро (Ҳарун буғрохон-2)нинг ўғли, Ғарбий Ляо номланган қорахитойлар давлати қўшинлари билан курашиб ғолиб чиқган.

Иброҳимхон-2, Иброҳим бинни Аҳмад (1128-1158 / 1129-1159) – Аҳмадхоннинг ўғли. У тарихда қобилиятсиз

хон сифатида таърифланади. Айнан у хонлик қилган даврда Шарқий Қорахонийлар хоқонлиги қорахитойларга қарам бўлиб қолган. Ундан кейин таҳтда ўтирган З нафар хон ҳам шу ҳолатда бўлган.

Муҳаммадхон-2, Муҳаммад бинни Иброҳим (? – 1158 / 1159).

Юсуфхон, Юсуф бинни Муҳаммад (? - 1205).

Муҳаммадхон - III, Муҳаммад бинни Юсуф (1205 - 1210/1212).

Ғарбий Қорахонийлар хонлиги хукмдорлари

Муҳаммад бинни Носир (1040-1052)²⁰⁸. Вэй Лянгтао келтирган Ғарбий Қорахонийлар сулолси хонлари рўйхатида ушбу хукмдор кўрсатилмаган.

Иброҳим бинни Носир (Иброҳим Бўри Тегин – 1041-1068), итоаткорхон маъносини англатувчи табоҷочон унвони билан таҳтда ўтирган. Вэй Лянгтаонинг маълумотига кўра, ушбу хукмдор Тавғач Буғроҳон унвони билан таҳтда ўтирган, Аммо кейинчалик секин-аста Қашқардаги Қорахонийлар хоқонидан мустақил бўлиб олган. Унинг ҳукмронлик даврида Самарқанд жуда катта сарой қурилган²⁰⁹.

Носир бинни Иброҳим (Шамс ал-Мулук – 1068 - 1080).

Хизирхон, Хизир бинни Иброҳим (1080-1081).

Аҳмадхон-I, Аҳмад бинни Хизир (1081-1095) – ички курашлар қурбони бўлган. Шундан кейин ушбу курашлар жиддий тус олган бўлиб, ҳокимият тез қўлдан қўлга ўтиб

²⁰⁸ Ушбу хукмдор исми Турғун Олмоснинг «Уйғурлар» номли асарида келтириганд [Турғун Олмос. Уйғурлар. 577-б.].

²⁰⁹ Сиёй тунши (Общая история западных стран). Чжэнчжоу, 1996. С. 275, 283.

турган. Аҳматхон-І нинг вафотидан кейин мамлакатдаги сиёсий вазият ёмонлашиб кетган.

Ёқуб бинни Сулаймон (1089 - ?), Аҳмад бинни Хизир асрга тушиб қолганидан кейин таҳтда ўтирган.

Масъудхон-І, Масъудхон бинни Муҳаммад (1095-1097).

Сулаймонхон, Сулаймон бинни Довуд (1097), Қодир табғочхон унвони билан таҳтда ўтирган.

Муҳаммадхон-І, Маҳмуд Тегин, Маҳмуд бинни Билол (1097 - 1099).

Жаброилхон, Ҳорун бинни Умар (1099 ? - 1102 ?).

Муҳаммадхон-ІІ, Муҳаммад Арслонхон, Муҳаммад бинни Сулаймон (1102-1130, айрим маълумотларга қўра 1132) – Ушбу хон даврида тинчлик барқарор бўлган. Мамлакатнинг иқтисоди ва меъморчилик ишлари ривожланган.

Иброҳимхон-ІІ, Табғоч Буғрохон, Иброҳим бинни Сулаймон (1130, 1132-1132).

Муҳмудхон-ІІ, Маҳмуд бинни Муҳаммад (1132-1141) – Муҳаммад Арслонхоннинг ўғли, Султон Санжарнинг қизи Малик Шоҳ-хатундан туғилган.

Иброҳимхон-ІІІ, Иброҳим бинни Муҳаммад-табғочхон (1141-1156).

Алихон, Али бинни Ҳасан-чўғлуқхон (1156/57 - 1162/63), Ҳасан бинни Алиниң ўғли, илгари Фарғона минтақасидаги Ўзғаннинг хукмдори бўлган.

Масъудхон-ІІ, Масъуд бинни Али, Қилич-табғочхон (1162/63 – 1168/69).

Носир бинни Ҳусайн (1168/69-1172/73).

Муҳаммад бинни Масъуд (1172/73 - ?)

Иброҳимхон-ІV, Иброҳимхон бинни Ҳусайн (1178/79 – XII-XIII асрлар оралифи).

Усмон Буғрохон, Усмон бинни Иброҳим (XII-XIII асрлар оралифи -1212). Қайнотаси Хоразмшоҳ Муҳаммад

томонидан ўлдирилган. Шунинг билан Ғарбий қорахонийлар давлатига якун ясалган.

АСОСИЙ ТАРИХИЙ ВОҚЕАЛАР САНАСИ

(Вэй Лянгтао асари асосида²¹⁰)

840 й. Уйғур ҳоқонлигининг барбод бўлиши, 15та уйғур қабиласининг Еттисувга кўчиши ва Қораханийлар давлатининг ташкил топиши. Сомоний сулоласининг вакили Нух бинни Асаднинг Оқсу қаласини (Байшуй-чэнг 白水城 – Исфанджаб) эгаллаши. Вэй Лянгтаонинг «Калаҳан вангчао шигао» («Қорахонийлар сулоласининг қисқача тарихи») номли асарида кетирилган ҳариталарда ушбу қалъа Сирдарёning юқори оқими жанубида жойлашганлиги кўрсатилган.

893 й. 3-4 ойлар. Сомонийлар давлати ҳукмдори Исмоил ибн Муҳаммаднинг Тараз (Талас) шаҳрини эгаллаши. Қодирхон қўғирчоқнинг Қашқарни пойтахт қилиши.

904 й. Қодирхон қўғирчоқнинг Сомонийлар давлатига қилган ҳарбий юриши.

920-930 йй. Сатук-буғрохоннинг Қодирхон қўғирчок устидан ғалаба қилиши, Қашқар таҳтини эгаллаб буғрохон унвонини қабул қилиши.

933 й. Қорахонийлар сулоласининг ilk бор Қорахитойлар давлатиги элчи юбориши.

940 й. Қорахитойлар ҳукмдорининг Қорахонийлар давлатига элчи юбориши.

942-943 йй. Сатук-буғрохоннинг Болосоғунни эгаллаб олиши.

960 й. Арслонхон Мусанинг ва 200 минг чорвадор туркларининг исломни қабул қилиши.

²¹⁰ Вэй Лянгтао. Калаҳан вангчао шигао. 144-249-6.

971 й. Қорахонийлар сулоласининг Хўтан хонлигига қарши ҳарбий юриши.

982 й. Хўтан қорахонийлар сулоласи назорати остига ўтганидан кейин унда ислом дини ҳукмрон динга айланиши.

990 й. Ҳасан Буғрохоннинг Исфанджаб (хитойча Байшуй-чэнг 白水城 – Оқсу қалъаси, Шуйчэн 水城 деб ҳам аталади) шаҳрини эгаллаши.

992-993 йй. Ҳасан Буғрохоннинг Мовароуннаҳрга (хитой адабиётида Hezhong 河中 – дарёлар оралиғи) қилган ҳарбий юриши, Самарқанд ва Бухорони эгаллаши, кўп ўтмай қўшинларини орқага қайтариши ва унинг йўлда вафот этиши.

994-999 йй. Фарғона, Хўжанд, Илок, Шош, Уструшана ва Бухоро каби шаҳарлар ва улар атрофидаги ерларнинг Қорахонийлар хоқонлиги таркибига киритилиши.

996 й. Арслон Илек Носирнинг сомонийлар хонлигига қарши ҳарбий юриши, салжуқлар билан келишув тузиши.

998 й. Али Арслонхон (Али бинни Мусо)нинг вафот этиши.

999 й. Ғазнавий сулоласинининг қудрат топиши ва Амударёнинг жанубидаги Сомонийлар хонлигига тегишли ерларни эгаллаб олиши.

999 й. 10-ойнинг 23-куни. Арслон Илек Носир сомонийлар пойтахти бўлмиш Бухорони эгаллаши ва Сомонийлар салтанатининг тугатилиши.

1001-1002 йй. Қодирхоннинг Хўтанни буйсиндириши.

1005 й. Қодирхон Юсуфнинг тахт эгаси Тўғонхонни Қашқардан Болосоғунга кеткизиши ва унинг Шарқий қорахонийлар салтанатининг ҳукмдорига айланиши.

1006 й. Илек Носирнинг Ғазнавийлар сулоласига қарши кураши ва мағлуб бўлиши.

1007 й. Илек Носирнинг Ғазнавийлар салтанатига қарши ҳарбий юриши ва 1008 йил 1 ойда Балх ёнидаги жангда мағлуб бўлиши.

1009 й. Қорахонийлар давлатининг биринчи марта Хитойдаги Сунг сулоласи саройига элчи юбориши.

1017 й. Ғазнавийларнинг Хоразмни эгаллаб олиши.

1025 й. Ғазнавийлар ҳукмдори Султон Маҳмуднинг Мовароуннаҳрга ҳарбий юриш қилиши ва Юсуф Қодирхон билан келишув тузиши.

1032 й. Юсуф Қодирхон вафот этиш муносабати билан Торим воҳасининг жанубидаги Қорахонийлар хукмронлигига қарши қуролли қўзғолонлар кўтарилиши.

1035 й. Салжуқларнинг Хуросонда ғазнавийлар қўшинини мағлуб қилиши.

1036-1037 йй. Муҳаммад бинни Носирнинг Ўзганни эгаллаши.

1036 й. Иброҳим табғоҷхоннинг Бухорони эгаллаши ва Али Тегиннинг бутун Мовароуннаҳрни ўз назоратига олиб Ғарбий қорахонийлар салтанатини ташкил этиши.

1039 йилда Али Тегин вафот этиб, унинг ўғли Юсуф бинни Алихон таҳтга ўтириши.

1056-1057 йй. Буғроҳон Муҳаммаднинг Шарқий қорахонийлар таҳтини эгаллаши.

1058 й. Буғроҳон Муҳаммаднинг кичик ўғли Иброҳимнинг таҳтга ўтириши.

1058-1059 йй. Ғарбий қорахонийлар ҳукмдори Иброҳим табғоҷхоннинг Фарғона водийсини ўз назоратига олиши.

1061 й. Ғарбий қорахонийлар сулоласи ҳукмдори Иброҳим бинни Носирнинг (Иброҳим Бўри Тегин – 1052 - 1068) Боғдодга элчи юбориши ва Боғдод халифаси ал-Қайимнинг уни «Малик ал Машриқ ва Чин» («Шарқ ва Чиннинг ҳукмдори») деб эътироф этиши.

1063 й. Шарқий қорахонийлар сулоласининг Хитойга элчи юбориши.

1072 й. Ғарбий қорахонийлар сулоласининг Термиз ва Балхни эгаллаши.

1072 йилда салжуқлар Амударёning жанубий қирғоғида ғарбий қорахонийлар қўшинини мағлуб қилди. Ўша сафарги жангда салжуқлар хонлиги қўшинининг саркардаси ўлдирилганлиги учун салжуқлар қўшини олға силжимади. 1088 йилда салжуқлар хонлиги Бухоро, Хоразм, Самарканд каби қалъаларни ишғол қилди.

1074 й. Салжуқларнинг Мовароуннаҳрга бостириб келиши ва Ғарбий қорахонийлар сулоласи билан келишув тузиши. Фарғона водийсининг Шарқий қорахонийлар сулоласи ихтиёрига ўтиши.

1088 й. Бухоро, Хоразм, Самарканд қалъаларнинг салжуқлар хонлиги томонидан ишғол қилиниши.

1089 й. Салжуқлар ҳукмдори Султон Малик шохнинг Мовароуннаҳри тўлалигича эгаллаши.

1095 й. Аҳматхон (Аҳмад бинни Хизир)нинг ички курашлар жараёнида ўлдирилиш.

1097 й. Шарқий қорахонийларнинг Ғарбий Шя (Шиша 西夏 – 1032-1227) аталмиш танғутлар давлатига қарши ҳарбий юришлари.

1102 й. Шарқий қорахонийлар хонлигининг Маворауннаҳрга қўшин юбориб Термизни эгаллаши ва салжуқлар томонидан мағлуб этилиши.

1128 й. Шарқий қорахонийлар ҳукмдори Арслонхон Аҳмаднинг қўшинлари Қорахитойлар куролли кучи билан бўлган жангда ғалаба қилиши.

1139-1040 йй. Хоразм қўшинларининг Бухорни эгаллаши.

1156 й. 1-2 - ой. Ғарбий қорахонийлар ҳукмдори Табғочхон Иброҳим бинни Муҳаммад билан қарлуқлар сардори Алиёрбек ўртасида содир бўлган тўқнашув.

1156 й. Мавороунахрни идора қилиш ҳукуқининг йўзган сулоласи қўлига ўтиши.

1158 й. Ғарбий қорахонийлар ҳукмдори Али-чўғлуқхон (Али бинни Ҳасан-чўғлуқхон)нинг қарлуқлар сардорини ўлдириши, хоразмликларнинг қарлуқларни қўллаб-куватлаши. Ғарбий ва Шарқий қорахонийлар хонликлари ўртасида битим тузилиши.

1158 (?) й. Ғарбий қорахонийлар сулоласининг қорахитойлар ҳукмдори талабига биноан қарлуқларни Қашқарга кўчириши.

1211 й. Қорахитойлар давлатининг тугатилиши. Шарқий қорахонийлар ҳукмдори Муҳаммад бинни Юсуфнинг ўлдирилиши ва хоқонликнинг тарихий сахнадан йўқолиши.

1212 й. Самарқандда қўзғолон кўтарилиши. Хоразм ҳукмдори Муҳаммадшохнинг Самарқандни эгаллаши, Усмон Буғрохон (Усмон бинни Иброҳим)нинг ўлдирилиши ва Ғарбий қорахонийлар давлатининг тугатилиши.

Қорахонийлар давлатининг пойтахти Қашқар

Қашқар (Кошғар, Ўрдукент) қадимги Буюк ипак ўйлидаги қўхна савдо ва маданият маркази сифатида дунёга танилган. Қадимда Сувли, Сулуғ, Су боши, хитой манбаларида Сулэ деб номланган. Сули топонимининг маъноси серсув демакдир. Ҳақиқатдан ҳам у Тарим воҳасидаги сув манбаига энг бой вилоятдир. Қашқар топоними VIII асрда пайдо бўлган²¹¹. XXРда нашр этилган хариталарда Кухна Қашқар ҳали ҳам Сулэ, деб номланади. Иброҳим Мутий ва Адил Муҳаммат каби уйғур тарихчиларининг фикригига кўра, Қашқар топоними

²¹¹ Ван Чжилай. Чжунъя шиган (Очерки истории Центральной Азии). Чанша, 1986. 66-б.

нефрит кони маъносига эга бўлган қошқар сўзидан келиб чиқкан, қадимги уйғур тилида битилган ёдгорликларда Қошқар номи Қошбалиқ, яъни нефрит тоши (уйғурча қош тоши) шахри шаклида учрайди²¹².

Жуғрофик нуқтаи назардан қараганда, Қашқар Помирнинг шарқий этагидаги қадимий карвон йўли чорраҳасида жойлашган. Шаҳар атрофида жуда кўп кичик кентлар ва қишлоқлар бўлган. Сўнги даврларда олимлар томонидан қўлга киритган археологик топилмаларга асосланганда, ҳозирги Қашқар шаҳридан 175 км нарида (шарқий томонида) жойлашган Макит номли кентда илк тош (палеолит) даврига тегишли тош қуроллари топилган²¹³.

Давримизгача етиб келган қадимий хитой манбалиридан бири бўлган «Му-Тянзи чжуан»²¹⁴ (穆天子傳 – «Тангри ўғли Му ҳакида баён»)²¹⁵ номли асарда

²¹² Адил Мұхәммәт. Қәдимки Қәшқәрниң тарих-жуғрапияси (2). (Историческая география древнего Кашгара. 2 книга). Қәшқәр, 2007. 293-294-б.

²¹³ Сиёй тунши (Фарбий мамлакатларнинг умумий тарихи). Җээнчжоу, 1996. 3-8-б.; Адил Мұхәммәт. Қәдимки Қәшқәрниң тарих-жуғрапияси (2). Қәшқәр, 2007. 3-б.

²¹⁴ «Му-Тянзи чжуан»нинг сақланиб қолган матни иероглифларнинг ҳозирги замон шакли билан 1987 йилда Йингчуан (Нингшя ўлкаси) шаҳрида нашр этилган «Гу шишинг жи» («Қадимги ғарбий саёҳатлар хотиралари тўплами») деб номланган китобнинг 1-26-бетларида келтирилади. Асарнинг ўзи милодий III асрда милоддан олдинги V-III асрларга оид қабр ичидан топилган [Гу шишинг жи. 6-б.].

²¹⁵ «Му-Тянзи чжуан»нинг сақланиб қолган матни иероглифларнинг ҳозирги замон шакли билан 1987 йилда Йингчуан (Нингшя ўлкаси) шаҳрида нашр этилган «Гу шишинг жи» («Қадимги ғарбий саёҳатлар хотиралари тўплами») деб номланган китобнинг 1-26-бетларида келтирилади. Асарнинг ўзи милодий III асрда милоддан олдинг V-III асрларга оид қабр ичидан топилган [Гу шишинг жи. 6-б.].

Қашқарнинг номи, Дзеуна / Dzeu-na (замонавий хитой тили талафғузида Цаону / Tsaonu, Caonu 曹奴 – Кўкаламзор) шаклида учрайди. Ушбу асар эса Муман²¹⁶ (Му-Тянзи – Тангри ўғли Му, Му-ванг – ҳукмдор Му деб ҳам номланади) исмли ҳукмдорнинг мил. авв. 989-988 йилларда амалга оширган ғарбий сафарига бағишиланган.

Қадимги Хитойнинг биринчи элчиси Чжанг Чян мил. авв. 138-116 йиллари Фарғонага келган даврда ушбу шаҳар анча юксак маданиятга эга бўлган Сулэ давлатининг маркази бўлиб, унда 1500 тутун ёки 18647 киши яшаган. I-II асрларда Сули аҳолисининг нуфузи 21000 тутун ёки 30000 кишидан ортиқ бўлган²¹⁷.

Ислом динига қадар Қашқар будда дини марказларидан бири сифатида дунёга машҳур бўлган. Шу боис Ҳиндистонга борган хитой буддист сайёхлари Қашқарни зиёрат қилмай, уни айланиб ўтиб кетмаган. Ислом дини ҳукмрон динга айлангандан кейин Қашқар ислом маданияти марказларидан бири сифатида танилган.

Қашқар шаҳри жойлашган вилоят Помир тоғларининг шарқий этагидаги кўкаламзор ва серсув, иқлими мўътадил, қатнов учун чорраҳа вазифасини ўта оладиган ўтрок ҳаётга мос текисликдир. У қадимги Буюк ипак йўлидаги муҳим бир савдо ва маданият маркази сифатида гавдаланган.

Ўзбекистон ҳудудидан ўтган энг қадимий катта ипак йўли Фарғона ва Ўш каби шаҳарлар орқали Помир довонларидан ўтгандан сўнг албатта Қашқар орқали Такламакон чўлининг жанубий ёки шимолий томонидан айланиб, қадимий Хитойнинг маркази Чангъанга борган.

²¹⁶ Муман (денишманд маъносини англатади) мил. авв. 1122-247 йилларда мавжуд бўлган Циэу (замон. ўқил. Чжоу / Zhou 周)²¹⁶ номли хонлик ҳукмдори булиб, у мил.авв. 1001-945 йилларда яшаган. Ушбу хонлик Ўрдўстда, яъни қадимда туркий қабилалар яшаган жойда шаклланган. Аслида унинг асосчиларининг келиб чиқиши хитойларга (ханъ этносига) тегишли бўлмаган.

²¹⁷ Ходжаев А. Великий шелковый путь: связи и судьбы. 237-б.

IX асрнинг ўрталаридан XIII асрнинг иккинчи ўн йиллигига қадар Қашқар қорахонийлар хонлигининг пойтахти бўлиб, у шу даврда нафақат халқаро савдо, ислом дини, балки илм-фан марказларидан бирига айланган.

Ғарбий Қорахонийлар давлати пойтахти Самарқанд

Самарқанд Буюк ипак йўлидаги қадимий шаҳарлардан биридир. Суғд манбаларида у Smarakanve, қадимги грек олимлари асарларида Мароканд номланган. Ўрта асрларда шимол томонда яшайдиган халқлар Семизкент деб ҳам аташган. Шу даврга тегишли суололар тарихларида ва сафарномаларда Канг (康), Самоцзянь (飒秣建, 萨末鞬), Сиваньцзинь (悉万斤 – Семизкент атамасининг хитойча транскрипция) шаклида ҳам учрайди.

Самарқанднинг номи хитой манбаларида илк бор қачон учрайди деган савол устида гап кетганда, шуни эслаб ўтиш жоизки, аввал нашр этилган асарларимизда²¹⁸ айтиб ўтилганидек, юқорида тилга олинган «Му-Тянзи чжуан» «Тангри ўғли Му ҳақида баён»)да Самарқанд Кивенғон (Kiwen-yan 鄭韓, замонавий хитой тили талаффузида Жюанхан / Juan-han) шаклида учрайди.

²¹⁸ Ходжаев А. О реальности путешествия Му в 989-988 гг. до н.э. // «O‘zbekiston – Xitoi tarixiy-madaniy, ilmiy va iqtisodiy aloqalar rivoji» mavzusidagi xalqaro ilmiy-amaliy konferensiya materiallari. 17 noyabr 2018 yil, Toshkent. С. 230-235; Ходжаев А. Каримова Н.Э. Сведения китайских источников по истории государственности Центральной Азии (переводы и исследования). «Фан», 2019. 11-70-б., Хўжаев А. Қўлдашев Ш., Жуманиёзова Ф. Марказий Осиё давлатчилик тарихига оид маълумотлар (Хитой манбалари асосида). Тошкент, «Фан», 2019. 17-51-б. Ушбу икки китобда «Му-Тянзи чжуан»нинг даврамизгача сақланиб қолган 4 бобининг русча ва ўзбекча изоҳли таржималари келтирилган.

«Му-Тянзи чжуан»дан кейинги бир неча асрлар давомида битилган хитой манбаларида Самарқандга оид маълумот учрамайди. Ҳар ҳолда, ҳозирча учрагани йўқ. Сабаби, Ғарбий Хан империяси милоддан аввалги 139 йилда Чжанг Чянни²¹⁹ Бақтриядаги Дай-рузие (Да-юэчжи – Буюк Ўғузия)²²⁰ хонлигига юборгунга қадар хитойлардан ҳеч ким келмаган. Чжанг Чян ушбу хонликка мил. авв. 128 йилда қадимий Фарғона давлати орқали етиб келган. Унинг олиб келган маълумотлари сарой тарихчиси Сима Чян томонидан битилган «Шижи» («Тарихий хотиралар») номли асарнинг Фарғонага бағишлиланган қисмида келтирилади. Бироқ унда Самарқанд тилга олинмайди.

Самарқанд Кангкия давлати доирасида бўлганлиги сабабли бўлса керак, милоддан олдин II асрда Фарғона ва унинг жанубий томонидаги Дай-рузие (Да-юэчжи – Буюк Ўғузия) давлатларига борган илк хитой элчиси Чжанг Чян Самарқанд ҳақида маълумот бермаган. Ҳар ҳолда унинг ҳисоботи асосида расмий тарихларга киритилган маълумотларда Самарқандга оид хабарлар учрамайди.

²¹⁹ Чжанг Чянга (張騫 / 张骞, русча транскрипцияда Чжан Цянь, яшган даври мил. авв. 166-114 йилларга тўғри келади) Кушон давлати ташкил топгунга қадар Бақтрия ва унинг атрофидаги жойларда юз йилдан зиёд вақт давомида мавжуд бўлган Дай-рузие (Да-юэчжи – Буюк Ўғузия) хонлигини Хан империяси билан бирга ҳунларга қарши курашишга даъват этиш вазифаси топширилган эди. Чунки Хан сулоласи мил. авв. 176-174 йилларда ҳунлардан мағлуб бўлиб, Шарқий Туркистондан чекиниб, яrim асрдан сўнг Бақтрияга бориб жойлашган рузие (юэчжи)ларда қасос олиш нияти бўлиши мумкин, уларни ўзимизга иттифоқдош қилиб олишни таклиф қилсак, рози бўлиш эҳтимоли бор, деган фикрга келган. Лекин Дай-рузие (Да-юэчжи) хукмдори бу таклифни қабул этмаган [Ханшу. 1957(749)-б.].

²²⁰ Ходжаев А. Из истории древних тюрков (сведения древне-китайских источников). Алматы, 2011.

Самарқанд Кангкия (замон. ўқ. Кангжюй 康居) давлати доирасидан чиқиб, мустақил хонлик марказига айланганидан сўнг у йирик шаҳарга айланган. Шундан кейин унга Хитойдан келган элчилар ва будда дини роҳиблари ўз асарларида мазкур шаҳар ҳақида фикр билдирамасдан ўтмаганлар.

Чунончи, VII асрнинг иккинчи чорагида Самарқанд давлатини зиёрат қилган будда дини роҳиби Шюан Зангнинг²²¹ асарида шу даврда унинг ҳудуди айланмасига 980 километрга яқинлиги, у шарқдан ғарбга қараб чўзилган, пойтахт шаҳрининг катталиги айланмасига 11.5 километрдан зиёдлиги, шаҳар деворлари мустаҳкамлиги, қўшинлари кучли ва жанговор бўлганлиги таърифланган. Бундан ташқари раҳиб асарида қуйидаги сўзлар учрайди.

«Самарқанд (Самуожян) ... йирик давлат ҳисобланади. Пойтахт шаҳрининг [ҳудуди] айланмасига 20 ли (11.52 км)дан зиёд ва [унинг деворлари] ниҳоятда мустаҳкам, аҳоли нуфуси катта. Ҳар жойлардан олиб келинган қимматбаҳо моллар шу ерга йиғилган. ... Турли давлатлардан келган ҳунармандлар талабга қараб, фурсатни бой бермай ишлашади... Бу ерда барча хорижий мамлакатлар одамлари учрайди»²²².

Самарқанд ҳақида хабар берадиган яна бир сафарнома «Ду Хуан жингшинг жи» (杜环经行记 – «Ду Хуан борган ва юрган жойлар хотираси»)²²³ номли асар ҳисобланади.

²²¹ Шюан Занг (Xuan Zang 玄奘 – 596-664) Ҳиндистонга бориб, 17 йил туриб қайтган будда дини роҳибидир. Самарқанддан у 630 йилда ўтган.

²²² Гу шишинг жи. 71-72-б.

²²³ Асар аввалига «Жингшинг жи» (经行记 – «Борган ва юрган жойлар хотираси») деб номлаган. Кейинги давр тарихчилари унинг олдига муаллифнинг фамилияси ва исмини қўшиб, уни «Ду Хуан жингшинг жи» деб номлаганлар. Асарнинг сақланиб қолган қисми юқорида тилга олинган «Гу шишинг жи» («Қадимги ғарбий сафарлар хотиralари») номли тўпламга киритилган.

Асарнинг муаллифи Ду Хуан (杜环 – туғилган ва ўлган вақти номаълум) 751 йилда араблар ва хитойлар орасида юз берган жангда асирга тушиб қолган зобитлардан бири. У 12 йил давомида Туркистоннинг турли жойларида ва араб мамлакатларида бўлган. 762-763 йилларда озод бўлиб, денгиз йўли орқали Хитойнинг жанубий порт шаҳри Гуангчжоуга қайтган ва шу ерда кўрганларини ёзиб чиқкан. Шунинг учун Ду Хуаннинг сафарномаси 763-765 йилларда ёзилган, деб ҳисобланади.

Сафарномада Самарқанд ҳақида қуидагилар ёзилган:

«Канг давлати²²⁴ ... Самуожян (Самарқанд) деб ҳам номланади, ерлари ҳосилдор, одамлари кўп, лекин мамлакат катта эмас. Унда оловга сифинувчилар ибодатхонаси бор, давлат ишлари билан шуғулланувчилар шу ердан чиқар экан»²²⁵.

766-801 йилларда ёзилган Ду Юнинг қаламига мансуб «Тунгдян»да бизгача етиб келмаган ва Вэй Же (русча транскрипцияда Вэй Цзе 韦节) исмли бир сайёҳ қаламига мансуб бўлган «Шифан жи» (西蕃记 – «Ғарбдаги қўшни мамлакатлар хотираси») номли асаддан лавҳа келтирилади. Унда қуидагилар ёзилган:

«Канг ҳокимлигининг одамлари савдо ишларига пишиқ, болаларни 5 ёшидан ўқитишади, ёшлигидан савдо ишларига ва фойда олишга ўргатишади. [Улар] ашула айтишни яхши кўради. Янги йил 6-чи ойнинг биринчи кунидан бошланади. Янги йил куни хукмдорлар ва фуқаролар янги кийим кийишади, соқол-

²²⁴ Хитой манбаларининг гувоҳлигича, Самарқанд давлати (Канг - гуо 康國) V асрнинг 30 йилларида ташкил топган, барҳам топиши эса VIII асрнинг иккинчи ярмига тўғри келади [Ходжаев А. Сведение китайских источников о государстве Самарканда (Канг-гуо) // «Материалы научно-практической конференции «Актуальные проблемы китаеведения: Вопросы филологии, политики, экономики и философии». Ташкент, 2007. С. 106-113].

²²⁵ Гу шишинг жи. 133-б.

мўйловларини ясатиб, тараб юришади. Пойтахтнинг шарқий томонидаги дараҳтзорда 7 кун давомида от чопиш ўйини бўлади, охирги куни битта тилло тангани осиб қўйиб, унга ўқ-ёй отиб теккизиш мусобақаси ўтказилади. Тангага ўқ теккиза олган киши бир кун давомида тахтга ўтказилади. Тангрига қаттиқ эътиқод қиласи ва барча ишларида ундан мадад сўрайди»²²⁶.

Самарқанд ҳақида «Шилю лу» (西游录 – «Ғарбий саёҳат хотиралари») номли сафарномада ҳам маълумот бор. Ушбу асар 1218 йилда Чингизхон Туркистонга ҳарбий юриш қилганида унга маслаҳатчи сифатида ҳамроҳ бўлган ва этник келиб чиқиши қиданларга (қорахитойларга) мансуб Елюй Чуцай (1190-1244 йилларда яшаган) қаламига тегишлидир. Асарда Ғарбий қорахонийлар давлати тугатилгандан кейинги Самарқанд ҳақида қуидагилар ёзилган.

«Ўтрор (Йедала)²²⁷ нинг ғарбий томонида минг ли²²⁸ (576 км)дан зиёд нарида бир йирик шаҳар мавжуд. У Семизкент (Шюнсиган) деб номланади. Ғарбликлар тилида бу семиз демакдир. Унинг ерлари серҳосил бўлганлиги сабабли шундай аталган экан. Ғарбий Ляо [одамлари, яъни қорахитойлар] ушбу шаҳарни Хэчжунг-фу (Дарёлар

²²⁶ Ду Ю. Тунгдян (Қонунлар ва урф-одатлар баёни). З жилдан иборат. Чангша, 1995. З-жилд. 2737-б.

²²⁷ Йедала (Ye-da-la 谶打刺) – қалъа номи бўлиб, Хитой олимларининг изоҳларига кўра, у Арис дарёсининг Сирдарёга келиб қуиладиган жойга яқин бўлган. Ушбу топоним Ўтрор шаҳрига тўғри келади, деган фикр ҳам мавжуд. Хитой манбаларида у Вудалаэр (Wu-da-la-er 兀答刺儿), Вуотуолуоэр (Buo-tuo-luo-er 韩脱罗儿), Вутилаэр (Wu-ti-la-er 兀提刺儿) деб турлича транскрипция қилинади [Гушишинг жи. 184-б.]

²²⁸ Ли (里) – ўтмишда хитойда масофа узунлигини ўлчаш учун ишлатилган бирлик белгиси. У 0.576 метрга teng бўлган. Айни замонда ушбу ўлчов бирлиги 500 метрга тенглаштирилган.

оралиғидаги марказий шаҳар)²²⁹ деб аташган. ...Семизкент ахолисининг нуфуси катта. Унда ўртасида тешиги йўқ тилла ва мис тангалар ишлатилади. Атрофидағи бир неча ўн ли (576 м) масофали ерларнинг ҳаммаси боғлар ва дарахзорлардан иборат. Уйлар ҳовлили, ҳовлилар эса манзарали, бир қарашда қушларнинг учиб юриши, булоқлардан ҳосил бўлган ариқ сувлари ҳовузларни тўлдириб турганлиги, кипарис ва мажнунтоллар бирбирига тулашиб кетганлиги, шафтоли ва нок дарахтлари қатор-қатор тизилиб кетганлиги яққол кўриниб туради. Қовунларининг катталиги отнинг бошидек, шакли чўзинчоқ. Тариқ, майда гуруч²³⁰ ва дони йирик ловиялардан ташқари ҳамма зироат экилади. Айни ёз фаслида ёмғир ёғмайди, экинлар ариқлар орқали олиб келинган сув билан суғорилади. 0.14 га (2 му 亩) ердан анчагина ҳосил олиш мумкин. Узумни ачитиб, мусаллас қилишади, унинг ҳиди Чжунгшан²³¹ ароғини эслатади. Бу ерда тут дарахти ўсади, ипакчилик билан шугулланувчилар бор, шунинг учун пилладан ипак йиғиб олиб, мато тўқишишади, [ундан тикилган] кийимлар ялтираб туради. Махаллий халқ оқ

²²⁹ Хэчжунг-фу (河中府) – ушбу атаманинг биринчи бўлагини ташкил этган икки иероглиф «дарёнинг ўрта қисми» манъносини англатади, унинг иккинчиси, яъни «фу» сўзи мавқеи вилоят марказидан пастроқ, ноҳия марказидан юқорироқ бўлган шаҳарга берилган даражани англатади.

²³⁰ Гуручнинг Хитойда ўсадиган дони майда бир нави.

²³¹ Чжунгшан (中山) – Ҳозирги XXРнинг Хэбэй ўлкасидаги, аниқроғи Пекин шаҳрининг шимоли-шарқий томонидаги бир вилоят номи бўлган. Ушбу топонимнинг пайдо бўлган вақти милоддан аввалги III-V асрларга бориб тақалади. Илк бор у биак-диеқ биак-тиек (бай-ди 白狄 – гарбий турк демакдир) деб номланган турклар томонидан ташкил этилган хонлик номи сифатида юзага келган [Цихай (Сўзлар денгизи). 6-нашр. Шангхай, 1985. 1406-б.; Ходжаев А. Из истории древних тюрков... С. 42-43].

кийимни байрам, яшил рангли кийимни эса мотам либоси деб билишади. Шунинг учун ҳамма оқ рангли кийимда юради»²³².

Келтирилган маълумотлардан кўриниб турибдики, Ғарбий қорахонийлар давлати пойтахти бўлишидан аввалги 2-3 аср давомида Самарқанд йирик халқаро савдо марказига айланган. Ушбу давлат ҳукмронлиги даврида унинг ривожланиши яна ҳам юксалган.

Чжунггуо ва Хитой топонимлари

Айни замонда «Чжунггуо» (Zhongguo 中国) атамаси Хитой Халқ Республикасининг қисқача номи сифатида ишлатилади. Аслини олганда ушбу топоним милоддан аввалги даврларда пайдо бўлган. Ушбу топоним муомалага киришидан олдин қадимги хитойлар ўзларининг мамлакатини «Тучжунг» (Zhongtu 土中), «Чжунгту» (Tuzhong 中土), деб аташган эди. Ушбу атамалар марказдаги ер маъносини англатган бўлиб, уларнинг пайдо бўлиши хитойларнинг ўша замондаги дунё ҳақидаги тафаккури билан бевосита боғлиқдир.

Шу даврдаги «Чжунггуо»нинг худуди Хуангхэ (Қорамурон) ²³³ дарёсининг қуи оқими ва Ўрдўснинг жанубидаги Вэйхэ дарёси билан Янзи (Чангжянг дарёси) оралиғида жойлашган. Ҳозирги Шиан (рус тиллик

²³² Гу шишинг жи. 180-181-б.

²³³ Қадимий турклар Қорамурон, хитойлар Хаунгхэ деб номлаган ушбу дарё *Буюк дарё* маъносини англатган. Айни замон хитой тилида хуанг (黃) иероглифи сариқ ранг маъносида қўлланилади. Қадим замонда у буюкликни билдирган. Хитой манбаларида келтириладиган афсонавий ҳукмдор унвони ҳисобланган «Хуангди» (Huangdi 黃帝) ҳам *буюк ҳукмдор* маъносини билдирган. Мил.авв. III асрнинг охирги чорагидан бошлаб муомалага кириб келган «хуангди» (император) унвонини ёзиш учун шу маънони белдирувчи бошқа *хуанг* (皇) иероглифи ишлатилган.

адабиётларда Сиань 西安) шаҳрининг шарқий томонидаги Лоянг (Luoyang 洛阳) шаҳри унинг маркази ҳисобланган²³⁴.

Шу замонда хитойлар ўзларнинг атрофидаги мамлакатларни дунё чеккаси (фанг 方) ёки атрофдаги мамлакатлар (фанггуо 方国), ўз юртини эса унинг маркази деб тушунган эди. Кейинчалик «Тучжунг» (土中), «Чжунгту» (中土) хитойларнинг ilk аждодлари бўлмиш шялар томонидан Хуангхэ дарёсининг қуи оқимининг жанубий томонида ташкил этган давлат номига айланган. «Чжунггуо гужин диминг дацидян» («Хитойнинг қадимдан ҳозиргача бўлган ер номлари луғати»)да атамага «Чжунггуо хитойлар ватанининг маҳаллий номидир. У қадим замонда Хуангхэ дарёси атрофида ташкил топган бўлиб, унинг тўрт томони мянйи (қадим. ўқ. мянйей)²³⁵ ва рунгди (қадим. ўқ. ривем-тиек 戎狄)²³⁶лардан иборат эди. Хитой давлати ўртада жойлашганлиги туфайли шундай ном қўйилган. У Чжунгхуа деб ҳам аталади»²³⁷, деб шарҳ берилган. «Цихай» луғатида баён этилишича, «Дастлаб ушбу давлат ҳозирги Хэнан ўлкаси ва унинг атрофидаги ерларда жойлашган. Кейинчалик шялар, яъни ханзулар яшаган ерларнинг доираси кенгайгандан сўнг Хуангхэ дарёсининг ўрта ва қуи оқими қирғоқлари Чжунггуо деб

²³⁴ Чжунггуо дабайкэ чюаншу. Чжунггуо лиши. (Хитойнинг ката энциклопедияси. Хитой тарихи). Пекин, 1997. 1407- б.

²³⁵ Мянйи – қидимги хитойлар ўзларининг жанубий томонидаги халқларга нисбатан ишлатган атама ҳисобланади.

²³⁶ Рунгди атамаси от, чавандоз, чжангчи маъносини англатувчи рунг ва турк сўзининг қадимги транскирипцияси бўлмиш тиук, диаук (ҳозирги ўқилишда ди) каби икки сўздан ташкил топган ва хитойлар орасида кенг қўлланилган этнонимдир. Рунгди этнонимини турк чавандозлари, деб таржима қилиш асосли бўлади.

²³⁷ Чжунггуо хуэйзу дацидян (Хитой мусулмонлари катта луғати), Йингчуан (Жянгсу), 1992. 134-б.

аталди»²³⁸. Шундан бери Чжунггуо топоними доимий равиша ишлатиб келинмоқда. Қадимда Чжунггуонинг худуди Хуанхэ дарёсининг қуи оқими жанубидаги ерлардан ташкил топган бўлса, ҳозир унинг худуд доирасига Маньчжурия, Ички Монголия, Шарқий Туркистон, Тибет каби мамлакатлар киради. Айни замонда Чжунггуо топоними 1949 йилда ташкил топган ва «Чжунгхуа Ренмин Гунгхэгуо» (Хитой Халқ Республикаси) деб аталиб келаётган давлатнинг қисқартирилган номи ҳисобланади²³⁹. Шундан маълумки, ўтган икки минг йилдан ортиқ давр давомида «Чжунггуо» топонимининг жуғрофий маъноси хитойлар назоратига ўтган ерларнинг кенгайишига қараб ўзгариб борди.

Хитой атамаси давлат ва халқ номи сифатида рус ва Марказий Осиё халқлари тилида кенг тарқалган. Аслини олганда ушбу атама ҳозирги даврда унинг билан аталадиган давлат ва халқ номидан келиб чиққан эмас. Хитой атамаси қадимда ҳозирги ХХРнинг шарқий-шимолий қисми бўлмиш Манчжурияда (Дунгбэй – шимоли-шарқ деб ҳам аталади) яшаган ва кейин ғарбга қараб кўчган қитон (рус адабиётида кидань, хитой манбаларида қидан) этноси номидан келиб чиққан. Мусулмон манбаларида ушбу атама хитой, хатай (hatai), Еврўпа адабиётларида катай, ката, кацай (catai, cata, cathai) шакли учрайди²⁴⁰.

Этимологик жиҳатдан олганда, гарчи қитон атамаси пўлат, қилич, кесиш, совуқ каби маъноларни англатса ҳам, у аслида авлод бошлиғи исмидан келиб чиққан²⁴¹.

²³⁸ Чжунго дабайкэ чюаньшу. 1407-б.

²³⁹ Чжунггуо дабайкэ чюаньшу. 1407-б.

²⁴⁰ Цихай (Сўзлар денгизи). Шанхай, 1979. 114-б.

²⁴¹ Гу Бао. Гудай Шинжянг ди йингюэ удао юй гудай шэхуэй (Қадимги Шинжянг мусиқаси, рақслари ва жамияти). Пекин, 1987. 432-433-б.

Айрим маълумотларга кўра, қитонлар ҳунлардан келиб чиқкан. Иккинчи маълумотларга кўра, уларнинг келиб чиқиши сянбиларга бориб тақалади. Аммо ҳунлар ва сянбиларнинг келиб чиқиши қадимги турклар (тиук, замонавий ўқилишда ди) билан боғлиқдир²⁴². Шунинг учун, қитонларнинг келиб чиқиши қадимий туркларга бориб тақалади дейиш хато бўлмайди.

Хитой манбаларининг гувоҳлигига кўра, Ҷидан (қитон, кидань) этноними IV асрда пайдо бўлган. Аммо ушбу этноним билан аталганларнинг кучайиши X асрдан бошланди. Шунгача бўлган бир неча аср давомида қитонлар сон жиҳатдан улгайиб борди. X асрда улар сивандан, хэдахэ, фуфоюй, юйлинг, рилян, пиже (писе), ли, тулююй каби 8 қабилани ташкил этди²⁴³. Булар одатда қадимий 8 қитон қабилалари деб ҳам аталади. Шу даврда қитонлар асосан Манчжурияда (Дунгбэй) яшаган. 907 йилда Елюй Абожи етакчилигига аввалига Қитон (Чидань, Цидань) кейинчалик Ляо деб номланган давлат (907-1125) ташкил этди ва ўз худудини ҳозирги Шарқий Монголия ва Ички Монголия ҳисобига кенгайтирди. 916 йилда Елюй Абожи ўзини император деб эълон қилди. Шунинг учун кўп ҳолларда қитонлар давлатининг ташкил топган вақтини 916 йил, деб кўрсатилади.

1124 йилларда қитонлар ўзининг таъсир доирасини ғарб томонга қараб кенгайтирган. Шунда қитонлар давлатининг худуди Иртиш дарёсининг юқори оқимларигача етиб борган. XII асрнинг бошларида ушбу давлат-нинг ички вазияти мураккаблашиб қолди. Фурсатдан

²⁴² Хитой манбаларидаги замонавий талаффузда ди, рунг-ди деб номланганлар бундан 3-4 минг йил илгари мавжуд бўлган ва хитойларнинг шимолий ҳамда ғарбий томонидаги қўшни турклар эди [Ходжаев А. Из истории древних тюрков... Алматы. 25-55-б.].

²⁴³ Гу Бао. Гудай Шинжяңг ди йингюэ удао юй гудай шэхуэй. 434-б.

фойдаланиб Манчжурияда яшовчи ва қитонлар итоатида бўлган нюйчжэн номли қабилалар иттифоқи бош кўтарди. 11 йиллик кураш давомида нюйчжэнлар қитонлар ҳокимиятини ағдариб ўзларининг Цзинь (Олтун) деб номланган давлатини ташкил этди. Қитонларнинг аксарият қисми ҳукмрон сулола аъзоларидан бири бўлган Елюй-Даши (Елидош) исмли амалдор бошчилигида ғарбга кўчиб бориб Монголия ҳудудидаги Хатун (Кэдун – ҳозирги Монголиянинг Чяобашань шаҳри) шаҳрини марказ қилган ҳолда ўз давлатини тикламоқчи бўлди. Аммо шарқ томондан келаётган хавф туфайли у бу мақсадига эришолмади. 1132 йилда Елюй Даши Эмиль (Емиличэн) шаҳрини асос қилиб давлат ташкил этишга ва ўзини Гўрхон (хонлар хони маъносини англатади) деб эълон қилишга эришди. Шундан кейинги 10 йил ичида Елюй Даши Турфон хонлиги (Гаочан давлати), Шарқий ва Ғарбий Қорахонийлар давлати, ҳамда Хоразм давлати устидан ўз назоратини ўрнатди²⁴⁴. Мана шу даврда қайта тикланган қитонлар давлати «Ғарбий Ляо» (Шиляо – 1124-1211), мусулмон манбаларида Қорахитой (Буюк хитойлар демакдир) давлати деб номланган. Мазкур давлатнинг ҳудуди дастлабки даврда шарқда Тула, ғарбда Эмил дарёлари оралиғидаги жойларни ўз ичига олган²⁴⁵. Кейинчалик унинг таъсир доирасига ғарбда Орол денгизи бўйигача бўлган жойлар кирган. 1218 йилда ушбу давлат мўғуллар томонидан тор-мор қилинганидан сўнг қорахитойлар ҳар қаёққа тарқаб кетди. Уларнинг аксарият қисми Туркистон халқлари орасига сингиб кетди. Ўзбекистон ҳудудида хитой ва қорахитой атамалари билан боғлиқ бўлган топоним ва этнонимларнинг сақланиб қолиши мазкур воқеа билан бевосита алоқадордир.

²⁴⁴ Ҷунггуо дабайкэ чюаншу. 39-б.

²⁴⁵ Ўша жойда. 39-б.

Уйғур этнонимининг этиологияси ҳақида қисқача тушунча

Ушбу китобимизни ёзиш учун жалб этилган XXР олимлари асарларида *уйғур* этноними кўп тилга олинади ва Қорахонийлар хоқонлигини ташкил этишда ҳамда ривожлантиришда уларнинг хиссаси катта бўлганлиги таъкидланади. Шу билан бирга ушбу атаманинг этиологияси, унинг билан номланганларнинг этник таркиби ҳақида турлича қарашлар мавжудлиги айтилади. Шуни инобатга олиб аввал нашр этилган тадқиқотларимиз асосида мазкур масалага қисқача тушунтириш бериб ўтиш лозим топилди.

Уйғурлар туркий халқлар ичидаги энг қадимиylаридан бири эканлигини ва уларнинг дунё цивилизацияси, Марказий Осиё, хусусан Буюк ипак йўли тарихида муҳим ўрин тутганлиги кўп олимлар томонидан эътироф этилган. Бу борада Россия ва Европа олимларининг ишлари салмоқли ўрин эгаллайди. Уларнинг мазкур масала юзасидан баён этган фикр-мулоҳазалари 1991 йилда Олмаота шаҳрида нашр этилган «Краткая история уйгуров» («Уйғурларнинг қисқача тарихи») номли асарда батафсил таҳлил қилинган²⁴⁶.

Кейинги 30-40 йил давомида дунё олимларининг уйғурлар тарихига оид тадқиқотлари анчагина нашр этилган. Улар орасидаги 2001 йилда турк тилида чоп этилган 21 жилдли «Турклар» («Turkler»)²⁴⁷ ва инглиз тилида нашр этилган 6 жилдли «The Turks»²⁴⁸ номли йирик асарлари ҳамда «Xinjiang China's muslim borderland» («Шинжян Хитойдаги мусулмонлар яшайдиган чегара замини»)²⁴⁹ номли асарлар муҳим илмий аҳамият касб этади.

²⁴⁶ Қаранг: Краткая история уйгуров. Алма-Ата, 1991. С.4-15.

²⁴⁷ Turkler. 21 kitab. Ankara, 2001.

²⁴⁸ The Turks. In 6 books, Ankara, 2002.

²⁴⁹ Xinjiang China's muslim borderland (Шинжян Хитойдаги мусулмонлар яшайдиган чегара замини). Нью-Йорк – Лондон. 2004.

Үйгүр атамасининг луғавий маъноси ҳақида дунё олимлари асарларида олға сурилган ҳар хил фикрларни бирламчи хитой манбаларидаги маълумотлар асосида тахлил қилиб күрилди. Натижада маълум бўлдики, үйгүр этноними *уюшии*, *бирлашмоқ* маъносини билдирувчи уй сўзи билан этник атама бўлмиш ўгуз нинг қўшилиши асосида юзага келган. Буниг исботини 2010 йилдан кейин ўзбек ва рус тилларида нашр этилган асарларимизда батафсил келтирилади²⁵⁰. Бу ерда хулосамизнинг асоси сифатида бирламчи хитой манбаларидан куйидагиларни келтириб ўтиш ўринли деб топилди.

1) «Шин Тангшу» («Танг [сулоласи]нинг янги тарихи») ва «Танг хуэйяо» («Танг [сулоласи]нинг қисқача тарихи») номли асарда «уху (ўгуз) ухэ / угэ (уйгур) демакдир» (烏護則烏纥也 後為回鶻也)²⁵¹, деб ёзилган.

2) «Шин Тангшу»нинг уйғурларга бағишланган 217-бобида қуйидагича ёзилган: «уйғурлар (юанъхэ) ўғуз (уху, угэ) деб номланган, Суй [сулоласи хукмронлиги] даврига келганда уйғур (вейге) деб аталадиган бўлди» (袁纥者曰烏護曰烏纥至隋曰韋纥)²⁵².

3) «Танг хуэйяо» («Танг сулоласининг қисқача тарихи»)да «ўғуз (уху) угэ деб ҳам айтилган, кейин уйғур (хуэйгу) деб аталди» (烏護則烏纥後為回鶻也)²⁵³ деб ёзилган.

4) Хитой манбаларида учрайдиган «жюшинг угуси»

²⁵⁰ Бу ҳақда батафсил қаранг: *Ходжаев А.* Сведения древне-китайских источников по этнической истории Центральной Азии. 203-254-б.; *Ўша муаллиф.* Великий шелковый путь: связи и судьбы. 128-142, 163-179-б. ва бошқалар.

²⁵¹ *Оу Янгшию Сунг Чи.* Шин Тангшу // Эршиси ши. 16934(1520)-б.; *Ван Пу.* Танг хуэйяо (Танг сулоласининг қисқача тарихи). 1785-б.

²⁵² *Оу Янгшию, Сунг Чи.* Шин Тангшу // Эршиси ши. 16934(1520)-б.

²⁵³ *Ван Пу.* Танг хуэйяо. 1785-б.

(«түккиз ўғуз») ва «жюшиңг хуэйхэ / хуэйгэ» («түккиз уйғур») атамалари билан номланган қабилалар иттифоқининг таркиби бир хил. Бу этнонимлар уйғурларга нисбатан ишлатилган. Баъзан ушбу иттифоқ «жюшиңг тиетлэк / телэ» («түккиз түрк») деб ҳам номланади²⁵⁴.

Ўғузларнинг азалий яшаган жойи Тангритоғнинг Шарқий Туркистон қисмидаги яйлов жойлардан иборат бўлган. Буларнинг келиб чиқиши эса Такламакон чўли атрофидан топилган, бундан 5-6 минг йил олдин яшаган одамларга бориб тақалади, деган тахмин мавжуд. Ушбу тахмин эса шу одамлар жасадларининг Кўнчи дарёси (мазкур чўлнинг шимолий чеккасида жойлашган) атрофида топилгандан сўнг юзага келди. Қадимги хитой манбаларида

Учрайдиган юэчжи (қадим. ўқ. *ruzie*)ларнинг келиб чиқиши ҳам ўғузларга бориб тақалади²⁵⁵.

605 йилдан бошлаб уйғурлар таркибига кирган туркий қабилалар кўпайиб борган. VIII асрда уларнинг сони 30 тага етган, лекин шундан кейинги юз йилликда булар орасида бўлиниш юз берган. Шунда уларнинг катта бир бўлраги Туркистон ҳудудига келиб жойлашган.

²⁵⁴ Бу ҳақда асарнинг кейинги бобларида батафсил маълумотлар келтирилган.

²⁵⁵ Бу ҳақда батафсил қаранг: *Хўжаев А.* Буюк ипак йўли: муносабатлар ва тақдирлар. Тошкент, 2007. 105-107, 118-119-б.; *Ходжаев А.* Из истории древних тюрков... *Ўша муаллиф.* Сведения древнекитайских источников по этнической истории Центральной Азии. 203-238-б.; *Ўша муаллиф.* Великий шелковый путь: связи и судьбы. 128-142, 163-179-б. *Хўжаев А.* Буюк ипак йўли: муносабатлар ва тақдирлар. Тошкент, 2007. 105-107, 118-119-б. ва бошқалар.

VII-IX АСРЛАРДАГИ УЙГУРЛАР (30та қабила)

605 йилдан аввалги
уйгурлар (юаньхэ 袁纥)

VII асрда қүшилган туркий
(тиетлэк / телэ 铁勒)
қабилалар

- 1 яғлиқор (яолуогэ 藥羅葛)
- 2 құттриғур (худуогэ 胡咄葛)
- 3 турлам-вейбүр (дуолуову
咄羅勿)
- 4 бұқосқұр (муогэшихэ
貊歌息訖)
- 5 овчаг (авуди 阿勿囉)
- 6 хазор-қасор (гэса 葛薩)
- 7 хұғурсу (хуохэсу 餋喝素)
- 8 яғма (яовугэ 藥勿葛)
- 9 аёвир (шийеву 奚耶勿)

- VII асрда қүшилган туркий
(тиетлэк / телэ 铁勒)
қабилалар
- 1 бүгү (пүгу 僕骨)
 - 2 ҳұн (хун 渾)
 - 3 баійрқұ (баегү 拔野古)
 - 4 изгил (сижие 思結)
 - 5 чибни (чибиюй 契苾羽)
 - 6 құвурқан (гулиған 骨利幹)
 - 7 сиртөрдүш (шюеянтуо
薛薛延陀) – 2
қабиладан иборат:
1). сир (шиое 薛)
2). тардүш (янтуо 延陀)
 - 8 одиз (адие 阿跌)
 - 9 тува (дубую 都播)
 - 10 тунгра (тунглуо 同羅)
 - 11 тиланғут (дуоланғэ 多覽葛)
 - 12 чигил (шижес 網結)
 - 13 хұғурсу (хүшиө 餋薛)
 - 14 барсук (байси 白靄)
 - 15 басмил (башими 拔悉蜜)
 - 16 қурун-үғуз (гулун-үгуси
骨崙屋骨思)
 - 17 қарлуқ (гәлуюу 葛邏祿)
– 3 қабиладан иборат:
1) булак (муолую 謨落)
2) сабак (чжиси 燐俟)
3) ташилиғ (ташиили 踏實力)

Вэй Лянгтао китобларида келтирилган
Қорахонийлар хоқонлиги тарихига оид асар ёзган
айрим мусулмон муаллифлар ва манбалар²⁵⁶

1. Izz al-din Abu-l-Hasan Ali ibn Muhammed ibn al-Athiri
عز الدين أبو الحسن على ابن محمد ابن الأثير
2. Abu Djafar Muhammed ibn Djarir al-Tabari
أبو جعفر محمد بن جرير الطبرى
3. al-Imam abu-l 'Abbas Ahmad ibn Jabir al-Baladhuri
الامام ابو العباس احمد بن جابر البلاذري
4. Abu Nasr Muhammed b. Abd al-Djabbar Utbi
أبو النصر محمد بن عبد الجبار العتبى
5. Abu Sa'id Abd-l-Hay b. Zahhak Gardizi. Zain al-akhbar.
أبو سعيد عبد الحي بن الضحاك جردizi. زين الأخبار
6. Abu Bakr Muhammed b. Djafar Narshahi
ابو بكر محمد بن جعفر نرشخي
7. Mujmal al-tawarikh wa-l-qisas
مجمل التواریخ و القصص
8. Nizam al-Mulk, Abu Ali Hasan b. Ali Tusi
نظام الملك ابو على الحسن بن على الطوسي
9. Muhammed al-Aufi
محمد لأوفى
10. Abu Sa'd abd al-Karim b. Muhammed al-Sam'ani
ابو سعد عبد الكريم بن محمد السمعانى
11. Abu-l-Fazl Muhammed b. Husein Baihaki
ابو الفضل محمد بن الحسين البيهقي
12. Muntadjab al-din Badi. Al-Tawassul ala-l-Tarassul
منتجب الدين البديع. التوصل والترسل
13. Baha al-din Muhammed b. Muayad al-Bagdadi
بهاء الدين محمد بن مؤيد البغدادى
14. Hudud al-Alam
حدود العالم
15. Abu Sa'id Abd al-Rahman b. Muhammed al-Idrisi
أبو سعيد عبد الرحمن بن محمد الإدريسي

²⁵⁶ Арабча ёзувдаги манбалар номлари ушбу китоб муаллифлари томонидан қўшиб қўйилди.

16. Abu Hafs Omar b. Muhammed al-Nesefi

أبو حفص عمر بن محمد النسفي

17. Imad al-din Abu Abdallah Muhammed b. Muhammed Isfahani

عماد الدين ابو عبد الله محمد بن محمد الأصفهانى

18. Fath b. Ali b. Muhammed Bondari. Zubdat al-Nusra wa Nuhbat al-usra

الفتح بن عليّ بن محمد البنداري. زبدة النصرة ونخبة العصرة

19. Haridat al-Kasr wa Djaridat al-‘Asr

جريدة القصر وجريدة العصر

20. Abu Mansur al-Malik b. Muhammed Sa’alibi

عبد الملك بن محمد بن اسماعيل الشعالي

21. Sadr al-din Abu-l-Hasan Ali b. Nasir al-Huseini

صدر الدين أبو الحسن علي بن ناصر الحسيني

22. Abu-l-Hasan, Ali b. Hussein al-Mas’udi. Murudj al-zahab.

أبو الحسن علي بن الحسين المسعودي. مروج الذهب


23. Abu Bakr Muhammed b. Ali al-Rawandi. The Rahat-us-Sudur wa Ayat-us-Surur.

ابو بكر محمد بن علي الرواندي. راحة الصدور وآية السرور

24. Abu Is’haq Ibrahim ibn Muhammad al-Istakhri. Kitab masalik al-mamalik.

ابو اسحق ابراهيم بن محمد الاصطخري. كتاب مسالك الممالك

Қорахонилар сулоласи шажараси (Вэй Лянгтао келтирган шажара таржимаси)



¹ Бозирхон ва Ўғулчаклар отаси бўлса ушбу шахс исми **Кулбилигे Қорахон** (840 - 880) бўлиш керак. Вэй Ляотао мазку шажара тўлиқ эмас ва шубҳали жойлари бор деб таъкидлаб ўтган.

ФОЙДАЛАНИЛГАН МАНБАЛАР ВА АДАБИЁТЛАР

Хитой тилида

1. *Бан Гу. Ханшу* (班固. 漢書 – Хан [сулоласи] тарихи) // Эршиси ши (二十四史 – 24 тарих). 2-жилд. Пекин – Шанхай, 1956-1958.
2. *Вэй Вэй, Янь Шигу* и др. Суйшу (魏微, 颜师古. 隋書 – Суй [сулоласи] тарихи) // Эршиси ши (24 тарих). 9-жилд.
3. Гу шишинг жи (古西行记 – Қадимги ғарбий саёҳатлар хотиралари тўплами). Йинчуюн (银川), 1987.
4. *Ду Ю. Тунгдян* (杜佑. 通典 – Қонунлар ва урф-одатлар баёни). 3 жилдли. Чангша, 1995. 766-801 йилларда ёзилган.
5. *Му Тянзи чжуан* (穆天子传 – Тангри ўғли Му тазкираси) // Гу шишинг жи. 6-26-6.
6. *Oу Янгшию Сунг Чи. Шин Тангшу* (新唐書 – Танг [сулоласининг] янги тарихи) // Эршиси ши (24 тарих). Пекин – Шанхай, 1956-1958. 13- жилд.
7. *Юсуф Хос Ҳожиб. Фулую чжихуэй* (福乐智慧 – «Бахт ва саодатга бошловчи билим»). Пекин, 1986.

Ўзбек тилида

8. *Махмуд Кашигари*. Девону Лугот-ит турк. Таржимон ва нашрга тайёрловчи С.М. Муталибов. 3 жилдан иборат. Тошкент, 1961.
9. *Абулғозий. Шажарайи* турк. Қ. Муниров ва Қ. Махмудов нашрга тайёрлаган. Тошкент, 1992.

Уйгур тилида (араб алифбоси асосида)

10. *Махмуд Қашқарий*. Туркий тиллар девони. 3 жилдли. Урумчи, 1989.
11. Уч подшолик тазкириси, Цзиннома, Сунгнома (Сань-гуо чжи, Цзиншу, Сунгшу). Хитойчадан таржима. Урумчи, 2001.
12. *Юсуф Хос Ҳожиб*. Қутадғу билиг. Пекин, 1984.

Адабиётлар

Ўзбек тилида

1. Айтбаев А. Чин ва Мачин. Тошкент, 2006.
2. Аскаров А. Ўзбек халқининг келиб чиқиш тарихи (История происхождения узбекского народа). Тошкент, 2015.
3. Ислом энциклопедияси. 6-жилд, 58-китоб. Истамбул, 1953.
4. Тўхтиев Ирпан. Қорахонийлар сулоласининг XI асрнинг 1-чорагида зарб қилинган кумуш тангалари. Тошкент, 2015.
5. Хўжаев А. Буюк ипак йўли: муносабатлар ва тақдирлар. Тошкент, 2007.
6. Хўжаев А. Қошғарий ёдгорлик мажмуи // Ўзбекистон миллий энциклопедияси (ЎМЭ). 5-жилд, Тошкент, 2003. 78-79-б.
7. Хўжаев А. Марказий Осиё халқлари тарихига оид маълумотлар (Қадимий ҳамда илк ўрта аср Хитой манбаларидан таржималар ва тадқиқотлар). Тошкент, 2015.
8. Хўжаев К.А. Хитой манбаларидаги «жюшинг угу», «жюшинг теле» ва «жюшинг хуэйхэ» атамалари ҳақида // Шарқшунослик. № 12, Тошкент, 2004. 223-228-б.
9. Хўжаев А. Қўлдашев Ш., Жуманиёзова Ф. Марказий Осиё давлатчилик тарихига оид маълумотлар (Хитой манбалари асосида). Тошкент, «Фан», 2019.
10. Шарқшунослик (Востоковедение). №. 5. Тошкент, 1994.
Ўзбек тилининг изоҳли луғати. 2 жилд. Москва, 1981.
11. Шониёзов К. Ш. Ўзбек халқининг шаклланиш жараёни (Процесс формирования узбекского народа). Тошкент, 2001.
12. Ўзбекистон миллий энциклопедияси (ЎМЭ). 12 жилдли. Тошкент, 2000 – 2006.

Рус тилида

13. Караев О. История караханидского каганата. Фрунзе, 1983.
14. Молотова Э.М. Тазкира-йи Буғро-хон: история и культура караханидского государства. Алматы, 2016.
15. Ходжаев А. Великий шёлковый путь: связи и судьбы (на основе китайских источников и литературы). Второе дополненное издание. Ташкент, 2018.

16. *Ходжаев А.* Из истории древних тюрок (сведения древнекитайских источников). Алматы, 2011.
17. *Ходжаев А. Каримова Н.Э.* Сведения китайских источников по истории государственности Центральной Азии (переводы и исследования). «Фан», 2019. 11-70 бет.
18. *Ходжаев А.* Китайский фактор в Центральной Азии. Ташкент, 2007.
19. *Ходжаев А.* О реальности путешествия Mu в 989-988 гг. до н.э. // «O'zbekiston – Xitay tarixiy-madaniy, ilmiy va iqtisodiy aloqalar rivoji» mavzusidagi xalqaro ilmiy-amaliy konferensiya materiallari. 17 noyabr 2018 yil, Toshkent. C. 230-235;
20. *Ходжаев А.* Сведения древнекитайских источников по этнической истории Центральной Азии. Ташкент, 2017.
21. *Ходжаев А.* Сведение китайских источников о государстве Самарканда (Канг-гуо) // «Материалы научно-практической конференции «Актуальные проблемы китаеведения: Вопросы филологии, политики, экономики и философии». Ташкент, 2007.
22. *Ходжаев А.* Китайский фактор в Центральной Азии (история и современность). Ташкент, 2020.
23. *Хўжаев К.А.* Хитой манбаларидаги «жюшинг угу», «жюшинг теле» ва «жюшинг хуэйхэ» атамалари ҳақида // Шарқшунослик. № 12, Тошкент, 2004. 223-228-б.

Хитой тилида

24. *Ванг Чжилай.* Чжунгъя шиганг (王治来. 中亚史纲 – Марказий Осиёнинг қисқача тарихи). Чангша, 1986.
25. *Ванг Чжунхан* (масъул муҳаррир). Чжунггуо минзу ши (王鐘翰. 中国民族史 – ХХР халқлари тарихи). Пекин, 1994.
26. *Вэй Лянгтао.* Калахан вангчао шигао (魏良弢. 喀喇汗王朝史稿 – Қорахонийлар сулоласининг қисқача тарихи). Урумчи, 1986.
27. *Вэйуэр цзу цзяньши* (维吾尔族简史 – Уйғур халқининг қисқача тарихи). Урумчи, 1991.
28. *Гу Бао.* Гудай Шинжяңг ди йингюэ удао юй гудай шэхүэй (古代新疆的音乐舞蹈与古代社会 – Қадимги Шинжяңг мусиқаси, рақслари ва жамияти). Пекин, 1987. 432-433-б.
29. *Гуо Йингдэ.* Вэйвуэр шилюэ (郭应德. 维吾尔史略 Уйғурларнинг қисқача тарихи). Шанхай, 1952.

30. Жянминг Чжунггуо лиши диту жи (简明中国历史地图集
Хитойнинг қисқача тарихий хариталари тўплами). Иккинчи нашр.
Пекин 1996.
31. Сичоу чжилу маойи ши (丝绸之路貿易史 – Ипак йўлидаги
савдо тарихи). Ланчжоу, 1997.
32. Фэн Цзяшэнг, Чэн Сулую, Му Гуангвэн. Вэйвуэрзу шиляо
жянбян (冯家昇, 程溯洛, 穆广文. 维吾尔族史料简編 – Уйғур халқи
тарихига оид қисқача материаллар тўплами). 2 жилдли. Пекин,
1981.
33. Ханюй дазидян (漢語大字典 – Хитой тили ва ёзуви катта
луғати). 8 жилдли. Чэнду, 1986-1991.
34. Цихай (辞海 – Сўзлар денгизи). Шанхай, 1979.
35. Циюан (辭源 – Сўзларнинг келиб чиқиши). 4 жилдли.
Пекин, 1982.
36. Чжанг Гуангда. Шилюй шиди цунггао чубян (張廣達. 西域史地
叢稿初編 – Ғарбий мамлакатлар тарихий географиясига оид илмий
мақолаларнинг биринчи тўплами). Шанхай, 1995.
37. Чжунггуо дабайкэ chioаншу. Чжунггуо лиши (中国大百科全书.
中国历史 – Хитойнинг катта энициклопедияси. Хитой тарихи).
Пекин, 1997.
38. Чжунггуо лиши дацидян. Шисюэ ши (中国历史大辞典. 历史学
– Хитой тарихи катта луғати. Тарихшунослик). Изд. 2-е. Шанхай,
1984.
39. Чжунггуо хуэйзу дацидян (中国回族大词典 – Хитой
мусулмонлари катта луғати), Йингчуан (Жянгсу), 1992.
40. Шинжянг лиши цидян (新疆历史词典 – Шинжянг тарихи
луғати). Урумчи, 1996.
41. Шилюй диминг каолу (西域地名考录 – Ғарбий мамлакатлар
жой номларига оид тадқиқотлардан лавҳалар). Пекин, 2008.
42. Юй Тайшань (masъул мухаррир). Шилюй тунгши (余太山. 西
域通史 – Ғарбий мамлакатларнинг умумий тарихи). Чжунгчжоу,
1996.

Уйғур тилида (араб алифбоси асосида)

43. Анвар Байтур, Хайриниса Сидик. Шинжянгдики
миллатларнинг тарихи (شىنجاڭدىكى مللەتلەرنىڭ تارىخى). Пекин, 1991.


44. *Ванг Чжилай*. Ӧрта Осиё тарихи (ئوتۇرا ئاسىيا تارىخى). 2 жилдлик. Хитой тилидин таржима. Урумчи, 2000.
45. *Вэй Лянгтао*. Қорахонийлар тарихидин баён. (قاراخانىلار تارىخىدىن بايان). Хитой тилидин таржима. Қашқар, 2000.
46. *Хожи Нурхажи*. Қадимқи уйғурлар ва қараҳонийлар. (قەدیمکی ئۇيغۇرلار وھ قاراخانىلار). Урумчи, 2001.
47. *Ли Жиншин*. Шинжонгда ўтган ислом хонли клирининг қисқича тарихи (شىنجاڭدا ئوتکەن ئسلام خانلىقلېرىنىڭ قىسىچا تارىخى). Хитой тилидин таржима. Урумчи, 2003.
48. *Лин Ган, Гао Зиху*. Қадимги уйғурлар тарихи (قەدیمکی ئۇيغۇرلار تارىخى). Урумчи, 2000.
49. *Лю Чжиияо*. Уйғурлар тарихи (ئۇيغۇرلار تارىخى). 2 жилдли. Хитой тилидин таржима. Пекин, 1988.
50. *Одил Мұхаммат*. Қадимги Қашқарнинг тарих-жуғрафияси (قەدیمکی قەشقەرنىڭ تارىخ - جۇغراپىيەسى) (2). Қашқар, 2007.
51. *Ришот Ганж*. Қорохонийларнинг давлат ташкилоти (قاراخانىلارنىڭ دۆلەت تەشكىلاتى). Турк тилидин таржима. Урумчи, 1990.
52. *Тургун Олмос*. Уйғурлар (ئۇيغۇرلار). Урумчи, 1989.
53. Уйгуларнинг қисқача тарихи (ئۇيغۇلارنىڭ قىسىچەتارىخى). Урумчи, 2006.


Уйғур тилида (кирил алифбоси асосида)


54. Әхбарат (Информация). Казахстан. Ижтимоий-сиёсий журнал, № 6 (32) 2008.

Түрк ва ингилз тиллирида

55. Turkler (Турклар). 21 kitab. Ankara, 2001.
56. The Turks (Турклар). In 6 books, Ankara, 2002.
57. Xinjiang China's muslim borderland (Шинҗяңг Хитойдаги мусулмонлар яшайдиган чегара замини). Нью-Йорк – Лондон. 2004.







МУНДАРИЖА

КИРИШ СҮЗИ.....	3
1-БОБ. ХХР ТАРИХШУНОСЛИГИДАГИ ҚОРАХОНИЙЛАР ХОҚОНЛИГИ ТАРИХИГА ОИД ТАДҚИҚОТЛАРНИНГ УМУМИЙ ТАҲЛИЛИ	
1.1. Қорахонийлар хоқонлиги тарихига оид хитой ва уйғур тилларида нашр этилган асосий асарлар.....	10
1.2. Хоқонлик тарихининг Европа ва Россияда ўрганилишига оид мулоҳазалар.....	14
1.3. Қорахонийлар сулоласининг номи масаласига оид қарашлар.....	20
2-БОБ. ҚОРАХОНИЙЛАР ХОҚОНЛИГИНИНГ ТАШКИЛ ТОПИШИ, РИВОЖЛАНИШИ ВА ЕМИРИЛИШИ ХХР ОЛИМЛАРИ ТАЛҚИНИДА	
2.1. Хоқонликнинг ташкил топишига оид қарашлар.....	25
2.2. Қорахонийлар сулоласининг ҳудудий кенгайишига қаратилган ҳаракатлар баёни.....	35
2.3. Қорахонийлар ва Фазнавийлар муносабатларниң ёритилиши.....	45
2.4. Хоқонликнинг шарқий ва ғарбий қисмларга бўлиниши ва бу воқеа оқибатларининг акс эттирилиши	51
3- БОБ. ХХР ТАРИХЧИЛАРИ АСАРЛАРИДА ҚОРАХОНИЙЛАР ХОҚОНЛИГИ БОШҚАРУВ ТУЗИМИ ВА ҚУРОЛЛИ КУЧЛАРИНИНГ ТАЪРИФЛАНИШИ	
3.1. Бошқарув тузими	57

3.2. Қуролли кучлари.....	69
4-БОБ. ХХР ОЛИМЛАРИ ҚОРАХОНИЙЛАР	
ХОҚОНЛИГИНИНГ ИҚТИСОДИЙ-МАДАНИЙ ХАЁТИ ВА	
ХИТОЙ БИЛАН АМАЛГА ОШИРГАН АЛОҚАЛАРИ ҲАҚИДА	
4.1. Иқтисодий-маданий хаётининг акс эттирилиши.....	77
4.2. Қорахонийлар хоқонлиги ва Хитой алоқаларининг ёритилиши.....	88
ХУЛОСА.....	103
ИЛОВА	
Қорахонийлар давлати хоқонлари.....	107
Шарқий Қорахонийлар хонлиги ҳукмдорлари.....	110
Ғарбий Қорахонийлар хонлиги ҳукмдорлари.....	111
Асосий тарихий воқеалар санаси	113
Қорахонийлар давлати пойтахти Қашқар.....	117
Ғарбий Қорахонийлар давлати пойтахти Самарқанд....	120
Чжунггуо ва Хитой топонимлари	126
Үйғур этнонимининг этимологияси ҳақида қисқача тушунча.....	131
Вэй Лянгтао китобларида келтирилган Қорахонийлар хоқонлиги тарихига оид асар ёзган айрим мусулмон муаллифлар ва манбалар.....	135
Фойданилган манбалар ва адабиётлар	138

АБЛАТ ХОДЖАЕВ
ДИЛРАБО ТУРДИЕВА

ҚОРАХОНИЙЛАР ХОҚОНЛИГИ
ТАРИХИ ХИТОЙ ХАЛҚ РЕСПУБЛИКАСИ
ОЛИМЛАРИ ТАДҚИҚОТЛАРИДА



Ўзбекистон Матбуот ва ахборот агентлигининг
«FAN ZIYOSI» нашриётига 2021 йил 14 февралда
берилган 308197041-сонли лицензияси
Нашриёт манзили: Тошкент ш. А.Навоий кўчаси, 30 уй.

Бичими 60x84, 1/16 Шартли босма табоғи – 9,5
Буюртма № 58. Адади 100 нусхада
«MUNIS DESIGN GROUP» МЧЖ босмахонасида чоп этилди.
100000 Тошкент ш., Буз-2 мавзе, 17-А уй.